

ሺኢጲያ ማኣር ዓሶኮ ፔቴሞናይዳ ዓኣ ዋልቃ ዋማዒ ዴኤፐ
ማዕቶዋ ፔጋሲ ዳዋኔ።

ማፃኣፔላ ዲማ ዲማ ዓርቄ ባኮ

- ኮኸ ሓይሶ ከኤዛኒ ጊኢጊንቶና ሓይሴ 1፡1-26
- ዩሱሴኮ ጋፒንጾ ዓይሢያና ሓሣዒ ዒንጌ ዎዞ 1፡1-14
- ዪሁዳ ቤዛ ሜሌ" ዓሲ ዶኦሪንቴሢ 1፡15-26
- ኮኸ ሓይሳ ዩሩሳላሜይዳ ከኤዚንቴሢ 2፡1—8፡3
- ኮኸ ሓይሳ ዪሁዳና ሳሚሪያናይዳ ከኤዚንቴሢ 8፡4—12፡25
- ጳውሎሴ ማዴ ማድ" 13፡1—28፡31
- 1 ቤርታሲ ሓንቲ ማዴ ማድ" 13፡1—14፡28
- 2 ዩሩሳላሜይዳ ዴጾና ቡኪንቶ 15፡1-35
- 3 ላሚ ሃንቲ ማዴ ማድ" 15፡36—18፡22
- 4 ሓይሢሲ ሓንቲ ማዴ ማድ" 18፡23—21፡16
- 5 ጳውሎሴኮ ዩሩሳላሜይዳ፣ ቁሳሪያይዳ ሓሣ ርሜ
ዓጮ"ይዳ ቱኡቲፆ 21፡17—28፡31

1 ቱዎፐሎሴ!

ታኣኮ ቤርታሳ ማፃኣፖይዳ ዩሱሴ ማዴ ባኮና ዔርዜ ባኮ ቢያ ታ
ፃኣፔኔ፤ ታኣኒ ፃኣፔሢያ ዩሱሴ ሳጾይዳ ማድ" ዓርቄማፓ ዴንዲ፥

2 ለካ ጫሪንጮ ዔውቴ ከሎ" ሄላ"ንዳኣና ዒዚ ማዴ ማድ"ኬ፤
ለካ ጫሪንጮ ዒዚ ዔውቴሢ" ዳኪንቴዘንሚኮ ጌይንቲ
ዶኦሪንቴዘንሚኮ ሳያና ጌኤሺ ዋልቄና ዓይሢያ ዓይሢሢኮ
ጊንፃፓኬ፤

3 ዒ ሓይቄሢኮ ጊንፃ ዲቢ ዔርታ ማርካ ማዒ ጎይሢና ሹምፔና
ዓኣያ ማዒያ ጎናሳኒ ዔያቶም ጾይዲታሚ" ከሊ"ዳ ዶዲ ዶዲ
ጾኦሲኮ ካኣቱም ዛሎ" ዔርዜኔ፤ ዔያታኣ ዒዛ ዛጌኔ።

4 ዔያቶና ዎላ" ዒዚ ዓኣና፡- «ታ ዒንሢም ቤርታ ከኤዜሢ ሓሣ
ዓዶይዳፓ ዒንጊንቴ ዎዞ ዒንሢ ዩሩሳላሜይዳፓ ከሰኩዎፆ ዒኣካ
ካፑዋቴ፤

5 ዮሓኒሴ ቤርታ ዎኣሢና ማሰኬኔ፤ ዒንሢ ጋዓንቴ ሓሢ ዳካ"
ከሊ"ኮ ጊንፃፓ ዓያና ጌኤሺና ማሰታንዳኔ» ጌዔኔ።

ዩሱሴኮ ለካ ጫሪንጮ ዓኣዲያ
(ማር. 16፡19-20፤ ሉቃ. 24፡50-53)

1:1 ሉቃ. 1፡1-4። 1:4 ሉቃ. 24፡29። 1:5 ማቴ. 3፡11፤ ማር. 1፡8፤ ሉቃ.
3፡16፤ ዮሐ. 1፡33።

6 ዲማ"ና ዳኪንቴዘንሚኮ ፔቴ"ይዳ ቡኪንቲ ዓኣዮ:- «ጎዳሢሃ! ቢሰራዔኤሌም ካኣቱሞ ማሂ ኔ ቢንጋንዳ ዎዳ" ሓሢዳ?» ጌራ ዩሱሴ ኮራ ያኣጩኔ።

7 ዩሱሴ ማሃዮ:- «ዓዳሢ ፔ ቢታንቶና ማሊ ጌሢ ዎዳ"ና ማዓንዳ ባኮና ቢንሢ ሜራኒ ዳንዳዑዎሴ።

8 ጋዓንቴ ዓያና ጌኤሽ ቢንሢዳ ኬዳ" ዎዳ"ና ዎልቄ ቢንሢ ዳንቃንዳኔ፤ ዩካፓ ዩሩሳላሜይዳ፣ ዪሁዳ ዓጮ" ቢያይዳ፣ ሳማሪያይዳ፣ ዳንዲ ዓጮ"ኮ ጋፒንዎ ሄላ"ንዳኣና ቢንሢ ታኣኮ ማርካ ማዓንዳኔ» ጌራ።

9 ያዲ ጌራሰካፓ ዔያታ ዘጋ ጎይሣ ዓኣንቴ ለካ ጫሪንጮ ባንሢ ሳዓፓ ዔውታኣና ሻኣሬ ዔያቶኮ ዓኣፓፓ ዒዛ ዓኣቼኔ።

10 ዒዚ ዓኣዳኣና ዔያታ ጫሪንጮ ባንሢ ጊዥ ጌራ ዘጊያይዳ ዓኣንቴ ቦኦሬ ዓፒላ ማኣዔ ላምዎ ዓሲ ዔያቶ ኮራ ዔቃዮ:-

11 «ዒንሢ ሓይ ጌሊላ ዓጮ" ዓሳ፣ ጫሪንጮ ባንሢ ዘጊ ቢንሢ ዓይጎሮ ዔቄይ? ሓይ ጫሪንጮ ዔኪንታንቴ ቢንሢ ዘጌ ዩሱሴ፣ ጫሪንጮ ዳንዳንቴ ቢንሢ ዘጌማ ጎይዎ ዒማይዲ ማዒ ሙካንዳኔ» ጌራ።

ዪሁዳ ቤዛ ማቲያሴኮ ዶኦሪንቲዎ
(ማቲ. 27፥3-10፤ ዓይኑ. 109፥8)

12 ዩካፓ ዘይቴ ሪሚቲ ዲካ" ጌይንታዘይዳፓ ዩሩሳላሜ ባንሢ ዔያታ ማዔኔ፤ ዘይቴ ሪሚቲ ዲካ ጌይንታ ዲካ" ዩሩሳላሜይዳፓ ዓሲ ዔኤሌም ዎይዘንዳጉዳ ፓዳ ቤሲዳኬ።

13 ዩሩሳላሜ ዔያታ ሙካዎ ዎንዴ ናንጋ ኩቦ ማኣሮ ኬሰኬኔ፤ ዔያታ:- ጳዒሮሴ፣ ዮሐኒሴ፣ ያይቆኦሴ፣ ቢንዲራሴ፣ ፒልጸሴ፣ ቶኦማኦሴ፣ ቤርቴሌሞሴ፣ ማቲዎሴ፣ ዒልፒዮሴ ናኣዚ" ያይቆኦሴ፣ ፔ ዓጮ" ሚጨንታ ሲሞኦኔንታ ያይቆኦሴ ናኣዚ" ዪሁዳንታኬ።

14 ዔያታ ቢያ ኬሊ" ፔቱሞና ዶዲ ያኦሲ ሸኢቃኔ፤ ዔያቶና ዎላ" ፔቴ" ፔቴ" ላኣሊና ዩሱሴኮ ቢንዶ ማይራሞና ሓሣ ዩሱሴኮ ጌርሲንሢያ ዓኣኔ።

15 ዲማ"ና ጳዒሮሴ ጃኤታና ላማታሚ"ና ማዓ ኪሪሰቶሴ ጉሙርቃ ዓሲ ባኣካ ዔቃዎ ሂዚ ጌራ።

16 «ታ ዒሾንሦ! ታ ሚሾንሦ! ዩሱሴ ዓርቄ ዓሶኮ ዓርና ማዔ፣ ዪሁዳ ዘሎ" ያኣፒንቴሢጉዲ ዓያና ጌኤሽ ቤርታሲ ዳውቴ ዘሎ"ና ኬኤዜ ያኦሲ ማሊዎ ኩማኒ ኮይሳኔ።

1:8 ማቲ. 28፥19፤ ማር. 16፥15፤ ሉቃ. 24፥47-48። 1:9 ማር. 16፥19፤ ሉቃ. 24፥50-51። 1:13 ማቲ. 10፥2-4፤ ማር. 3፥16-19፤ ሉቃ. 6፥14-16።

17 ዪሁዳ ኑኡኮ ፔቴ"ሢ ማዕረ ቤርታ ኑኡና ዎላ" ማዳያኬ።።»

18 ጋዓንቴ ዬይ ዓሢ ፔኤኮ ፑርቶ ማዶ" ዛሎ"ሮ ዔኬ ሚኢሾና ሳዓ ሻንቄኔ፤ ሐሣ ባሊቲና ሳዓ ጳዲንቴ ዲኡቂ ሔኮ ፓቂንታዛ፤ ሩቁንታኦ ዒዛኮ ኬሰኪ ሚጨ"ንቴኔ፤

19 ዬይ ማዳንቴ ባካ ዬሩሳላሜ ዓጮ"ይዳ ቢያ ዎይዘንቴኔ፤ ዬያሮ ዬና ሳዓ ዔያቶ ዓጮ" ሙኡጮና «ዓኬልዳማ» ጌይንቴኔ፤ ዬኖኮ ቡሊ"ፃ «ሱጉሢ ሳዓ» ጌይሢኬ።።

20 «ዬይ ያዲ ማዓኒ ዳንዳዔሢ ሳይኑሞ ማፃኦገይዳ፡- ሩዚ ናንጋ ማኦሩ ባዔ ማዎንጎ፤ ያኦኒያ ዒኢካ ናንጎገ፤

ሐሣ ዒዛኮ ዓኦ ቢታንቶ ሚሌ" ዓሲ ዔኮንጎ ጌይንቴ ፃኦፐንቴያ ዓኦሢሮኬ።።»

21 «ዬያሮ ጎዳ ዬሱሴ ኑ ባኦኮ"ይዳ ኑኡና ዎላ" ሃንቴ ዎዶ"ና ጉቤ ኑኡና ዎላ" ዓኦ ዓሶይዳገ፤

22 ዬያጉዲ ሐሣ ዮሐኒሴ ዎኦጎና ማሰካ ዎዶ"ይዳገ ዓርቃዎ ደንዲ ጎዳ ዬሱሴ ጫሪንጮ ዔውቴ ኬሎ" ሄላ"ንዳኦና ኑኡና ዎላ" ዓኦ ዓሶይዳገ ፔቴ" ዓሲ" ጎዳ ሐይባ"ገ ዔቁሢኮ ኑኡና ዎላ" ማርካ ማዓኒ ኮይሳኔ» ጌዔኔ።።

23 ዬካገ ላሞዎ ዓሲ ዔያታ ዲማሲ ፔ ባንሢ ኬሴ"ኔ፤ ዬያታ ቤርሳባሴ ሐሣ ባጎ ሱ"ንፃ ዒዮሰፃሴ ጌይንቴ ላሞዎ ሱ"ሢሢና ዔኤሊ"ንታ ዮሴፔ ጎዎሢና ማቴያሴናኬ።።

24 ዬካገ ጳይሮሴንሢ ሂዚ ጌዒ ሺኢቄኔ፡- «ዓሲኮ ቢያ ዒኔ ዔራ ጎዳሢዮ! ሐንሢ ላሞዎንሢዳገ ዎና ኔኤኒ ደኦሬቴያ ኑና ዳዌ፤

25 ኑ ሐሢ ሺኢቃሢ ዪሁዳ ፔ ሺኔና ፔ ማሌ ቤዞ ዓኦዳዎ ሐሺ" ዳኪንቴዎ ማዶ" ዔኪ ፔ ማዶ ማሂ ዒዛ ቤዛ ማዳንዳሢ ዎናታቴያ ኔ ኑሞ ዔርዛንዳጉዲኬ።።»

26 ጋዓዎ ዒፃ ዓጋዘ ዬና ባኬላ ማቴያሴሞ ኬሰኬኔ፤ ዬያሮ ዬይ ማቴያሴ ጎዎሢ ታጾ ፔቴ" ዳኪንቴዘንሢካን ዎላ" ማዕረ ፓይዲንቴኔ።።

2

ዓያኖ ጌኤዠኮ ኬዲ"ዎ

1 ዓይሁዶ ዓሶኮ ዑሣ ዓኦዲሢ ኬሊ" ጌዒ ቦንቾ ኬላ" ጋፔሰካገ ደንገታሚ" ኬሊ" ዳዒ ቦንቾ ጳንፃቆሰፃ ጌይንታ ቦንቾ

1:18 ማቴ. 27፥3-8። 1:20 ዓይኑ. 69፥25፤ 109፥8። 1:22 ማቴ. 3፥16፤ ማር. 1፥9፤ 16፥19፤ ሉቃ. 3፥21፤ 24፥51።

ከሎ"ና ኪሪሰቶስ ጉሙርቃ ዓሳ ቢያ ፔቱሞና ቡኪ ፔቴ" ቤሰካ ዓኣንጉቴ፥

2 ዔርቲባኣ ዶዲ ዓልጎ ዠባሪጉዴ ዑኡሲ ጫሪንጫፓ ሙኪ ዔያታ ዓኣ ጋሮ ኩሜኔ።

3 ዓዳ" ታሚኮ ሎሰቶ ማላያ ሚርጌ ዒንዲርሲ ዔያቶሞ ጳዳጾ፥ ፓቂንቲ ፓቂንቲ ፔቴ" ፔቴ"ሢ ዑፃ ዴዔኔ።

4 ዴማና ቢያሢ ዓያና ጌኤሺኮ ዋልቆ ጋሮ ጌሌኔ፤ ሓሣ ዓያኖ ጌኤዠ ዔያቶሞ ጌሰታንዳጉዲ ዒንጌ ዲማ ዲማ ሙኡቸና ጌሰቲሢ ዓርቁኔ።

5 ዓጪ ማዔ ካራና ዓኣ ቤዛፓ ቢያ ሙኩ፥ ጾኦሲ ካኣሸካ ዓይሁዴ ዓሳ ዬሩሳላሚይዳ ናንጋኔ።

6 ዓማ"ና ዬኖ ዑኡዜሎ ዋይዛጾ ሚርጌ ዓሲ ሙኪ ዒኢካ ቡኪንጉቴ፤ ዬና ጌሰታ ዓሳ ዬያ ሙኪ ቡኪንጉቴ ዲማ ዲማ ዓሶኮ ሙኡጮና ጌሰታንጉቴ ዋይዜሰካፓ ዓሳ ጎጾንዶ ጎይሢ ባይዜኔ።

7 ሓሣ ዲቃቲ ሄርሺሢና ሄዚ ጌዔኔ፡- «ሓኣታ ሓያይዲ ጌሰታ ዓሳ ቢያ ጌሊላ ዓሲቱዋዓዳ?

8 ሂዳጾ ሓሢ ዔያታ ኦኡኮ ኦ ሾይንጉ ዓጮ" ሙኡጮና ጌሰታንጉቴ ኦ ዋይዛሢ ዋይቲዳይ?

9 ኦኡኒ ሓሢ ናንጋሢ ጳርቲይዳ፥ ማዴይዳ፥ ዔላሚይዳ፥ ማሶፖታሚያይዳ፥ ዩሁዳይዳ፥ ቁጶዶቁያዳ፥ ጳንጾሴይዳ፥ ዒሲያይዳ፥

10 ፐርጊያይዳ፥ ጳንፐሊያይዳ፥ ጊብዔይዳ፥ ቁሬና ጌይንታ ካታሞ ኮይላ" ዓኣ ሊቢያ ዓጮ"ይዳኬ፤ ሓሣ ሮሚ ዓጮ"ፓ ሙኩ ዓይሁዴ ዓሲንታ ቤርታ ዓይሁዴቱዋጾ ዓይሁዴ ማዔ ዓሳ ኦኡኒያ ዓኣኔ፤

11 ዬያጉዲ ቁርዔሴ ዓጪ ዓሲንታ ዓሬቤ ዓጪ ዓሲንታ ዓኣኔ፤ ሓይሾ፡- ሓይ ዓሳ ቢያ ጾኦሲ ማዴ ፑኡፖ ማድ" ዛሎ" ኦ ሙኡጮና ከኤዛሢ ኦ ዋይዛንጉቴዎ!" ጌዒ፥

12 ቢያሢ ዲቃቲ ሄርሻጾ ጎጾንዶ ጎይሢ ባይዚ፡- «ሓይ ዓይጎ ባኣዚ" ናንዳይ!» ጌዒ ጌዒ ዋሊ ኮራ ጾኡጮኔ።

13 ፔቴ" ፔቴ" ዓሳ ጋዓንጉቴ ዬያ ባኮ ዓማሊ" ማሃጾ፡- «ዋይኔፓ ኮሾ"ና ዑኩ ዑሽኪ ዔያታ ማማሢንጉቴያዋይ!» ጌዒ ጌዒ ቦሄኔ።

ጳዲርሴ ጌሰቲ ጌኤዘ

14 ዒማ"ና ጳዲርሴ ታጶ ፔቴ" ዳኪንቴዘንሚክና ዋላ" ዔቂ ዓኣጾ ዴሮ"ሞ ዑኡዘ ፔኤሲ" ዴ"ጊዲ ሄዚ ጌዒ ከኤዜኔ፡- «ዒንሢ

ዪሁዳ ዓጮ" ዓሶ ማዕጌ ኑ ዓሶንታ ዬሩሳላሚያዳ ናንጋ ዓሳ ቢያ ማደንገቱ ባካ ዓይነታቱያ ዔራኒ ታ ጋዓሢ ኮሺ" ዋይዙዋቱ፤

15 ሳዓ ሐገ ሶኦፓ ዋዴታሢሮ ዒንሢ ማላሢጉዲ ሐይ ዓሳ ማማሢንቴያቱዋሴ፤

16 ጋዓንገቱ ሐይ ሐኦዲ ማዕሢ ጾኦሲ ማሊያ ከኤዘ ዒዩዩኤሌ ከኤዘዎ:-

17 ጾኦሲ ጋፒንጾ ከሎ"ና ሐኦዲ ማዓንዳኔ ጋዓኔ:- ታኦኮ ዓያኖ ታኦኒ ቢያ ዓሲ ዑሰካ ላኦላንዳኔ፤

ዒንሢኮ ዓቲንቆና ዉዲሮ ናኦቶ"ና ጾኦሲ ማላሢ ከኤዘንዳኔ፤ ዴጌሢያ ሐሣ ጾኦሲ ፔጋሲ ዳዋ ባኦዚ" ዘጋንዳኔ፤ ጋርቾ ዓሳኦ ዓውቲ ዓውታዳንዳኔ።

18 ዬያጉዲ ዬኖ ዋዶ"ና ዓቲንቆና ላኦሎና ማዒ ታኦም ማዳ ዓሶ ዑፃ ዓያኖ ታኦኮ ታ ላኦላንዳኔ፤ ዔያታኦ ጾኦሲ ማላሢ ከኤዘንዳኔ።

19 ሌካ ጮሪንጮይዳ ዲቃሢ ሄርሺሳ ባኦዚ" ሊካ ሳዖይዳ ታ ዋልቄና ማደንገታ ዓኪ ባኦዚ" ታ ዳዋንዳኔ፤ ሱጉሢና ታሚና ሐሣ ጩቢ ሊኦሎጉዲ ላሂ ጴዳንዳኔ።

20 ዴኤፒ ሃሣ ሚርጌና ቦንቸንገታያ ማዕጌ ጎዳኮ ሙኮ ከላ" ሄላ"ንዳሢኮ ቤርታ ዓባ" ዳማንዳኔ፤ ዓገናኦ ሐሣ ሱጉሢ ማላንዳኔ።

21 ጎዳ ማኦዶ"ሞ ጌዒ ዔኤላ" ዓሲ ቢያ ዳቃንዳኔ» ። ሃዚ ጌዔሢ ኩማንዳጉዲኬ።

22 ጋዓዎ፣ ቃሲ" ገንሣ ጴዳሮሴ:- «ሐይ ኑ ዓሶ ማዕጌ ዒሰራዔኤሌ ዓሳ! ሐያ ታ ከኤዘ ባኮ ኮሺ" ዋይዙዋቱ፤ ዒንሢያ ቤርታዲ ዔራሢጉዲ ናዚሬቶ ዬሱሴ ጾኦሲዳፓ ዳኪንገቲ ዒንሢ ባኦካ" ጴዳያ ሃሣ ጾኦሎም ቢታንቶ ዒዘኮ ዓኦኮኬ፤ ዬይ ፑኤፑማ ዒዘኮ ዔርቲሢ ጾኦሲ ዒዘ ዘሎ"ና ጾኦሲ ዋልቄና ማደንገታ ዓኪ ማድ፣ ዲቃሢ ባኦዚ"፣ ዴኤፒ ማላታ ማዓ ባኦዚ" ዒንሢ ቤርታ ማዲያናኬ።

23 ጾኦሲ ቤርታዲ ማላሢጉዴያና ሐሣ ማደንገታንዳሢ ዒ ዔሬ ጎይያና ዒንሢም ዒዚ ዓኦሢንገቲ ዒንገንገቲ፤ ዒንሢያ ዒዘ ፑርቶ ዓሶም ዒንገ ሱዳንገቲ ሐይቃንዳጉዲ ማሄኔ።

2:17 ዓዪ. 2:28-32። 2:23 ማቲ. 27:35፤ ማር. 15:24፤ ሉቃ. 23:33፤ ዮሐ. 19:18።

24 ያኦሲ ጋዓንቴ ሓይቢኮ ዓኣ ዎልቆ ሚንሢ ሓይቢፓ ዒዛ
ዔቁሴኔ፤ ሓይቢያ ዒዛ ዓርቁ ቃዛኒ ዳንዳዒባኣሴ።

25 ዳውቴ ዒዛ ዛሎ" ከኤዛዎ፡-

ሳዳ፡ ታኣኒ ቢያ ዎዴ ታኣኮ ቤርታ ዓኣንቴ ዛጋኔ፤
ዒ ታኣኮ ሚዛቆ ዛላ" ዓኣሢሮ ታ ሂርጋዓ፤

26 ዬያሮ ታኣኒ ዎዛዳኔ፤
ዒና" ሓሣ ታኣኮ ዎዛና ኩሜኔ።
ሓይቃ ዓሽከላ ታኣኮ ሓገ ማዓንዳ ዎዛና ናንጋኔ፤

27 ሸሞፔሎ ታኣኮ ኔ ሃይቁ ዓሶ ባኣካ" ሓሺ"ንዲዎሴ፤
ኔኤኮ ጉሙርቁንታ ዓይላ"ሢ ዲኤፖ ዔቶይዳ ኔ
ዎዒሲንዲዎሴ።

28 ናንገኮ ጎይሢ ታኣም ኔ ዳዌኔ፤
ሓሣ ኔኤኒ ታኣና ዎላ" ዓኣሢሮ ዎዛ" ታኣኮ ጉቤ ዒናፓ
ማዓንዳኔ»

ሂዚ ጌዔኔ።

29 ጌዔሰካፓ፡- «ዒሸንሢዮቴ! ቤርታኣ ዓደንሢዳፓ ፔቴ"ሢ
ማዔ፡ ዳውቴ ሃይቁ ዲኤቴሢና ሓሣ ዒዛኮ ዲኤፓ ሓኖ"
ሄላ"ንዳኣና ኑ ኮራ ዓኣሢ ፔጌና ታ ዒንሢም ከኤዛኒ ዳንዳዒኔ።

30 ዳውቴ ያኦሲ ማላሢ ከኤዛያ ማዔሢሮ ሓሣ ያኦሲ ዒዛም
ኔኤኮ ዜርፃፓ ፔቴ" ዓሲ ታኣኒ ኔ ካኣቴም ቤዛ ጌሣንዳኔ» ጌዒ
ጫኣቁሢሮ ዒዚ ዬያ ዔሬኔ፤

31 ዬያይዳፓ ዔቁያና ሜሲሔ ዲኤፖ ዔቶይዳ ዓተንዲዎኣሢና
ዓሽካ ዒዛኮ ዒኢካ ዎዒንዲዎኣሢ ቤርታዲ ዔሪ ዔቁዩ ዛሎ"
ከኤዜኔ።

32 ያኦሲ ዬያ ዬሱሴ ሓይባ"ፓ ዔቁሴኔ፤ ኑኤኒያ ቢያሢ ዬያ
ባኮኮ ማርካኬ።

33 ያኦሲ ፔኤኮ ሚዛቆ ዛላ" ቦንቹንቴ ቤዘ ዒዛም ዒንጌኔ፤
ሓሣ ዓደሢዳፓ ዒንገንታንዳኔ ጌይንቴ ዓያኖ ጌኤዠዎ ዔከኔ፤ ሓያ
ዒንሢ ዛጋ ባኮና ዎይዛ ባኮ ዒዚ ሳኣሌኔ።

34-35 «ዓካሪ ጫሪንጮ ዓኣዴሢ ዳውቴቴዎሴ፤ ዳውቴ ፔ
ቶኣኪና፡

ናንገና ናንጋ ጎዳ፡ ታ ጎዳሢም (ሜሲሔም)
ኔ ሞርኮ ታ ኔና ባሺሳንዳያ ሄላ"ንዳኣና
ታኣኮ ሚዛቆ ዛላ" ዴዔ» ጌዔኔ ጌዒ ከኤዜኔ።

36 «ማይ ዓካሪ ሓያ ዒንሢ ሱጫ ዩሱሴ ያኦሲ ማሲሔ ሓሣ ጎዳቲ ማሄሢ ዒሰራዔኤሌ ዳራ" ቢያ ጎኔና ዔሮንጎ!» ጳጳርሴ ጋዓዛ።

37 ዓሳ ዬያ ዋይዜሰካፓ ዒኔ ዲጲ ያያ ዳጳርሴንታ ዒዛና ዋላ" ዓኣ ዳኪንቴዘንሢ ኮራ፡- «ዒሾንሢዮቲ! ዓካሪ ኑ ዋድ"ንደይ?» ጌዒ ያኦሴ።

38 ጳጳርሴ ማሓያ፡- «ጎሞ ቡኡፁዋቲ፤ ጎማ ዒንሢን ዓቶም ጌይንታንዳጉዲ ዩሱሰ ኪሪሰቶሴ ሱንገና ዋኣጾ ማሰቱዋቲ፤ ያኦሲ ዒንገሢ ማዔ ዓያኖ ጌኤዦ ዒንሢ ዔካንዳ።።

39 ዓይጎሮ ጌዔቶ ያኦሲኮ ዋዘ ቃኣላ" ዒንሢንታ ዒንሢን ናኣቶ"ንታም ሓሣ ጎዳ ያኦዛሢ ፔ ባንሢ ዔኤላ"ንዳ ሓጋ ሴካ ቤርታ ሙካንዳ ዓሶም ቢያኬ» ጌዔ።።

40 ሓሣ ዬያጉዲ ቃሲ" ሚርጌ ባኣዚ" ማርካ ማሃ ኬኤዚ ኬኤዚ፡- «ሓያ ዋሶ ሾይንቶይዳ ሄላ"ንዳ ባይሲንቶይዳፓ ዒንሢ ቶኣኮ" ዳቂሹዋቲ» ጌዒ ዔያቶ ዘሬ።።

41 ዬያ ዓሶይዳፓ ሚርጌሢ ጳጳርሴ ጌዔ ባኮ ጎኔኬ ጌዒ ዔከ ዋኣጾ ማሰቲ፤ ዬኖ ኬሎ"ና ሓይሦ ሺያ ማዓ ዓሲ ኪሪሰቶሴ ጎናሲ ዔከ ዔያቶይዳ ቃሲ"ንቲ።።

42 ዬያታ ዳኪንቴዘንሢ ዔርዚያ ዋይዚ ዋይዚ፣ ፔቱሞና ናሽኪንቲ ዋላ" ናንጊ ናንጊ፣ ካሣኣ ዋላ" ሙዒ ሙዒ ሺኢጲሢ ደዲ ሺኢቃ።።

ኪሪሰቶሴ ጉሙርቃ ዓሶኮ ፔቱሞ ናንጎ

43 ዬኖ ዋድ"ና ዳኪንቴዘንሢ ዛሎ"ና ሚርጌ ያኦሲ ዋልቄና ማዲንታ ዓኪ ባኣዚ"ና ዲቃሣ ባኣዚ"ና ማዲንታያ ማዔሢሮ ዒዘ ዋድ"ና ዒኣካ ናንጋ ዓሳ ቢያ ዬያ ባኮ ዲቃቲ ዘጋ።።

44 ኪሪሰቶሴ ጉሙርቃ ዓሳ ጋዓንቴ ፔቱሞና ናንጋ፤ ዔያቶኮ ዓኣ ባካ ቢያሢሮኬ።።

45 ዔያታ ፔኤኮ ዓኣ ሳያና ቆሎ"ና ሻንቺ ሻንቺ ሚኢሾ ዋላም ኮይሳሢ ጎይያ ፓቃ።።

46 ቢያ ኬሊ" ጌኤዦ ማኣሮይዳ ፔቱሞና ቡኪንታ፤ ፔቲ" ፔቲ"ሢን ማኣሮ ዓኣዲ ዓኣዲ ካሣ ዋላ" ሙዒ ኮሺ ዒኔና ዋዛዲ ናንጋ፤።

47 ያኦሲያ ዔያታ ጋላታ፤ ዓሲ ቢያ ዔያቶ ቦንቻ፤ ያኦሲ ሃሣ ዔያቶ ጌዳ" ዳቃ ዓሲ ቢያ ኬሊ" ቃሳ"።።

2:44 ዳኪ. ማድ" 4፣32-35።

3

ጳጳሮሴንሚ ዋሶ ሳሲሰኬያ ዳቂሽሚ

1 ፔቴ" ኬሊ" ጳጳሮሴና ዮሐንሴና ያኦሲ ሺኢቆ ዋዳ" ሄሌ"ም ጌኤዠ ማኣሪ ዓኣጳኔ፤ ዬና ዋዳ" ማሢ ደምሶልሳ ዋዳ ማዓኣናኬ።

2 ዒማ"ና ጌኤዠ ማኣሮ ጌሎ ካራ" «ሚዛጲ ካራ» ጌይንታ ቤሲ ዓኣኔ፤ ዒዞ ቤዜሎይዳ ሸይንቴማፓ ዓርቃዎ ዋሶ ማዔ ዓሲ ዓኣኔ፤ ዬያ ዓሢ ዓሳ ቢያ ኬሊ" ዔኪ ሙኪ ሙኪ ዒኢካ ጌሣኔ፤ ጌሣሰካፓ ዒዚ ዒኢካ ዴዒ ጌኤዠ ማኣሮ ጌላ ዓሳ ዒዛም ዔኤቢ ዒንጋንዳጉዲ ሺኢቃኔ።

3 ጳጳሮሴና ዮሐንሴና ጌኤዠ ማኣሪ ጌላሢ ዬይ ዓሢ ዛፓ ዔኤቢ ዒንጎም ዔያቶ ሺኢቃኔ።

4 ዔያታ ጋዓንቴ ዓሢ ኮሺ" ዛጌሰካፓ ጳጳሮሴ ዓሢ ኮራ፡- «ሂንዳ ኑ ባንሢ ዛጌ» ጌዔኔ።

5 ዋሶ ዓሢ «ታኣም ዔኤቢ ዒንጋንዳሲኦዋይ» ጌዒ ኮሺ" ዔያቶ ዛጌኔ።

6 ጳጳሮሴ ጋዓንቴ፡- «ቢራና ዋርቄና ታኣኮ ባኣሴ፤ ታኣኮ ዓኣማ ታ ኔኤም ዒንጋንዳኔ፤ ፍዚሬቶ ዬሱሰ ኪሪሰቶሴ ሱ"ንዎና ዔቂ ሃንቴ» ጌዒ፡

7 ሚዛቆ ኩጮ ዓሢኮ ዓርቂ ዔቂሴኔ፤ ዓሢኮ ቶኮ"ና ጩጊጮና ቤዘና ደዴም።

8 ላዓ ጌዒ ዔቂ ዔያቶና ዋላ" ሓንቴ ጌኤዠ ማኣሪ ጌሌኔ፤ ሴካ ሓንጋ ጌዒያ ሃንቴ ሃንቴ ሓሣ ኮኦሚ ኮኦሚ ያኦሲ ጋላቴኔ።

9 ዓሳ ቢያ ዒዚ ያኦሲ ጋላቴ ጋላቴ ሃንታሢ ዛጌኔ።

10 ጌኤዠ ማኣሮ ጌሎ ካራ" «ሚዛጲ ካራ» ጌይንታ ቤዛ ዴዒ ሺኢቃሢ ዒዛ ማዔሢያ ዔያታ ዔሬኔ፤ ሓሣ ዒዛይዳ ማዲንቴ ባኮ ዛፓ ዲቃቴ ሄርሺሢ ሳርቄኔ።

ጳጳሮሴ ጌኤዠ ማኣሮይዳ ጌሰቴ ባኮ

11 ዬይ ዳቂ ዓሢ ጳጳሮሴና ዮሐንሴናይዳፓ ታ ደማዳዓ ጌዒ ዴንዶ ዒፂ «ሴሎሞኔ ዴማ" ሃንታ፥ ዴኤፖ ዛምፓሢ» ጌይንታ ቤዘይዳ ዓኣንቴ፥ ዓሳ ዲቃቴ ሄርሺሢና ዒዞ ቤዜሎ ዔያቶ ባንሢ ጳሽኪ ሙኬኔ፤

12 ጳጳሮሴ ዓሳ ዛፓ፡- «ዒሰራዔኤሌ ዓሲዮቴ! ሓያ ባኮ ዒንሢ ዓይጎሮ ዲቃቴ ሄርሻይ? ዓይጎሮ ዒንሢ ሓያይዲ ፔቶ" ጊኸ፣ ጌዒ ኑና ዛፓይ? ኑኡኒ ሓያ ዓሢ ኑ ዋልቄና ሓሣ ኑኡኒ ኮሺ ማዳያ ማዒ ዔቂሲ ሃንቴሴያ ዒንሢ ኮራ ማላ?

13 ጋዓንቴ ዓብራሃሜኮ፡ ዩሳኣቄኮ፡ ያይቆኦቤኮ ያኦዛሢ ሓሣ ቤርታኦኦ ኦ ዓደንሢ ያኦዛሢ ፔኤኮ ናዓሢ ዩሱሴ ቦንቴኔ፤ ዒንሢ ጋዓንቴ ዒዛ ሓይቃንዳጉዲ ጲላጾሴም ዓኣሢ ዒንጌኔ፤ ጲላጾሴ ዒዛ ሓሻ"ኒ ኮዓዛ ዒንሢ ኦ ዒዛ ኮዑዋሴ፤ ጌዔኔ።

14 ጌኤሺ ማዔ ያላ"ሢ ኦ ዒዛ ኮዑዋሴ፤ ዒንሢ ጌዒ ፔቴ" ዓሶ ዋዳ ዓሢ ቡሊ"ንታንዳጉዲ ጲላጾሴ ኮራ ዒንሢ ሺኢቄኔ።

15 ሸምፖ ዒንጋያ ማዔሢ ዒንሢ ዋዳንቴ፡ ያኦሲ ዒዛ ሓይባ"ፓ ዔቁሴኔ፤ ዩያ ባኮኮ ኦኦኒ ሓሢ ማርካኬ።

16 ሓይ ሓሢ ዒንሢ ዛጋ ዓሢ፡ ቤርታኦ ዒንሢ ዒዛ ዔራ ዓሢ ዳቂ ዶዳሢ ዩሱሴ ሱ"ንጾና ጴዳ ጉሙርቁሢናኬ፤ ዩሱሴ ሱ"ንጾ ጉሙርቁጾና ዒንሢ ቢያሢኮ ቤርቶይዳ ዳቂ ዓሲ ማዒ ዒዚ ጴዳኔ» ጌዔኔ።

17 ጲዲርሴ ሓሢ ኬኤዛጾ፡ «ዒሾንሢኦ፡፡ ዩሱሴይዳ ዒንሢ ማዳ ባኮ ዒንሢኮ ሱኡጎጉዲ ዒንሢያ ዔራዋጾ ማዳሢ ታ ዔራኔ።

18 ያኦሲ ጋዓንቴ ዩያ ማዳሢ' <ዒዛም ዲማዳ፡ ሜሲሔ ሜቶ ዔካንዳያ ኮይሳኔ፤ ጌይንቴ ያኦሲ ማሊጾ ኬኤዛ ዓሶ ዛሎ"ና ኬኤዚንቴሢ ኩማንዳጉዲ ኬ።

19 ዓካሪ ጎማ ዒንሢኮ ዓቶም ጌይንታንዳጉዲ ጎሞ ቡኡፀዋቴ፤ ያኦሲ ባንሢያ ማዑዋቴ፤

20 ዩያይዳቴ ዒንሢም ጎዳይዳፓ ዓያና ዛላና ዶዳሢ ዋዳ ሙካንዳኔ፤ ያኦሲ ቤርታዲ ዒዛ ዶኦሬ ሜሲሔያ ዒንሢም ዳካንዳኔ።

21 ዒዚ ጫሪጮይዳ ዳዓኒ ኮይሳሢ' ጌኤሺ ማዔ፡ ያኦሲ ማሊጾ ኬኤዛ ዓሶ ዛሎ"ና ያኦሲ ቤርታዲ ኬኤዜሢካጉዲ ዓጪ ካራና ቢያ ዓካዳንዳ ዋዳ" ሄላ"ንዳኣናኬ።

22 ሙሴያ ኬኤዛጾ <ያኦሲ ታና ኬሲ" ዒንሢም ኬኤዚሳሢጉዲ ዒንሢኮ ጌርሲንሢ ባኣካ"ፓ ያኦሲ ማሊሢ ኬኤዛያ ኬሳ"ንዳኔ፤ ዩይ ኬኤዛ ባኮ ቢያ ዋይዙዋቴ፤

23 ዩይ ያኦሲ ማሊጾ ኬኤዛሢ ኬኤዛ ባኮ ዋይዙዋይ ቢያ ዴሬ"ፓ ዲማዳ ባይቆንጎ' ሂዚ ጌዔኔ።

24 ያኦሲ ማሊጾ ኬኤዛ ሳሙዔኤሌይዳፓ ዓርቂ ያኦሲ ማሊጾ ኬኤዛ ዓሳ ቢያ ሓኖ" ዋዶ" ዛሎ" ኬኤዜኔ።

25 ያኦሲ ማሊጾ ኬኤዛ ዓሶ ዛሎ"ና ኬኤዚንቴ ሓጊ ማዓንዳ ዋዛ" ዒንሢሮኬ፤ ዩያጉዲ ያኦሲ ዓብራሃሜም ሳጾይዳ ዓኣ ዴራ"

3:13 ኬሲ. ማጻ 3፡15። 3:14 ማቲ. 27፡15-23፤ ማር. 15፡6-14፤ ሉቃ. 23፡13-23፤ ዮሐ. 10፡12-15። 3:22 ላሚ. ዋማ 18፡15፤ 18። 3:23 ላሚ. ዋማ 18፡19።

ቢያ ኔ ዜርዖና ዓንጃንታንዳኔ» ጌዒ ኑኡኮ ዓደንሢና ዎላ" ጫክቄ ጫክቄማ ዒንሢሚኦኣ ማዓያኬ፤

26 ዬያሮ ያኦሲ ቤርታዲ ፔ ናዓሢ ዳኬሢ ዒንሢሚኦኬ፤ ዬያ ያኦሲ ማዳሢ" ዬይ ናዓሢ ዒንሢሚ ፔቴ" ፔቴ"ሢ ፑርቶ ጎይፆፓ ማሃ ሓሣ ዒንሢሚ ዓንጃንዳጉዲኬ» ጌዔኔ።

4

ጳጳርሴና ዮሐኒሴና ዎጎ ዎጋ ዓይሁዶ ዓሶ ቤርቶ ሸኢኬሢሢ

1 ጳጳርሴና ዮሐኒሴና ዳሮ"ም ከኤዛ ጎይሣ ዓኣንቴ፥ ቄኤሶና * ጌኤዠ ማኣሮ ካፓ ዓሶኮ ሱኡጋሢና ዬያጉዲ ሓሣ ሶዶቄ ጌይንታ ዓሳ ዔያቶ ኮራ ሙካዖ፥

2 ዬንሢሢ ላምዖ ዳኪንቴዘንሢሢ ዬሱሴኮ ሓይባ"ፓ ዔቄዖ ዛሎ" ዓኢካ ዓሶ ዔርዘሢሢሢ፤ ሓሣ ዬያጉዲ ሓይቄ ዓሶኮ ዔቄሢሢ ዓኣያ ማዔሢሢ ዓሶም ፔጋሲ ከኤዘሢሢሢሢ ዔያታ ዲጋና ጎሪ"ንቴኔ።

3 ሓሣ ዔያቶ ዓርቄኔ፤ ዒሚ"ና ሳዓ ዓሚ"ያታሢሢሢ ሳዓ ካራንዳኣና ቴኡዘ ማኣራ ቴከ" ዎይሢኔ።

4 ያዒ ማዔቶዎ ዔያታ ከኤዘ ቃኣሎ" ዎይዜ ዓሶይዳፓ ሚርጌሢ ኪሪሰቶሴ ጉሙርቄኔ፤ ዬማና ኪሪሰቶሴ ጉሙርቄ ዓቲንቆኮ ፓይዳ" ደንጎ ሺያ ባንሢ ዳ"ግ ጌዔኔ።

5 ዚሮ ጉቴ"ሎ ዓይሁዶ ዓሶኮ ሱኡጎና ጨሞ ማዔ ዓሶና ሙሴ ዎጎ ዔርዘ ዓሶና ዎላ" ዬሩሳላሚይዳ ቡከንቴኔ።

6 ዓኢካ ቡኬ ዓሶ ባኣካ" ቄኤሶ ቢያኮ ሱኡጋሢ ማዔ፥ ሃኣናንታ ቃያፓንታ ዮሐኒሴንታ ዒሰከንዲሮሴንታ ቄኤሶ ሱኡጋሢኮ ዒጊኖ ማዔ ዓሳኣ ዓኣኔ።

7 ዬካፓ ዔያታ ላምዖ ዳኪንቴዘንሢሢ ዔኪ ሙኪ ዔያቶ ባኣካ" ዔቄሳዖ፡- «ሓያ ዒንሢሢ ዓይጎ ዎልቄና ሓሣ ዖ ሱንሢሢ ማዳይ?» ጌዒ ያኦጤኔ።

8 ዬማና ጳጳርሴ ዓያና ጌኤሺ ቢታንቶ ዴሞ ጌሊ፡- «ዒንሢሢ ዴሮ"ኮ ሱኡጎና ጨሞ ማዔ ዓሳ!

9 ኑኡኒ ሓሮ" ያኦጤንታሢ ፔቴ" ዎቦ ዓሢም ኮሺ ባኣዚ" ማዳንቴሢሢሢ ሓሣ ዒዚ ዎይቲ ዳቄታቶዎ ዬኖ ዛሎ"ሮ ማዔቶ፥

10 ሓይ ዓሢ ዳቄ ዒንሢሢ ቤርታ ዔቄሢሢ፡- ዒንሢሢ ሱጻሢሢ ሓሣ ያኦሲ ሓይባ"ፓ ዔቄሴሢሢ፥ ናዚሬቶ ዬሱሰ ኪሪሰቶሴ ሱንጎዖና ማዔያታሢሢ ዒንሢሢንታ ዒሰራዔኤሌ ዴሮ" ቢያሢም ዔርቲያ ማዖንጎ።

3:25 ማከ. ማፃ 22፥18። * 4:1 ቄኤሶና፡- ጋዓዘ ፔቴ" ፔቴ" ሚናኣ ማፃኣፓ «ቄኤሶኮ ሱኡጎና» ጋዓኔ።

11 ዲንሢ ማእሮ ማዠ ዓሳ ቦሂ ኬኤሬ ሹጫሢ ዲዛኬ፤ ጋዓንቴ ዲዚ ማእሮ ደዲሺ ዓርቃ ሄላ"ሢ ማዓኔ።

12 ዬያሮ ዳቁንታ ዲዛና ማዓንዳፓዓቴም ሜሌ" ዓይጎ ዓሲናታዎ ባኣሴ፤ ዓይጎሮ ጌዔቶ ኑ ዳቃኒ ኮይሳያ ሓሣ ያኦሲ ዓሲም ዲንጌ ሱንሢ ዲዛ ሱንገይዳፓ ዓታዛ ዓጮ" ቢያይዳ ያኦሲና ባኣሴ» ሂዚ ጌዔኔ።

13 ዋጎ ዋጋ ዓሳ ጳዳሮሴና ዮሐኒሴና ዒጊጩዋዎ ቢያ ባኮ ጎናሲ ኬኤዛሢ ዛጌ ዋዶ"ና ዔርዘ ማእሮ ጌሊባኣ፣ ጉሪ ዓሲታሢ ዔያቶ ዔራያታሢሢ ደቃቴ ሄርሻዎ፣ ዔያታ ዬሱሴና ዋላ" ዓኣያ ማዓሢ ዔሬሬ።

14 ዳቄ ዓሢያ ጳዳሮሴና ዮሐኒሴና ኮራ ዔቂ ዓኣሢ ዛጋዎ ጎዎንዶ ጎይሢ ዔያታ ባይዜ።

15 ዬያሮ ዋጎ ዋጎ ቤዘይዳፓ ዳካ"ሮ ዔያቶ ሺኣሻዎ ሂዚ ጌዒ ዔያታ ዘርቴ።

16 «ዓካሪ ሓንሢ ዓሳንሢ ኑ ዋዶ"ንዶይ? ሓይ፣ ያኦሲ ዋልቆና ማዲንታ ዳኤፖ ዓኮ ባካ ዔያቶ ዛሎ"ና ማዲንቴሢ ዬሩሳላሜ ዓጮ" ናንጋ ዓሳም ቢያ ዋይዘንቴ፤ ዬያሮ ኑ ዔራዋሴ ጋዓኒ ዳንዳዑዋሴ፤

17 ጋዓንቴ ዴሮ" ባኣካ" ሓይ ዳልጊ ዴንዲዋንቴ ሓካፓ ሴካ ዬሱሴ ሱንገ ዔኤሊ" ያኦሲ ዔያታ ዔኤቢ ኬኤዘዋጉዲ <ዲንሢና ዔራዋቴ!> ኑ ጋዓንዳኔ» ጌዔኔ።

18 ዬካፓ ዔያታ ጳዳሮሴና ዮሐኒሴና ዔኤላ"ዎ ዬሱሴ ሱንገ ዔኤሊ" ፔቴ"ታዎ ዔኤቢ ኬኤዘዋጉዲና ሃሣ ዔርዘዋጉዲ ኮሺ" ላቴ" ዓይሢ።

19 ጳዳሮሴና ዮሐኒሴና ጋዓንቴ ማሃዎ- «ያኦሲም ዓይሢንቴፃፓ ባሺ ዲንሢም ዓይሢንቴሢ ያኦሲ ቤርቶይዳ ኮይሳያዳ? ዲንሢ ሂንዳ ዲንሢ ቶኦኪና ዋጉዋቴ።

20 ኑም ጋዓንቴ ዛጌሢና ዋይዜሢ ኬኤዘሢ ሓሺ"ንታዓኬ» ጌዔኔ።

21 ዴሮ"ኮ ሱኡጎና ዋጎ ዋጋ ዓሳና ጳዳሮሴና ዮሐኒሴናይዳ ጌሰቴ ዋጎንዶ ባኣዚ" ዴንቁባኣሢሮ ዴሮ"ዋ ሃሣ ዔያታ ዒጊጩሢሢ ጊንሣ ሓሣ «ዲንሢና ዔራዋቴ» ጌዒ ላታ"ዎ ሓሺ"ኔ። ዓይጎሮ ጌዔቶ ዴሮ" ማዲንቴ ባኮሮ ያኦሲ ጋላታያ ማዓሢሮ።

22 ዬያ ያኦሲ ዋልቆና ማዲንቴ ዓኮ ባኮና ዳቄ ዓሢኮ ለዓ ያይዲታሚ"ፓ ዑሣኬ።

ኪሪሰቶሴ ጉጙርቄ ዓሳ ዳውሲንቴያና ሺኣቄ ሺኣጲሢ

23 ጳጳሮችና የሐኪሮችና ቡሊ"ንቲ ኪሪሰቶሴ ጉሙርቃዘንሚ ኮራ ሙካዖ ቁኤሶኮ ሱኡጎና ዓይሁዶ ዓሶኮ ጨሞና ዔያቶ ኮራ ጌዔ ባኮ ቢያ ኬኤዜኔ።

24 ዔያቶኮ ለጎንሚያ ዬያ ዋይዛዖ ዑኡዘ ፔኤሲ" ደ"ጊዲ ያኦሲ ሂዚ ጌዔ ሺኢቄኔ፡- «ጫሪንጮንታ ሳዖንታ ባዘ"ንታ ሃሣ ዬያ ባኮ ቢያይዳ ዓኣ ባኮ ቢያ ዋይሣሢና ማዘፍ ጎዳሢዮ!

25 ዓያኖ ጌኤዣ ማኣዴ"ም ማዳ ኔ ዓይላ"ሢ፤ ኑ ዓዳሢ ዳውቴ ዛሎ"ና፡-

«ዓይሁዴ ማዒባኣ ዓሳ ዓይጎሮ ጎሪ"ንቲ ጉንዲሜይ?

ዴራ" ሃሣ ጉሪ ፓሡዋ ባኣዚ" ዓይጎሮ ማሌይ?

26 ሳዖኮ ካኣታ" ዋሊ ጊንዖ ዔቂ

ዋይሣ ዓሳኣ ፔቴ"ይዳ ቡኪንቲ

ጎዳና ሜሲሐናይዳ ሞርኬ ማዒ ዔቄኔ»

ሂዚ ጌዔ ኬኤዜሢ ጎኔከ።

27 ሐሣ ዔያታ ጋዓዖ፡- «ጎኔና ሄሮዲሴንታ ጳንዖሰጲላዖሴንታ ዓይሁዴ ማዒባኣ ዓሶንታ ዒሰራዔኤሌ ዴሮ"ንታ ዋላ" ሐኖ" ካታሜሎይዳ ቡኪንቲ ኔኤኒ ሜሲሐ ማሄ ኔኤም ማዳ፤ ዲማዴ፤ ዬሱሴ ዑዖይዳ ዔቄኔ።

28 ያዳ ዔያታ ማዴሢ" ቤርታዲ ኔኤኒ ኔ ዋልቆና ሐሣ ኔ ማሊዖና ማሌ ባኮ ኩንሣኒከ፤

29 ሐሢያ ጎዳሢዮ! ዔያቶኮ ዚርቂዖ ዋይዜ፤ ኔኤም ማዳ ዓይላ" ቃኣሎ" ኔኤሲ" ዒጊቹሞ ባኣያ ጫርቂ ኬኤዘንዳጉዲ ማዴ፤

30 ኔኤም ዲማዲ ማዳ፤ ዬሱሴ ሱ"ንዖና ሃርጊንቲ ዓሳ ዲቃንዳጉዲና ሐሣ ኔ ዋልቆና ማዲንታ ዓኪ ባኣዚ"ና ማላታና ማዲንታንዳጉዲ ዋልቆ ኔኤሲ" ዳጭ» ጌዔ ሺኢቄኔ።

31 ሺኢቄ ዔያታ ጋፓማና ዔያታ ዓኣ ቤዛ ዓጊጭ፤ ጉቤሢ ዬማና ዓያና ጌኤሺ ቢታንቶ ዴሞ ጌሌኔ፤ ያኦሲኮዋ ቃኣሎ" ዔያታ ዒጊቹሞ ባኣያ ጫርቂ ኬኤዜኔ።

ቤርታዲ ኪሪሰቶሴ ጉሙርቂ ዓሶኮ ፔቱሞ ናንጎ

32 ኪሪሰቶሴ ጉሙርቃ ዓሶኮ ቢያ ፔቴ" ዒኔና ፔቴ" ማሊሢና ዓኣኔ፤ ዖና ማዔቶዋ «ሃይ ታኣሮኬ» ጋዓ ባኣዚ" ባኣሴ፤ ዔያቶኮ ዓኣ ባኣ ቢያ ፔቴ"ይዳከ፤

4:24 ከሲ. ማፃ 20፡11፤ ኔሄ. 9፡6፤ ዓይኑ. 146፡6። 4:26 ዓይኑ. 2፡1-2።
4:27 ማቴ. 27፡1-2፤ ማር. 15፡1፤ ሉቃ. 23፡1፤ 7፡11፤ ዮሐ. 18፡28-29። 4:32 ዳኪ. ማዕ" 2፡44-45።

33 ዳኪንቴዘንሢኮ ጎዳ ዩሱሴኮ ሓይባ"ፓ ዔቂዖ ጴጌፒ ዋለቁና ማርካዲ ኬኤዛኔ፤ ያኦሲያ ዔያቶ ቢያሢሞ ሚርጌ ጴጌፒ፣ ኮሺ ማድ ማድ።

34 ሰዓታቶዋ ማኣሪታቶዋ ዔያቶኮ ዓኣ ባኮ ቢያ ሻንቹ ሻንቹ ሚኢሾ ዔኪ ሙኪ ፔቴ"ይዳ ጌሢ ማኣዲ "ንታሢሮ ዔያቶ ባኣኮ"ይዳ ፔቴ"ታዖ ማታዳ ዓሲ ባኣሴ።

35 ሚኢሾ ዔያታ ዔኪ ሙካዖ ዳኪንቴዘንሢኮ ሚንጋኔ፤ ዬያሮ ፔቴ" ፔቴ"ሢሞ ኮይሳሢጉዴያ ገሸኪንታ።

36 ቆጶሮሴ ጌይንታ ዓጪዳ ሾይንቴ ዮሴፔ ጌይንታ ፔቴ" ሌዊ ፃጶፓ ማዔሰኬያ ዓኣኔ፤ ዳኪንቴዘንሢኮ ሲዛኮ ሱ"ንዖ «ባርናባሴ» ጋዓ። ዬኖኮ ቡሊ"ፃ «ደዲሻ ናይ» ጌይሢኬ።

37 ዒዚያ ፔኤኮ ሳዖ ሻንቹ ሚኢሾ ዔኪ ሙኪ ዳኪንቴዘንሢኮ ሚንጌ።

5

ሐናኒያና ሳጲራና

1 ፔቴ" ሐናኒያ ጎዖ ዓሲሰኬያ ሳጲራ ጌይንታ ዒዛኮ ማቾሰኬኖና ዋላ" ሰዓ ሻንቹ፤

2 ማቻ ዒዛኮ ዔራንቴ ሳዖ ሻንቹና ሚኢሾይዳፓ ፓቁ፣ ዓይሲ ዔኪ ሙኪ ዳኪንቴዘንሢኮ ሚንጌ።

3 ጴጶሮሴ ጋዓንቴ ዒዛሞ፡- «ሐናኒያ! ዓያኖ ጌኤዮሞ ኔ ሉኡቃንዳጉዲ ሐሣ ሳዖ ኔ ሻንቹ ሚኢሾኮ ዛሎ" ፓቁ ዓይሳንዳጉዲ ማዴ ፃላሄ ዒና" ኔኤኮ ዓይጋ ጌሌይ?

4 ኔኤኒ ሳዖ ሻንቹባኣንቴ ቤርታ ኔኤሮቱዓዳ? ሐሣ ኔ ሻንቹሰካፓ ሚኢሻ ኔኤሮቱዋይ? ሂዳዖ ሓያ ባኮ ዓይጋ ኔ ዒናና ማሌይ? ኔ ሉኡቁሢ ያኦሲሞ ማዓንዳኣፓዓቴሞ ዓሲሞቱዋሴ» ጌዔ።

5 ሐናኒያ ዬያ ዋዋይዛዖ ሎኦሚ ሓይቁኔ፤ ዬኖ ባኮ ዋይዜ ዓሳ ቢያ ኮሺ" ዒጊጩ።

6 ዓሲሰኬንሢኮ ሲማ"ና ሌዘ ዒዛኮ ሱኡዳዖ ዔኪ ዓኣዲ ዲኡኬ።

7 ዬካፓ ኔጌንቴ ሐናኒያኮ ማቻ ዒዛ ቤዘ ሙኬ፤ ዓኒዳ ማዲንቴ ባኮ ጋዓንቴ ዒዛ ዔሪባኣሴ።

8 ጴጶሮሴ ዒዛ ኮራ፡- «ሂንዳ ታኣሞ ኬኤዜ፤ ዒንሢ ሳዖ ዒንሢኮ ሻንቹሢ ሐንሢጉዴ ሚኢሾሞዳ?» ጌዔ። ዒዛ ማሓዖ፡- «ሂኖ፣ ዬንሢጉዴ ሚኢሾሞኬ» ጌዔ።

9 ይማና ጳጳሮቤ:- « ያኦሲኮ ዓያና" ወይታቴ ሂንዳ ኑ ዘጎሞ ገዒ ወዲ" ዒንሚ ዋላ" ገሰቴይ? ሓይሾ ኔኤኮ ዓሲ ዲኡኪ ማዓ ዓሳ ካራ" ዓኣኔ፤ ኔናኣ ሓሣ ዔያታ ዔኪ ዓኣዲ ዲኡካንዳኔ» ገዔኔ።

10 ዒዛኣ ቤዘማና ቶኮ" ዴማ" ዒዛኮ ሎኦሚ ሓይቄኔ፤ ዓሶንሚ ገላንቴ ዒዛ ሓይቄ ዓኣ ጋዓዛ፤ ዔኪ ዓኣዲ ዓሲ ዲኡፖ ኮራ ዲኡኤኔ።

11 ሺኢጲፆ ማኣሮ ዓሶ ቢያሢዳ፤ ሓሣ ገንሣ ይያ ባኮ ወይዘ ዓሶ ቢያሢዳ ዒጊቹሞ ገሌኔ።

ዳኪንቴዘንሚ ዛሎ"ና ሚርገ ሃርገ ዓሲ ፖዔሢ

12 ሚርገ ያኦሲ ዋልቄና ማዲንታ ዓኪ ባኣዚ"ና ዲቃሣ ባኣዚ"ና ዳኪንቴዘንሚ ዛሎ"ና ዒማ"ና ማዲንታኔ፤ ሓሣ ኪሪሰቶሴ ጉሙርቃዘንሚያ ፔቴ" ዒኔና ማዒ «ሴሎሞኔ ዴማ" ሃንታ፥ ዴኤፖ ዘሞፓሢ» ጎፆ ቤዘይዳ ቡኪንታኔ።

13 ዔያቶይዳፓዓቴሞ ጉሪ ሜሌ" ዓሲ ማዔያ ፔቴ"ታፆ ዔያቶና ዋላ" ማዓኒ ጫርቁባኣኤ፤ ያዲ ማዔቴያ ዴራ" ዔያቶ ቦባንቻ።

14 ጎዳ ጉሙርቃ ዓሶ ዓቴንቆና ላኣሎናኮ ፓይዳ" ኮሺ" ሚርገ ሚርገ ዓኣዴ።

15 ዳኪንቴዘንሚ ዛሎ"ና ማዲንታ ዲቃሣ ማድ"ሮ ገዒ ዓሳ ዲቢ ሃርገንቴ ዓሲ ጎይፆይዳ ኬሲ" ኬሲ"፥ ዛሎ" ሻኣላ"ይዳ ዛሎ" ሃላሢዳ ላይሣኔ፤ ያዒ ዔያታ ማዴሢ ጳጳሮቤ ዬይና ዓኣዳኣና ዔኤኮ ሺባታፆ ፔቴ" ፔቴ" ዓሶ ዑፆ ሂላ"ንዳጉዲኤ።

16 ዬራሳላሜ ኮይላ" ዓኣ ካታማፓ ዓሳ ፔኤኮ ሃርገንቴ ዓሶና ፑርታ ዓያናና ሜታዳ ዓሶ ዔኪ ሙካኔ፤ ቢያሢያ ዶርዓሢዳፓ ፖዓኔ።

ዳኪንቴዘንሚ ዒፃ ዳውሶናሢ

17 ዬያይዳፓ ዔቄያና ቄኤሶኮ ሱኡጋሢና ዒዛና ዋላ" ዓኣ ሶዶቄ ዓሶ ዜርፆ ቢያ ሞርኬ ማዒ ዳኪንቴዘንሚ ዑፆ ዔቄኔ፤ ሓሣ ዔያቶ ዒናፓ ቁኢሪ፥

18 ዓርቄ ዔኪ ዴሮ"ኮ ቱኡዘ ማኣራ ገልዚ ቱኬ"ኔ።

19 ያኦሲኮ ኪኢታንቻ ጋዓንቴ ዲሞና ቱኡዘ ማኣሮኮ ካሮ" ቡሊ" ዔያቶ ኬሳ"ፆ፡-

20 «ዴንዲ ሺኢጲፆ ማኣሮይዳ ዔቄ ዴሮ"ሞ ሓያ ሸሞፖ ቃኣሎ" ቢያ ኬኤዙዋቴ» ገዔኔ።

21 ዳኪንቴዘንሚያ ዬኖ ዓይሢፆ ዔኪ ጉቴ" ዓሚ" ሺኢጲፆ ማኣራ ገላፆ ቃኣሎ" ኬኤዚሢሢ ዓርቄኔ፤ ዒማ"ና ቄኤሶኮ ሱኡጋሢንታ ዒዛና ዋላ" ዓኣ ዓሶንታ ሓሣ ዋጎ ዋጋ ዓሶንታ ዓይሁዶ ዓሶኮ ጨሞንታ ቢያ ሙኪ ፔቴ"ይዳ ቡኪንቴኔ፤ ዬካፓ

ዳኪንቴዘንሚኮ ቴኦድ ማእራፓ ዳንዲ ዔኪ ሙካንዳጉዲ ዓሲ ዳኪኔ።

22 ከኢቶ"ና ዓኣጳ ዓሶንሚ ጋዓንቴ ቴኦድ ማእሪ ዓኣጳዳዎ ዳኪንቴዘንሚ ዒኢካ ዳንቁባኣሲ፤ ዩያሮ ማዒ ሙካዎ፡-

23 «ቴኦድ ማእሮኮ ካራ" ኮሺ" ዎዲንቴ፣ ካፓ ዓሳ ሐሣ ካራ" ዔቁ ዓኣንቴ ኑ ዳንቁኔ፤ ቴኦድ ማእሮኮ ካሮ" ኑ ቡላ"ዎ ጋሮይዳ ፔቴ"ታዎ ዓሲ ዳንቁባኣሲ» ጌዒ ከኤዘኔ።

24 ጌኤዦ ማእሮ ካፓ ዓሶ ዓይሣሢና ቄኤሶኮ ሱኡጎና ዩያ ዎይዘዎ፡- «ሐይ ዓይጎ ባኣዚ" ናንዳይ?» ጌዒ ዔያቶ ዛሎ" ጎዎንዶ ጎይሣ ባይዘኔ።

25 ዩማና ፔቴ" ዓሲሰኬያ ሙካዎ፡- «ዒንሣ ቴኦድ ማእራ ቴከ" ዓሶንሚ ሐይሾ ጌኤዦ ማእሮይዳ ዔቁ ዳሮ" ዔርዘኔ» ጌዒ ዔያቶ ከኤዘኔ።

26 ጌኤዦ ማእሮ ካፓ ዓሶኮ ሱኡጋሣ ዒዛኮ ዓይሣንቴ ማዳ ዓሶና ዎላ" ኔጉዎዎ ዳንዲ ዳኪንቴዘንሚ ዔኪ ሙኪኔ፤ ዔያታ ዔኪ ሙኪሣ' ዎልቄናቴዎንቴ ጌሺሢናኪ፤ ያዲ ዔያታ ማዳሣ' ዳሮ" ዔያቶ ሹቻ ዲዓንዳኔ ጌዒ ዒጊጩሣረከ።

27 ዔያታ ዔኪ ሙካዎ ዎጎ ዎጋ ዓሶ ቤርታ ዔቁሳዛ፣ ቄኤሶኮ ሱኡጋሣ ዔያቶ ኮራ፡-

28 «ዩሱሴኮ ሱንጎ ዔኤሊ" ፔቴ" ባኣዚ"ታዎ ዒንሣ ዔርዘዎጉዲ ላቴ" ዒንሣ ኑ ዓይሣኔ፤ ሐሣ ዒንሣ ጋዓንቴ ዩሩሳላማ ዓጮ" ቢያ ዔርዚ ሐይሾ ኩርሴኔ፤ ዒንሣ ሃና ዓሳ ዩያ ዓሣኮ ሱጉዎ ኑ ዑፃ ማሃኒ ኮዓያኪ ሃይሾ!» ጌዔኔ።

29 ጳዳሮሴንታ ዒዛና ዎላ" ዓኣ ዳኪንቴዘንሚንታ ማሐዎ፡- «ዓሲም ዓይሣንቴሣፓ ጾአሲም ዓይሣንቴሣ ኑና ኮይሳኔ፤

30 ኑ ዓደንሣ ጾአዛሣ' ሚዎይዳ ዒንሣ ሱፂ ዎዳ ዩሱሴ ሐይባ"ፓ ዔቁሴኔ፤

31 ዩይ ዩሱሴ ዒሰራዔኤሌ ዳሮ" ጎማፓ ማሐንዳጉዲና ጎሞ ዓቶም ጋዓንዳጉዲ ጾአሲ ዒዛ ዓርና ሐሣ ዳቂሻያ ማሃ ፔኤኮ ሚዛቆ ዛላ" ቦንቾና ጌሣኔ፤

32 ዩያ ባኮኮ ኑናንታ ጾአሲ ፔኤም ዓይሣንታ ዓሶም ቢያ ዒንጌ ዓያኖ ጌኤዦንታ ማርካከ» ጌዔኔ።

33 ዎጎ ዎጋ ዓሳ ዩያ ዎይዘዎ ኮሺ" ዳጋዲ ዳኪንቴዘንሚ ዎዳኒ ኮዔኔ።

34 ጋዓንቴ ዳሮ" ባኣካ" ቦንቾንታያ ሙሴ ዎጎ ዔርዘ ጌማሊያሌ ጌይንታ ፔቴ" ፔርሴ ዓሲሰኬይ ዔቃዎ ዳካ"ሮ ዎጎ ዎጋ ዓሶ ቤርታፓ ዳኪንቴዘንሚ ሺኢሻንዳጉዲ ዓይሣኔ።

35 ዩካፓ ዎጎ ዎጋ ዓሶም፡- «ዒሰራዔኤሌ ዓሲዮቴ! ዒንሢ ሐኖ
ዓሶይዳ ዓይጎ ማዳኒ ማላቴያ ዒንሢና ኮሺ" ዔሩዋቴ፤

36 ሃያኮ ቤርታ ዩያጉዲ ቴዎዲሴ ጌይንታ ዓሲ ታ ጴኤፒኬ»
ጌዒ ዔቁኔ፤ ሐሣ ዒዛና ዎላ" ያይዶ ጴኤታ ዓሲ ፔቴ" ማዔኔ፤
ጋዓንቴ ዩያ ዎደም ዒዛኮ ጊንያ ሐንታ ዓሳ ላኦሊንቴ ባይቃዛ ማሊፃ
ዒዛሲያ ባይቁኔ።

37 ዩካፓ ሐሣ ዴራ" ፓይዲንቴ ዎደ"ና ጌሊላ ዓጨ ዓሲ ማዔ፥
ዩሁዳ ጎዎሢ ዔቁ ሚርጌ ዴሬ ዒዛ ጊንያ ሃንታንዳጉዲ ማሄኔ፤
ዒዛያ ዎዲንቴኔ፤ ዒዛ ጊንያ ሐንታ ዓሳኦ ላኦሊንቴ ባይቁኔ።

38 ዩያሮ ሐሢ ታ ዒንሢም ጋዓሢ ሐንሢ ዓሶንሢዳፓ ሐኪ
ዒንሢ ዔያቶ ሃሻ"ንዳጉዲኬ፤ ዓይጎሮ ጌዔቶ ሐይ ማሊፃ ሐሣ ሃይ
ማዳ" ዓሲፓ ሙኬያታቶ ባይቃንዳኔ፤

39 ያኦሲፓ ሙኬያ ማዔቶ ጋዓንቴ ዔያቶ ዒንሢ ባይዛኒ
ዳንዳዑዋሴ፤ ፔቶ" ዩይ ዒንሢኮ ያኦሲና ዎላ" ፑርቴሢ ማዓንዳኔ»
ጋዓዛ፥ ዔያታ ጌማሊያሌኮ ዘር" ዎይዚ ዔኬኔ።

40 ዩካፓ ዔያታ ዳኪንቴዘንሢካ ዔኤላ" ያ ጳርቂሲ ዩሱሴኮ ሱንያ
ዔኤላ" ዓሶ ዔርዙዋጉዲ ላታ" ያ ዳኬኔ።

41 ዳኪንቴዘንሢካ ጋዓንቴ ዩሱሴ ዛሎ"ና ቦርሲንቴታቶዋ ዔካኒ
ጌኤጌያታሢሮ ዎዛዲ ዎዛዲ ዎጎ ዎጋ ዓሶ ቤርታፓ ኬሰኪ ዴንዴኔ፤

42 ቢያ ኬሊ" ጌኤዠ ማኦሮና ዓሶኮ ማኦሮናይዳ ማሲጤ ማዔ፥
ዩሱሴ ዛሎ" ኬኤዚያንታ ኮዠ ሐይሶ ኬኤዚያዋ ዔያታ
ሐሺ"ባኦሴ።

6

ማድ" ማዳ ላንካዎ ዲያቆኖኮ ደኦሪንቴያ

1 ዩካፓ ኪሪሰቶሴ ጉሙርቃ ዓሶኮ ፓይዳ" ሚርጊ ሚርጊ
ዓኦዳዛ ጊሪኬ ሙኤጮ ጌሰታ ዓይሁደ ዓሳ ዩሩሳላሜይዳ ናንጋ
ዓይሁደ ዓሶ ዑያይዳ ጉንዴም ዓርቁኔ፤ ዓይጎሮ ጌዔቶ ኬሊ"
ኬሊ" ሙያ ባካ ዒንጊንታ ዎደ"ና ዔያቶኮ ባኦካ" ዓኒንሢ ሐይቁ
ላኦሎ ዩሩሳላሜ ዓይሁደ ዓሳ ዎላ"ሢሮኬ።

2 ዩያሮ ታጾ ላምዎንሢ ኪሪሰቶሴ ጉሙርቃ ዓሶ ፔቴ"ይዳ
ቡኩሳዎ፡- «ሙኤዚ" ጊሻኪሢሮ ጌዒ ያኦሲ ቃኦሎ" ዔርዚያ ማዳ"
ኑና ሐሻ"ኒ ኮይሱዋሴ።

3 ዓካሪ ታ ዒሾንሢ! ታ ሚሾንሢ! ኮሺ ዒኔና ዓኦያ ማሲ ማዳና
ቢያሢ ጋላቴሳያ፥ ዓያና ጌኤሺ ኩሙሢ ዎልቁና ማዳያ ሐሣ ሚርጌ
ዔራ ማዔ ላንካይ ዓሲ ዒንሢ ባኦካ"ፓ ደኦሩዋቴ፤ ዩያቶ ኑኤኒ
ሃኖ" ማዳ" ማዳሻንዳኔ።

4 ኩኩኒ ጋዓንቴ ሺኢጲያንታ ያኦሲ ቃኣሎ" ዔርዚያ ማድ"ሞ ደዲ ማዳንዳኔ» ጌዔኔ።

5 ዬና ጌኤዛ ቢያሢ ዋዛሴኔ፤ ሐካፓ ሊካ ዓኣ ዓሶዋ ዔያታ ደኦሬኔ፤ ጉሙርቂሢ ዓኣያ ሐሣ ዓያና ጌኤሺ ቢታንቶ ዴሞ ጌሌ ዒሰዲፓኖሴ፣ ፒልጶሴ፣ ጲሮኮሮሴ፣ ኒቃሮና፣ ዲሞና፣ ጴርሜ፣ ዓይሁዴቱዋዎ ዓይሁዴ ማዔ ዓንጾኪያ ዓጮ" ዓሢ ኒቆላዎሴ ጎያሢንታኩ።

6 ዬንሢ ዔያታ ዳኪንቴዘንሚኮ ቤርቶ ሺኢሺኔ፤ ዳኪንቴዘንሚኮ ሺኢቃዎ ኩጮ ዔያቶ ዑፃ ጌሢኔ።

7 ያዲዲ ያኦሲኮ ቃኣላ" ዳልጊ ዳልጊ ዓኣዴሢሮ ዬሩሳላሜይዳ ኪሪሰቶሴ ጉሙርቃ ዓሶኮ ፓይዳ" ሚርጊ ሚርጊ ዓኣዴኔ፤ ቄኤሶይዳፓኣ ሚርጌሢ ኪሪሰቶሴ ጉሙርቄኔ።

ዒሰዲፓኖሴኮ ዓርቂንቲያ

8 ዒሰዲፓኖሴ ያኦሲኮ ኮሹሞ ዒንጊያ ዔኪ ዋልቄና ማዒ ዲቃሣ ባኣዚ"ንታ ያኦሲ ዋልቄና ማዲንታ ዓኪ ባኣዚ"ያ ዴር" ባኣካ" ዬኖ ዋድ"ና ማዳኔ፤

9 ዒማ"ና «ዲማዲ ኬሰኬ ዓሶ ሺኢጲያ ማኣር» ጌይንታ ዓይሁዴ ዓሶኮ ሺኢጲያ ማኣራፓ ማዔ ዓሳ፣ ቄሬናና ዒሰኪንዲሪያ ዓጮ" ዓሳ፣ ኪልቂያንታ ዒሲያ ዓጮ" ዓሶንታ ፔቲ"ይዳ ዔቂ ዒሰዲፓኖሴ ዒዲ ማርማኔ።

10 ጋዓንቴ ዒሰዲፓኖሴ ኬኤዛ ዔራቶና ዓያኖና ዔያታ ባሻኒ ዳንዳዒባኣሴ።

11 ዒማ"ና፡- «ሐይ ዓሢ ሙሴና ያኦሲና ጫሽካንቴ ኑ ዋይዜኔ» ጋዓንዳ ዓሲ ዔያታ ዴሚ"ና ጊኢጊሺኔ።

12 ዬያይዲ ዴሮ"ንታ ጪሞንታ ሐሣ ሙሴ ዋጎ ዔርዛ ዓሶዋ ዔያታ ዔቂሴ፣ ዒሰዲፓኖሴያ ዓይሢሲ ዋጎ ዋጋ ዓሶ ቤርቶ ሺኢሺኔ።

13 ዒማ"ና ዒዛ ዑፃ ሉኡዙሞና ማርካዳንዳ ፔቲ" ፔቲ" ዓሲያ ዔያታ ዔኪ ሙኬኔ፤ ሉኡዙሞና ማርካዳ ዓሳ ኬኤዛዎ፡- «ሐይ ዓሢ ሐያ ጌኤዙ" ማኣርና ሙሴ ዋጎና ጫሽካኔ።

14 ሐሣ ሩዚሬቶ ዬሱሴ ሐያ ማኣር ሻሃንዳኔ፤ ሙሴ ኑና ዓይሢ ዋጎዋ ላኣማንዳኔ» ጌዒ ኬኤዛንቴ ኑ ዋይዜኔ» ሂዚ ጌዔኔ።

15 ዬማና ዋጎ ዋጊያይዳ ዓኣ ዓሳ ቢያ ዒሰዲፓኖሴ ኮሺ" ዛጋዛ፣ ዓኣፖ ካራ" ዒዛኮ ያኦሲ ኪኢታንቻ ዓኣፒ ካራጉዲ ማሊ ጴዴኔ።

7

ዲሰዲፓኖሴ ጌሰቴ ጌኤዞ

1 ቁኤሶኮ ሱኡጋሢ ዲሰዲፓኖሴ ኮራ፡- «ዬይ ጌይንቴ ባካ ጎኔዳ?» ጌዲ ያኦጌጌ፡፡

2 ዲሰዲፓኖሴ ሂዚ ጌዲ ማህኔ፡- «ታ ዲሾንሦ! ታ ዓድንሦ! ሂንዳ ዋይዙዋቴ፤ ኑ ዓዳሢ ዓብራሃሜ ካኦራኔ ዓጮ"ይዳ ናንጊፆር ዓኣዳንዳሢኮ ቤርታ ሜሶፖታሚያ ዓጮ" ዓኣንቴ ቦንቸንቴ ያኦዛሢ ዲዛሞ ጴዳዖ፡፡

3 ኔ ዓጮ"ፓ ከሰኪ ሐሣ ኔ ዲጊኖይዳፓ ደማዲ ታ ነና ዳዎ ዓጮ" ዓኣዴ ጌዔኔ፡፡

4 ዓማ"ና ዲዚ ካለዳ ዓሶ ዓጮ"ፓ ከሰኪ ካኦራኔይዳ ዴዔኔ፤ ዲዚ ዲኢካ ዓኣንቴ ዓዴ ሓይቃዛ ካኦራኔ ዓጮ"ይዳፓ ከሲ" ሃሢ ዲንሢ ናንጋ ዓጮ"ሎ ያኦሲ ዲዛ ዔኪ ሙኪኔ፡፡

5 ያዲ ማዔቶዎ ቶኪ ሃርቃንዳ ቤሲጉዴያታዖ ያኦሲ ዲዛሞ ዲንገባኣሴ፤ ጋዓንቴ ሐኖ" ዓጮ"ሎ ዲዛና ዲዛኮ ፃፀናሞ ሐገ ዓጮ" ማሂ ዲዛሞ ዲንጋንዳሢ ጫኣቄኔ፤ ዬዳ ያኦሲ ዲዛሞ ጫኣቄሢ' ዓብራሃሜኮ ሐገ ናይ ባኣንቴከ፡፡

6 ዜርፃ ዓዛኮ ዓሲ ዓጮ"ዳ ዓዲንቴሢና ዳውሲንቴ ናንጋንዳሢ ሐሣ ዬዳ ዓጮ"ይዳ ያይዳ ጄኤታ ለዔ ዓሳ ዔያቶ ዓይሌ" ማሂ ሜታሲ ዋይሃንዳሢ ዲዛሞ ከኤዜኔ፡፡

7 ሐሣ 'ዓይሌ" ማሂ ዋይሃ ዴሮ" ታኣኒ ፑርታና ዋጋንዳኔ፤ ዬካፓ ዔያታ ዓይሌ"ማፓ ከሰኪ ሃና" ቤዘይዳ ታና ካኣሽካንዳኔ' ሂዚ ጌዲ ያኦሲ ከኤዜኔ፡፡

8 ቃሳ"ዖ ሐሣ ዓቲንቶ ቤርቶ ቲቂዖ ዎጎዎ ዲንጌኔ፡፡ ዬያር ዓብራሃሜ ዩሳኣቄ ሾዔሰካፓ ሳላ"ሳ ከሎ"ና ዓቲንቶ ቤርቶ ዲዛኮ ቲቂኔ፤ ዩሳኣቄ ያይቆኦ ቾዔኔ፤ ያይቆኦ ዲማ ዲማ ዲሰራዔኤሌ ፃፀኮ ዓድንሢ ማዔ ታፅ ላሞዖ ናኣቶ" ሾዔኔ፡፡

9 «ያይቆኦኮ ናኣታ" ዔያቶኮ ጌርሲ ዮሴፔ ቁኢር ጊብፄ ዓጮ" ዓይሌ" ማዓንዳጉዲ ሻንቹኔ፡፡ ያኦሲ ጋዓንቴ ዲዛና ዎላ" ማዔኔ፤

10 ሜቶ" ቢያሢዳፓኣ ዲዛ ከሴ"ኔ፤ ሐሣ ጊብፄ ካኣቴ ቤርቶይዳ ቦንቸንቴና ዔራቶና ዲዛሞ ዲንጌኔ፤ ካኣቴያ ጊብፄ ዓጮ" ቢያና ፔ ማኣሮናይዳ ሱኡጌ ዲዛ ማህኔ፡፡

7:3 ማኸ. ማፃ 12፡1። 7:4 ማኸ. ማፃ 11፡31፤ 12፡4። 7:5 ማኸ. ማፃ 12፡7፤ 13፡15፤ 15፡18፤ 17፡8። 7:6 ማኸ. ማፃ 15፡13-14። 7:7 ከሲ. ማፃ 3፡12። 7:8 ማኸ. ማፃ 17፡10-14፤ 21፡2-4፤ 25፡26፤ 29፡31—35፡18። 7:9 ማኸ. ማፃ 37፡11፤ 28፤ 39፡2፤ 21። 7:10 ማኸ. ማፃ 41፡39-41።

11 ዬድ ዎድ"ና ጊብፄ ዓጮ"ና ካኣናኔ ዓጮ"ናይዳ ቢያ ጴኔፕ ማቶ ማዜ ኪሊ "ንኮ ሉማ ዓቄኔ፤ ዓድንሢያ ኦኡኮ ሙኡዚ" ዴንቃኒ ዳንዳቢባኣሴ።

12 ያይቆኦቤ ጊብፄ ዓጮ"ይዳ ሐኣኮ ዓኣሢ ዎይዘዎ ኦ ዓድንሢያ ቤርታሲ ዒኣካ ዳኤኔ።

13 ለሚያ ማዒ ዔያታ ጊብፄ ዓኣጳ ዎድ"ና ዮሴፔ ፔኤኮ ጌርሲንሢሞ ፔና ፔጋሲ ኬኤዚ ዔርቴኔ፤ ዒማ"ና ማኣሮ ዓሳኣ ዒዛኮ ካኣቲና ዔርቴኔ።

14 ዬካፓ ዮሴፔ ፔኤኮ ዓድ ያይቆኦቤና ዒጊኖ ቢያ ፔ ኮራ ዔኪ ሙኤኔ፤ ዬያታ ዎሊ ዑፃ ጉቤ ላንካይታሚ" ድንጎ ዓሲኤ።

15 ዬያሮ ያይቆኦቤ ጊብፄ ዓጮ" ዓኣጲ ናንጊ ዒዛንታ ኦ ዓድንሢያንታ ዒኣካ ሐይቄኔ።

16 ዔያቶኮ ለዘ ሴኬሜ ዓጮ" ዔኪ ዓኣጲንቲ፥ ዓብራሃሜ፡- ሴኬሜይዳ ዔሞሬ ናኣቶ"ይዳፓ ፔ ሚኢሼና ሻንቄ ዱኡፖ" ካያ ዱኡቴኔ።

17 «ያኦሲ ዓብራሃሜም ጫኣቄ ዒንጌ ሃጊ ማዓንዳ ዎዛ" ኩማንዳ ዎድ" ዑካዛ ጊብፄይዳ ዓኣ ኦ ዴሮ"ኮ ፓይዳ" ሚርጊ ሚርጊ ዓኣጳ።

18 ዬካፓ ሜሌ" ካኣቲ ዮሴፔ ዔሩዎያ ጊብፄይዳ ካኣታጳ።

19 ዬይ ዓኮ ካኣታ"ሢ ኦ ዴሮ" ዑይይዳ ጌኔ ማሊሢና ዔቄ ዬያ ዓሶኮ ናኣታ" ሃይቃንዳጉዲ ሐሣ ኬኤሪንታንዳጉዲ ኦኡኮ ዓድንሢያ ዎልቄና ዒዚ ኮሺ" ሚታሴ።

20 ዬድ ዎድ"ና ሙሴ ሾይንቴኔ፤ ዒዚያ ሚርጌ ሚዛጲ ናይኤ፤ ሐሣ ሐይሃ ዓጊኒያ ፔ ዓድ ማኣራ ዴዒ ዲጩኔ።

21 ዬካፓ ዒዚ ኬኤሪንቴንቴ ጊብፄ ካኣቲኮ ናይሰኬና ዒዛ ዔኪ ፔ ናይ ማሂ ዲቸኔ።

22 ዬያይዴም ሙሴ ጊብፄ ዓሶ ዔራቶ ቢያ ዔሬኔ፤ ጌሰታ ጌኤዘና ማዳ ማዶና ቢያ ድዲ ዓሲ ማዔኔ።

23 «ሙሴኮ ሌዓ ያይዲታሚ" ኩሜ ዎድ"ና ፔኤኮ ጌርሲንሢ ጌይያ ዒሰራዔኤሌ ናኣቶ" ዛጋኒ ማሌ።

24 ዛጎሮ ዒ ሙካንቴ ዒዛኮ ዒጊኖይዳፓ ፔቴ"ሰኬያ ፔቴ" ጊብፄ ዓጪ ዓሲሰኬይ ጳርቄ ሂዓንቴ ዴንቃዎ ዬያ ዒጊናሢ ዒ

7:11 ማዜ. ማፃ 42፥1-2። 7:13 ማዜ. ማፃ 45፥1፤ 16። 7:14 ማዜ. ማፃ 45፥9-10፤ 45፥17-18፤ 46፥27። 7:15 ማዜ. ማፃ 46፥1-7፤ 49፥33። 7:16 ማዜ. ማፃ 23፥3-16፤ 33፥19፤ 50፥7-13፤ ዒያ. 24፥32። 7:18 ኬሲ. ማፃ 1፥7-8። 7:19 ኬሲ. ማፃ 1፥1-11፤ 22። 7:20 ኬሲ. ማፃ 2፥2። 7:21 ኬሲ. ማፃ 2፥3-10። 7:23 ኬሲ. ማፃ 2፥11-15።

ማኣዳኔ፤ ዬያ ጳርቁንቴ ባሢ ዛሎ"ዋ ኮሜ ዔካኒ ጊብፂ ዓጮ" ባሢ ጳርቁ ጳዳኔ።

25 ዒዛ ዛሎ"ና ያኦሲ ዔያቶ ዓይሎ"ማፓ ኬሳ"ንዳሢ ዒጊና ዒዛኮ ዔራንዳያ ዒዛሞ ማሌኔ፤ ጋዓንቴ ዔያታ ዬያ ዒና ዔኪ ዔሪባኣሴ።

26 ዚሮ ጉቴ"ሎ ላምፖ ዒሰራዔኤሌ ዓሲ ዋላ" ዑራዳንቴ ዴንቃፖ ዔያቶ ላኣጋኒ ኮዒ <ዒንሢ ሃይ ዓሳ! ዒንሢ ዋሊኮ ጌርሲንሢከ፤ ዓይጎሮ ዒንሢ ዋላ" ዑራዳይ?> ጌዔኔ።

27 ዬይ ፔ ላጋሢ ጳርቆ ባሢሢ ሙሴ ሴካ ሃዓፖ <ኔና ኑ ዑፃ ዋይሣናና ዋጋያ ማሄሢ ያናዳይ?

28 ዚጊኖ ኔ ጊብፂ ባሢ ዋዳ ጎይፖ ታናኣ ኔ ዋዳኒ ኮዓ?> ጌዔኔ።

29 ሙሴ ዬያ ዋይዛፖ ጊብፂ ዓጮ"ፓ ፑኒንቴ ሚዲያሜ ጌይንታ ዓጪ ዓኣዲ ዒኢካ ናንጊ፥ ላምፖ ዓተንቁ ናይያ ሾዔኔ።

30 «ሙሴ ዒዛ ዓጮ"ይዳ ያይዲታሚ" ለዔ ዓኣሢሰካፓ ዴብሬሲና ጌይንታ ዲኮ" ኮራ ዓኣ ቦኦሎ"ይዳ ካኖ ባኣካ" ዔኤታ ታሚና ያኦሲ ከኢታንቻ ዒዛሞ ጳዳኔ።

31 ሙሴ ዬያ ዛጌ ዋዶ"ና ዲቃቴ ሄርሻፖ፥ ባንሢ ዑኪ ዛጋንቴ ሃዚ ጋዓ ዑኡሲ ዋይዚንቴኔ፤

32 ታኣኒ ኔ ዓደንሢ ዒብራሃሜ ያኦሲ፥ ዪሳኣቁ ያኦሲ፥ ያይቆኦቤ ያኦሲኬ> ጋዓዛ፥ ሙሴ ዒሚ"ና ዒጊጪ ጎጋይቁኔ፤ ዛጋኒያ ጫርቁባኣሴ።

33 ያኦሲ ዒዛሞ ጋዓንቴ <ኔ ዔቁ ቤዛ ጌኤሺ ሳዓታሢሮ ቶካ"ፓ ዲርዘ ኔኤኮ ኬሴ"፤

34 ጊብፂ ዓጮ"ይዳ ዓኣ ታ ዴሮ"ኮ ዴኤፖ ሜቶ ጎኔና ታ ዛጌኔ፤ ዋይንቶ ዒላቶዋ ታ ዔያቶኮ ዋይዜኔ፤ ዬያሮ ታ ዔያቶ ዓውሳኒ ኬዴ"ሢሮ ሓሢ ኔ ሓኒ ዬዔ፥ ታ ኔና ጊብፂ ዓጮ" ማሃ ዳካንዳኔ ጌዔኔ።

35 «ዒሰራዔኤሌ ዴራ" ሙሴ ኮራ <ኔና ኑ ዑፃ ዋይሣናና ዋጋያና ማሄሢ ያናዳይ?> ጌዒ ቤርታ ዒዛ ማኬያ ማዔቶዋ ያኦሲ ጋዓንቴ ዬያ ሙሴም ካኖ ባኣካ" ጳዲ ከኢታንቻሢ ዛሎ"ና ዋይሣናና ዋጋያና ማሃ ዔያቶ ባንሢ ዳኬኔ።

36 ጊብፂ ዓጮ"ና ዘቁ ባዘ"ናይዳ ዲቃሢ ባኣዚ"ና ያኦሲ ዋልቁና ማዲንታ ዓኪ ባኣዚ"ና ማዲ ዴሮ" ዓይሎ"ማፓ ኬሴ"፥ ዓሲ ናንጉዋ ዳውሎ"ይዳ ያይዲታሚ" ለዔ ጉቤ ዔኪ ሓንቴሢ ዬያ ሙሴኬ።

7:29 ኬሲ. ማፃ 18፥3-4። 7:34 ኬሲ. ማፃ 2፥14። 7:36 ኬሲ. ማፃ 7፥5፤ 14፥21፤ ፓይ. ማፃ 14፥33።

37 ጾኦሲ ታና ዔቁሴሢሢጉዲ ዲንሢኮ ዲሾንሢ ሳካካ"ፓ ጾኦሲ ማላሢ ከኤዛ ዓሲ ዲንሢሞ ዔቁሳንዳኔ፤ ጌዲ ዲሰራዔኤሌ ዴሮ"ሞ ከኤዜሢሢ ዩያ ሙሴከ።

38 ዓሲ ናንጉዋ ዳውሎ"ይዳ ቡኪንቴ ዴሮ"ና ዋላ" ሐሣ ሲና ዲኮ"ይዳ ጌሰቴ ኪኢታንቻሢና ዩያጉዲ ኑ ዓዶንሢና ዋላ" ማዔሢያ ዲዛከ፤ ጾኦሲኮዋ ናንጎ ቃኦሎ" ኑም ዳኪ ሄሊ"ሴሢያ ዩያ ሙሴከ።

39 «ኑ ዓዶንሢ ጋዓንቴ ዲዛ ማማኬያፓ ባቴሞ ዲዛም ዓይሢንቴባኦሴ፤ ዲኖና ዔያታ ጊብፄ ዓጮ" ማዓሪ ማሌኔ።

40 ዓኦሮኔ ኮራ ዔያታ «ሐይ ጊብፄ ዓጮ"ፓ ኑና ከሴ" ሙሴ ዋዋይቴቴያ ኑ ዔራዋሴ፤ ዩያሮ ኑኡኮ ቤርታ ቤርታ ዓኦዲ ኑና ዔኪ ዓኦዲንዳያ ካኦሽኮንዶ ባኦዚ" ኑም ማገፍ ጌዔኔ።

41 ዲማ"ና ዔያታ ናኦሪ ማላያ ካኦሽኮንዶ ባኦዚ" ማዢ ዲንጎ ባኦዚ"ያ ዩያም ዲንጌኔ፤ ዔያታ ፔ ከጮና ማገፍ ባከናኦ ዋዛዴኔ።

42 ጾኦሲ ጋዓንቴ ዔያታዩዳፓ ዴማዴኔ፤ ጫሪንጮ ዡኦጋሢ ዔያታ ካኦሽካንዳጉዲ ዔያቶ ማሄኔ። ዩይያ፡- ጾኦሲ ማሊያ ከኤዛ ዓሲ ዛሎ"ና

ዲንሢ ዲሰራዔኤሌ ዓሳ!

ዓሲ ናንጉዋ ዳውሎ"ይዳ ዲንሢ ሹከ ቆልሞንታ ገይዲታሚ" ለዔ ጉቤ ዲንሢ ዲንጌ ዲንጊያ ታኦምዳ?

43 ዔኪ ዲንሢ ዴንዴሢ ዲንሢ ካኦሽካ

ሞሎከኮ ዓፒሎ ማኦሮንታ

ሬፓኔ ጌይንታ ዲንሢ ጾኦዛሢኮ ዡኦጎ ማላ ባኮንታከ።

ዩያቶ ዲንሢ፡- ዲንሢ ከቻ ማዢ

ዩያቶም ዲንሢ ዚጋ ዲንሢኮ ካኦሽኮ ጾኦዘከ።

ታኦኒያ ባብሎኔ ዓጮ"ፓ ዲንሢ ዳኪንቴ ዴንዳንዳጉዲ ማሐንዳኔ ጌይንቴ ጻኦፒንቴሢ ጉዴያከ።

44 «ኑ ዓዶንሢኮ ዓሲ ናንጉዋ ዳውሎ"ይዳ ዓፒላና ማዢንቴ ጾኦሲ ካኦሽኪንታ ማኦሪ ዓኦኔ፤ ዩኖ ዓፒሎና ማዢና ማኦሮ ጾኦሲ ዲዛ ዓይሢ ጎይያና ሐሣ ዳዌ ጎይያና ማዢሢያ ሙሴከ።

45 «ጾኦሲ ዔያቶኮ ቤርታፓ ዳውሴ ሜሌ" ዴሮ" ዓጮ" ዔያታ ዳካሌ ዋዶ"ና ኑ ዓሳንሢ ዩኖ ዔያታ ዔከ ዓፒሎና ማዢንቴ ማኦራሎ ዲያሱና ዋላ" ዲዘ ቤዘ ጌልዜኔ፤ ዴንዲ ዳውቴ ዋዶ" ሄላ"ንዳኦና ዩና ዲኢካ ዴዔኔ።

7:37 ላሚ. ዋማ 8፡15፤ 18። 7:38 ከሲ. ማፃ 19፡1—20፡17፤ ላሚ. ዋማ 5፡1-33። 7:40 ከሲ. ማፃ 32፡1። 7:41 ከሲ. ማፃ 32፡2-6። 7:42 ዓሞ. 5፡25-27። 7:44 ከሲ. ማፃ 25፡9፤ 40። 7:45 ዓ.ያ. 3፡14-17።

46 ዳውቴያ የኦሲ ዲዛ ቦንቼህረ ስይቆኑቤ ዜርያ ባኣካ"
የኦዛህ ዋርቃንዳ ማኣሪ ማዛኒ የኦሲ ሸኢቄ።።

47 ጋዓንቴ ዬኖ ማኣረ የኦሲም ማዛፍህ ሴሎሞኔኬ።።

48 «ያዲ ማዕቶዋ ዳኔፖ የኦዛህ ዓሲ ኩቸና ማዛፍንቴ ማኣሪዳ
ናንጉዋሴ፤ ዬይያ፡- የኦሲ ማሊያ ከኤዛህ ዛሎ"ና

49 ጫሪንጫ ታኣኮ ዴያ የይቶኬ፤

ሳዓ ታኣኮ ቶካ ሄርቃ ቤዘኬ፤

ሂዳያ ታኣም ዒንህ ዋዚጉዴ ማኣሪ ማዛንዳይ?

ታ ዴዒ ሐውሻንዳ ቤዛ ዋዚጉዴያዳይ?

50 ዬያ ቢያ ታኣኒ ታ ኩጮና ኮሽ "ህጉዳዳ?"

የኦሲ ሂዚ ጋዓኔ ጌዒ ያኣፕህጉዴያኬ።።

51 «ዒንህ ባቃኖ ዴይህ፤ ፑርቶ ዓሳ! ዒና" ዒንህኮ ዔኩዋያ፤
ዋያኣ ዒንህኮ ዋይዙዋያ፤ ዒንህኮ ዓድንህጉዲ ዒንህያ ቢያ
ዋዴና ዓያኖ ጌኤዠ ማካኔ።።

52 ዒንህኮ ዓድንህ ዒፂ ዳውሲ ባኣያ የኦሲ ማሊያ ከኤዛ

ዓሰይዳፓ የናዳይ? ዔያታ ጌኤዠህኮ ሙኪያ ቤርታዲ

ከኤዜዘንህታ? ዋዴኔ፤ ዒንህያ ሃህ ዬያ ጌኤዠህ ዓኣህ ዒንጊ
ዋዴኔ።።

53 ዒንህ፡- ከኢታንሻ ዛሎ"ና የኦሲ ዋጎ ዔኬኔ፤ ጋዓንቴ ዒንህ
ዬያ ካፒባኣሴ።።»

ዒሰዲፓኖሴኮ ሹጮና ዲይንቴ ሓይቂያ

54 ዋጎ ዋጋ ዓሳ ዬያ ዋይዜ ዋዶ"ና ዒናፓ ኮሽ" ዳጋዴኔ፤

ዒሰዲፓኖሴ ዑይይዳኣ ዳጋና ሓኣሚ ዳዔኔ።።

55 ዒዚ ጋዓንቴ ዓያና ጌኤሺኮ ዋልቆ ጋር ጌሊ ጫሪንጫ ባንህ

ጊሻ ጌዒ ዛጋያ፤ የኦሲኮ ቦንሻ ዴንቄ፤ ዬሱሴያ የኦሲኮ ሚዛቆ

ዛላ" ዔቂ ዓኣንቴ ዛጊ፤

56 «ሓይሽ፤ ጫሪንጫ ቡሊ"ንቴ፤ የኦሲኮዋ ናዓህ የኦሲኮ

ሚዛቆ ዛላ" ዔቂ ዓኣንቴ ታ ዛጋኔ» ጌዔኔ።።

57 ዬማና ዔያታ ዳ'ጊዲ ዒላቴ፤ ዋኖ ጉቤህ ፔኤኮ ዓርቃያ

ፔቴሞና ዒዛ ባንህ ጳሽኬ።።

58 ዬካፓ ዔያታ ዒዛ ዓርቂ ካታሞይዳፓ ኬሲ" ሹቻ ዲዒ

ዋዴኔ፤ ማርኮ ማዕ ዓሰንህያ ዒሰዲፓኖሴ ዲዒ ዓሰኮ ዓፒሎ ዔኪ

ሳውሌ ጌይንታ ፔቴ" ዴጌሰኬይ ካፓንዳጉዲ ዒዛ ኮራ ጌህኔ።።

7:46 2ሳሙ. 7፤1-16፤ 1ዖኦሲ. ዓሃኬ 17፤1-14። 7:47 1ካኣቶ". ማ 6፤1-38፤
2ዖኦሲ. ዓሃኬ 3፤1-17። 7:49 ዒሲ. 66፤1-2። 7:51 ዒሲ. 63፤10።

59 ዓይነታ ዒዛ ሹጮና ደዓ ጎይሣ ዓኣንጉቴ ዒሰደገኖሴ፡- «ጎዳ ዩሱሴ! ሹሞገሣ ታኣኮ ዔኬ!» ጌዒ ሸኢቁኔ።

60 ሐሣ ዒ ጉሞዓታዎ፡- «ጎዳሣዮ! ሐያ ዔይቶኮ ማድ" ዳቢንጉቴ ማሂ ገይዲ።!» ጌዒ ዳጊዲ ዒላቲ፣ ሐይቁኔ። ሳውሌያ ዒሰደገኖሴ ዎድናሣ ቃራኬ ጌዔኔ።

8

ሳውሌኮ ሸኢጲያ ማእሮ ዓሶ ዳውሲያ

1 ዒሰደገኖሴ ሐይቁ ኬሎ"ና ዩሩሳላሜይዳ ዓኣ ሸኢጲያ ማእሮ ዓሶይዳ ዳኤፒ ዳውሲሣ ዔቁኔ፤ ጾሳ ማድ"ሞ ዳኪንቴዘንሚኮ ታታዛ ሐንጎ ጾሳ ጉሙርቃ ዓሳ ቢያ ዪሁዳ ዓጮ"ና ሳማሪያ ዓጮ"ና ባንሣ ላኣሊንጉቴ ዳንዳኔ።

2 ጾሳ ደዲ ካኣሸካ፣ ፔቴ" ፔቴ" ዓሳ ዒሰደገኖሴ ዳኤኬኔ፤ ሐሣ ዒናገ ማዔ ዳኤፒ ዩኤፒያ ዩኤኬኔ።

3 ሳውሌ ጋዓንጉቴ ዩኖ ዎድ"ና ሸኢጲያ ማእሮ ዓሶ ባይዘኒ ሚርጌ ካራ ኮዓኔ፤ ዓሶኮዎ ማእሮ ቢያ ጌሊ ጌሊ ኪሪሰቶሴ ጉሙርቃ ዓሶ ዓቲንቆና ላኣሎና ጎቺ ጎቺ ኬሲ"፣ ቱኤሲ ማእራዳ ቱኪ"ሳኔ።

ኮዦ ሐይሳ ሳማሪያይዳ ኬኤዚንቴሣ

4 ደማ ደማ ቤዘ ላኣሊንጉቴ ዓኣዳ ኪሪሰቶሴ ጉሙርቃ ዓሳ ቢያ ቤዘይዳ ጾሳኪኮ ቃኣሎ" ኬኤዜኔ፤

5 ፒልጶሴያ ሳማሪያኮ ፑኤፖ ካታሞ ዳንዲ ሜሲሔ ዛሎ" ዓሶሞ ኬኤዜኔ።

6 ዓሳ ፒልጶሴኮ ቃኣሎ" ዎይዛዎ ሐሣ ዒ ማዳ ጾሳ ዎልቆና ማዲንታ ዓኮ ባኮዎ ዛጋዎ ፔቴሞና ዒዚ ጋዓ ባኮ ኮሺ" ዎይዛኔ።

7 ፑርቶ ዓያናኣ ዳጊዲ ዒላቲ ዒላቲ ሚርጌ ዓሶይዳገ ኬሰካኔ፤ ሃሣ ሚርጌ ሐንታኒ ዳንዳዑዎ ዎሶ ዓሲና ፒዜ ሃንቱዎ ዎሶ ዓሲያ ዳቁኔ።

8 ዩያሮ ዩኖ ካታሞይዳ ዳኤፒ ዎዛ ማዔኔ።

9 ዩኖ ካታሜሎይዳ ሲሞኦኔ ጌይንታ ፔቴ" ዓሲ ዓኣኔ፤ ዩይ ዓሣ ካታሞይዳ ዦዎቶና ዓኪ ባኣዚ" ማዲ ማዲ ሳማሪያ ዓጮ"ይዳ ሄርሺ ዲቃቲንታዎ ማዒ ናንጋኔ፤ ሐሣ «ታኣኒ ዳኤፒ ዓሲኬ!» ጌዒ ጌዒ ፔና ኬኤዜኔ።

10 ዓሶ ዳኮ"ንታ ዳኤፖንታ ቢያ፡- «ሐይ ዓሣ ዳኤፒ ጌይንጉ ዔኤሊ"ንታ ጾሳኪኮ ዎልቃሣኬ!» ጌዒ ጌዒ ዒዛሲ ዎይዛኔ።

11 ዔያታ ዒዛሲ ዋይዛሢ ሚርጌ ዋዴይዳፓ ዓርቃፆ ዠዋቶና ዓኪ ባኣዘ" ማደሢና ዔያቶ ዲቃሢ ሄርሺሳሢሮክ።

12 ጋዓንቴ ፒልጶሴ ጾላሲ ካኣቱሞ ዛሎ"ና ዬሱሰ ኪሪሰቶሴ ዛሎ"ና ኬኤዜ ኮዠ ሓይሶ ጎናሲ ዔኪ ዓቲንቆንታ ላኣሎንታ ዋኣፆና ማሰቴኔ።

13 ሲሞኦኔያ ዓቱዋፆ ኪሪሰቶሴ ጉሙርቂ ዋኣፆና ማሰቴ ፒልጶሴና ዋላ" ፔቴ" ማዔኔ፤ ሓሣ ዒዚ ጾላሲ ዋልቆና ማደንታ ዓኮ ባኮንታ ማላቶንታ ዛጊ ዛጊ ዲቃቴ ሄርሻኔ።

14 ዬሩሳላሚይዳ ዓኣ ዳኪንቴዘንሚኮ ሳማሪያ ዓጮ" ዓሳ ጾላሲ ቃኣሎ" ጎናሲ ዔኬሢ ዋይዛፆ ጳዒሮሴና ዮሓኒሴና ሳማሪያ ዓጮ" ዳኬኔ።

15 ዬያሮ ሳማሪያ ዓጮ" ዓሳ ዓያና ጌኤሺ ዔካንዳጉዲ ጳዒሮሴና ዮሓኒሴና ዓኣዲ ዔያቶሞ ሺኢቁኔ።

16 ዓይጎሮ ጌዔቶ ሳማሪያ ዓጮ" ዓሳ ጎዳ ዬሱሴ ሱንፆና ዋኣፆ ማሰቴያፓዓቱሞ ዓያና ጌኤሺ ሓጊ ፔቴ" ዓሲዳታፆ ኬዲ"ባኣሴ።

17 ዬያሮ ጳዒሮሴና ዮሓኒሴና ዔያቶ ዑፃ ኩጮ ጌሣዛ ዓሳ ዓያና ጌኤሺ ዔኬኔ።

18 ዳኪንቴዘንሚኮ ፔኤኮ ኩጮ ዓሶ ዑፃ ጌሣዛ ዓያና ጌኤሺ ዓሶሞ ዒንጊንቴሢ ሲሞኦኔ ዛጋፆ ዳኪንቴዘንሚኮ ማደኢሺ ዔኪ ሙከ።

19 «ታኣኒያ ኩጮ ጌሣዛ ዓሳ ቢያ ዓያና ጌኤሺ ዔካንዳጉዲ ሓና" ቢታንቶ ታኣሞ ዒንጉዋቴራ» ጌዔኔ።

20 ጳዒሮሴ ጋዓንቴ ዒዛሞ፡- «ጾላሲኮ ዒንጊፆ ኔኤኒ ማደኢሺና ዔካኒ ማሌሢሮ ኔናንታ ኔ ማደኢሺንታ ዋላ" ባይቁዋቴ!

21 ዒና" ኔኤኮ ጾላሲ ቤርቶይዳ ፒዜ ማዒባኣሢሮ ኦ ማደ"ይዳ ኔኤኮ ቤሲያ ባኣሴ።

22 ዬያሮ ሓያ ኔኤኮ ፑርቱሞ ዳቢንቶ ጎማፓ ማዔ፤ ጎፆንቴ ጾላሲ ኔኤኮ ዒሮ ማሊፆ ዓቶሞ ጋዓንዳቴ ዒዛ ሺኢቁ፤

23 ዓይጎሮ ጌዔቶ ኔኤኒ ባይዛ ቂኢሩሞ ማሊሢና ኩሜያ ሃሣ ጎማና ቱኡቴ ዓሲ ማዔሢ ታ ዛጋኔ» ጌዔኔ።

24 ሲሞኦኔያ፡- «ዒንሢ ሓሢ ጌዔ ባኮይዳፓ ፔቴ" ባኣዘ"ታፆ ታና ሄሉ"ዋጉዲ ዒንሢ ዒንሢሮ ጎዳሢ ታኣሞ ሺኢቁዋቴ» ጌዔኔ።

25 ጳዒሮሴና ዮሓኒሴና ዬሱሴ ዛሎ" ዔራ ባኮ ማርካዲ፣ ጎዳኮዋ ቃኣሎ" ኬኤዜሰካፓ ሚርጌ ሳማሪያ ዓጮ" ጉርዶይዳ ኮዠ ሓይሶ ኬኤዚ ኬኤዚ ዬሩሳላሚ ባንሢ ማዔኔ።

ፒልጶሴና ካኣቶ" ማኣራ ማዳ ዒቶጲያ ዓጮ" ዓሢና

26 የኦሲኮ ኪኢታንቻ ፕልጶሴ ኮራ:- «ዔቂ ዩሩሳላሜይዳፓ ጋኣዛ ዴንዳ ጎይያና ሊካ ዴንዴ» ጌዔኔ፤ ዩና ጎይፃ:- ዓሲ ናንጉዋ ዳውሌ"ይዳና ዓኣዳያኩ።

27 ዒዚ ዔቂ ዴንዴ። ዒማ"ና ፔቴ" ዒቶጲያ ዓጮ"ኮ ካኣቶ" ማኣራ ዓሽቲንቂ ማዳ ዒቶጲያ ዓጪ ዓሲሰኬያ የኦሲም ዘጊ ካኣሽካኒ ዩሩሳላሜ ዴንዳ ዒኢካ ዓኣኔ፤ ዩይ ዓሢ ሂንዴኬ ጌይንታ ዒቶጲያ ዓጮ" ካኣቴሎና ዋላ" ቢታንቶ ዓኣያ ማዒ ማዳያ ሓሣ ሚኢሾ ዒዘኮ ቢያ ዘጊ ዓርቂ ቆላያኩ።

28 ዩይ ዓሢ ፓራሢ ጎቻ ሳርጌሎ የይቶይዳ ዴዒ ፔ ዓጮ" ባንሢ ማዒ ዴንዲቤቃ የኦሲ ማሊያ ኬኤዛ ዒሲያሴ ማፃኣፖ ናባባቴ።

29 ዩማና ዓያና ጌኤዣ ፕልጶሴም:- «ዴንዲ ሓሴኬ ሳርጌሎ የይቶ ባንሢ ዑኩ» ጌዔኔ።

30 ዩያር ፕልጶሴ ጳሽኪ ዩያ ባንሢ ዴንዳያ ዒቶጲያ ዓጮ" ዓሢ የኦሲ ማሊያ ኬኤዛ ዒሲያሴ ማፃኣፖ ናባባንቴ ዋይዚ:- «ኔ ናባባሢኮ ቡሊ"ፃ ኔኤም ጌላ?» ጌዒ የኦጩኔ።

31 ዒቶጲያ ዓጮ" ዓሢ ማሐያ:- «ቡሊ" ኬኤዛ ዓሲ ባኣንቴ ዋዲ" ታኣም ጌላንዳይ?» ጋዓ፣ ፕልጶሴም:- «ሳርጌሎ የይቶይዳ ኬሰኪ ታኣና ዋላ" ዴዔ» ጌዔኔ።

32 ዩይ ዒቶጲያ ዓጮ" ዴኤፖ ዓሢ ናባባ ማፃኣፓ:- «ሹኪንታኒ ዒሽንታ ማራይጉዲ ማዔኔ፤ ዑፃፓ ጋፓና ታይዛ ዓሳ ታይዛኣና ዘቲ ጋዓ ማራይጉዲ ዒዚ ዳንጎ ፔኤሲ" ቡሊ"ባኣሴ።

33 ዒዚ ቦሂንቴኔ፤ ፒዜ ዋጌያ ዒዛም ዋጊንቴባኣሴ፤ ሸምፓሢ ዒዛኮ ሳየይዳፓ ባይቁኔ፤ ዒዛኮ ሾይንቶ ዛሎ" የኦኒ ኬኤዛኒ ዳንዳዓይ?» ሂዚ ጋዓ ቤዘኩ።

34 ዩይ ካኣቶ" ማኣራ ዴኤፒ ዓሲ ማዒ ማዳ ዓሢ ፕልጶሴ ኮራ:- «የኦሲ ማሊያ ኬኤዛሢ ሓኖ" ጌዔሢ የ ዛላዳይ? ፔ ዛላም? ሜሌ" ዓሲ ዛላዳይ? ሓዳራ ታኣም ኬኤዜ» ጌዔኔ።

35 ፕልጶሴያ ዩና ማፃኣፖ ቤዘይዳፓ ዓርቃያ ዩሱሴ ዛሎ" ኮዣ ሓይሶ ዒዛም ኬኤዜ።

36 ዔያታ ዴንዲቤቃ ዋኣሢ ዓኣ ቤሲ ሄላ"ዛ፣ ካኣቶ" ማኣራ ማዳ ዴኤፖ ዓሢ ፕልጶሴ ኮራ:- «ሓይሾ ሓካ ዋኣሢ ዓኣኔ፤ ታኣኒ ማሰቱዋጉዲ ታና ላኣጋሢ ዓይጎዳይ?» ጌዔኔ።

[

37 ፒልጶሴያ፡- «ጉቤ ዲናፓ ኔ ጉሙርቁቶ ዋኣዎ ማሰታኒ ዲንዳዓኔ» ዲዛሞ ጌዔኔ። ካኣቶ" ማኣራ ማዳ ዳኤፖ ዓሢያ፡- «ዩሱስ ኪሪሰቶሴ ያኦሲ ናኣዚ" ማዔሢ ታ ጉሙርቃኔ» ጌዔኔ።ፊ*
38 ካኣቶ" ማኣራ ማዳ ዳኤፖ ዓሢ ሳርጌሎ ያይቶ ዔቁሴኔ፤ ዩካፓ ላምዓሢ ዋኣዎይዳ ኬዳ"ዛ ፒልጶሴ ዩያ ዓሢ ማሰኬኔ።

39 ዋኣዎይዳፓ ዔያታ ኬሰኬሰካፓ ያኦሲኮ ዓያና" ፒልጶሴ ዔኬኔ፤ ካኣቶ" ማኣራ ማዳ ዳኤፖ ዓሢ ላሚ ዲዛ ዴንቁባኣሴ። ዲዚያ ዎዛዲ ዎዛዲ ፔኤኮ ጎይያ ዓኣዳኔ።

40 ፒልጶሴ ዒማ"ና ጋዓንቴ ዓዛያሴ ጎዎ ቤሲዳ ጳዳኔ፤ ዲዚ ቁሳሪያ ዓጮ" ማዒ ሙካንዲያ ሄላ"ንዳኣና ካታሞ ቢያ ሓንቲ ሓንቲ ኮዦ ሓይሶ ኬኤዜኔ።

9

ሳውሌኮ ሳኣሚንቶ
(ዳኪ. ማድ" 22፡6-16፤ 26፡12-18)

1 ዒማ"ና ቢያ ዎይ ሳውሌ ጎዳኮ ጊንዎ ሓንታ ናኣቶ" ዳጋና ዎዳኒ ዚርቁ ዚርቁ ናንጊቤቃ ቁኤሶኮ ሱኡጋሢ ኮራ ዓኣዲ፡

2 ጎዳኮ ጎይያ ሃንታ ዓሶ ዓቲንቆንታ ሳኣሎንታ ዴንቃዎ ቱኪ" ቱኪ" ዩሩሳላሚ ዔኪ ሙኪሳኒ ዲንዳዓ ኪኢታ ዋርቃታ ዴማሰቆይዳ ዓኣ ዓይሁዳ ዓሶኮ ቡኪንቶ ቤዘ ዎይሣ ዓሶም ፃኣፒ ዒንጋንዳጉዲ ቁኤሶኮ ሱኡጋሢ ያኣጩኔ።

3 ዩካፓ ዲዚ ጎይያ ዴንዲ ዴማሰቆ ካታሞ ሄላ"ኒ ዑካዛ ዲዚ ዔሩዋንቴ ጫሪንጫፓ ዓኣፒዳ ዲካ ፖዒ ዲዛ ዓጫ ፖዔኔ።

4 ዩማና ዲዚ ቶጊ ዓኣዳ ባካፓ ሳዓ ኬዲ" ሎኣማዎ፡- «ሳውሌ! ሳውሌ! ኔ ታና ዓይጋ ዳውሳይ?» ጋዓ ዑኡሲ ዋይዜኔ።

5 ሳውሌያ «ጎዳሢዮ! ኔኤኒ ያናዳይ?» ጌዔኔ፤ ዲዚ ማሃዎ «ኔ ታና ዳውሳ፣ ታኣኒ ዩሱሴኬ፤*
6 ሐሢ ዒቁፓፓ ካታሞ ጌሌ፤ ኔ ማዳንዳ ባካ ዲኢካ ኔኤም ኬኤዚንታንዳኔ» ጌዔኔ።

7 ሳውሌና ዎላ" ዓኣዳ ዓሶንሢ ዑኡሲ ዋይዘዎ ያናኣ ዴንቃኒ ዲንዳዒባኣሢር ዔያታ ጎዎንዶ ጎይሢ ባይዚ ዚቲዮ ጌዒ ዔቁኔ።

* 8:37 ፔቴ" ፔቴ" ማፃኣፓ፡- ፓይ. 37 ጌዳ" ቃሳ"ኔ። * 9:5 ፔቴ" ፔቴ" ማፃኣፓ ሃኖ" ቤዘይዳ፡- «ጫጮ ሚያ ማሃ ዓኪያና ኔኤር ኔ ማኣሳና» ጋዓኔ፤ ሐሢ «ሳውሌያ ጎይቁ ጎይቁ ዒጊቹሞና ዲቃታዎ ጎዳሢዮ! ዓይጎ ታ ኔኤም ማዳንዳጉዲ ኔ ኮዓይ?» » ጌዔኔ ጋዓኔ። ዩሩ፡- ዓይ. 22፡10 ጌዳ"፤ ሃሣ ዓይ. 26፡14ይዳ ፃኣፒንቴ ዓኣኔ።

8 ሳውሌ ሳዓፓ ዔቃዎ ዓአፖ ቡሌ" ዎድ"ና ዓይጎዎ ዳንቃኒ ዳንዳዒባአሴ፤ ዬያሮ ዓሳ ዒዛኮ ኩጮ ዓርቂ ጎቺ ጎቺ ዳማሰቆ ካታሞ ዔኪ ዓአዳኔ።

9 ዒዚ ዒማ"ና ዓይጎዎ ዳንቃኒ ዳንዳዒዎዎ ሐሣ ሙዒ ዑሽኩዎዎ ዳዔኔ።

10 ዳማሰቆይዳ ፔቴ" ሃናኒያ ጎዎ ኪሪሰቶሴ ጉሙርቃ ዓሲ ዓአኔ። ዬያ ዓሢ ጎዳ፡- «ሃናኒያ!» ጌዒ ዔኤላ"ያ ያኦሲ ፔጋሲ ዳዋዛ፥ ዒዚ፡- «ዮ፥ ጎዳሢያ!» ጌዔኔ።

11 ጎዳ ዒዛሞ፡- «ፒዜ ጎይሢ ጌይንታ ጎይፆሎና ዳንዳ፤ ዒአካ ዪሁዳ ማአሮይዳ ሳውሌ ጌይንታ ፃርሴሴ ዓጮ" ዓሢ ኮዔ፥ ዒዚ ሃሢ ሺኢ ጸሢዳኬ» ጌዔኔ።

12 ሳውሌያ ዒማ"ና ዓአፓ ዒዛኮ ላሚ ዛጋንዳጉዲ ሐናኒያ ዒዛ ዑፃ ኩጮ ጌሣንቴ ያኦሲ ዒዛ ፔጋሲ ዳዋያ ዛጌኔ።

13 ሃናኒያ ጋዓንቴ ሂዚ ጌዒ ማሔኔ፡- «ጎዳሢያ! ዬይ ዓሢ ዬሩሳላሚይዳ ዓአ ኔ ዓሶ ዑፆይዳ ሚርጌ ፑርታ ባአዚ" ማዳሢ ሚርጌ ዓሲዳፓ ታ ዋይዜኔ።

14 ሐካኣ ሐሣ ኔና ካአሽካ ዓሶ ቢያ ቱኡሳኒ ቄኤሶኮ ሱኡጎይዳፓ ቢታንቶ ዔኪ ሙኬኔ» ጌዔኔ።

15 ጎዳ ሃናኒያም፡- «ዒዚ ታኣኮ ሱ"ንፆ ሜሌ" ዳሮ"ንታ ካኣቶ"ንታም ሐሣ ዒሰራዔኤሌ ዓሶማኣ ዔርዘንዳያ ታኣኮ ደኦሪንቴ ዓንገሞ ማዔሢሮ ሐሢ ዒዛ ኮራ ዓአዳ፤

16 ታ ዛሎ"ና ዎዘጉዳ ሚርጌ ሜቶ ዒ ዔካንዳቴያ ታ ታኣሮ ዒዛም ዔርዘንዳኔ» ሂዚ ጌዔኔ።

17 ዬያሮ ሃናኒያ ዒአካ ዳንዲ ሳውሌ ዓአ ማአሮ ጌሊ፥ ኩጮ ፔኤኮ ሳውሌ ዑፃ ጌሣዎ፡- «ታ ዒሻሢዮ ሳውሌ! ሐይካ ኔ ሙካንቴ ጎይፆ ኔኤም ጳዴ ጎዳ ዬሱሴ ዓአፓ ኔኤኮ ዛጋንዳጉዲና ሃሣ ዓያና ጌኤሽ ኩሙሢ ዎልቄና ኔጌዳ ማዳንዳጉዲ ማሆም ታና ዳኬኔ» ጋዓዛ፥

18 ቤዘማና ቄኡሪ ማላ ባአዚ" ዓአፓፓ ኬዳ"ዛ ሳውሌ ዛጋኒ ዳንዳዔኔ፤ ዬካፓ ዔቂ ዒ ዎኣፆ ማሰቴኔ።

19 ሙኡዚ"ያ ሙዒ ደዲ ዳማሰቆይዳ ዓአ ኪሪሰቶሴ ጉሙርቃ ዓሶንሢና ዎላ" ዳካ" ኬሊ" ዳዔኔ።

ሳውሌ ዳማሰቆይዳ

20 ዬካፓ ኔጉዎዎ ሳውሌ፡- «ዬሱሴ ያኦሲ ናይኬ» ጌዒ ጌዒ ዓይሁዶ ዓሶኮ ቡኪንቶ ቤዛ ዔርዘሢሢ ዓርቄኔ።

21 ዬያ ዎይዜ ዓሳ ቢያ፡- «ሐይ ዓሢ ዬሩሳላሚይዳ ዬሱሴ ካአሽካዘንሢ ቢያ ዎዳሢቱዓዳ? ሐይካኣ ዒዚ ሙኬሢ ዔያቶ

ቱኪ" ቱኪ" ቄኤሶኮ ሱኡጎ ባንሢ ዔኪ ዓኣዳኒቱዓዳ?» ጌዒ ጌዒ ዲቃቲ ሄርሼኔ።

22 ሳውሌ ጋዓንቴ ፔቶ" ደዲ ደዲ ዓኣዳኔ፤ ዩሱሴ ሚሲሔ ማዕሢያ ኬኤዚ ኬኤዚ ዳማሰቆይዳ ናንጋ ዓይሁዶ ዓሶኮ ጎጆንዶ ጎይሢ ሳይዜኔ።

23 ሚርጌ ኬሊ"ኮ ጊንፃፓ ዓይሁዶ ዓሳ ሳውሌ ዎዳኒ ዘርቴኔ፤

24 ዒዚ ጋዓንቴ ዒዛ ዎዳኒ ዔያታ ዘርታሢ ዔሬኔ፤ ዔያታ ዒማ"ና ዒዛ ዎዳኒ ሮኦሮና ዋንቶና ቢያ ካሮ" ካሮ" ካፓኔ።

25 ጋዓንቴ ዲሚና ሳውሌኮ ጊንፃ ሃንታ ናኣታ" ዒዛ ሮኦጩና ዲሮ ፀ-ሣ ዓኣሢ ካታሞ ዙላ" ኬይሴኔ።

ሳውሌ ዩሩሳላሚይዳ

26 ሳውሌ ዩሩሳላሚ ዓኣዳጋ ዒኣካ ዓኣ ኪሪሰቶሴ ጉሙርቃዘንሢ ዎላ" ማዓኒ ኮዔኔ፤ ዔያታ ጋዓንቴ ዒዛኮ ኪሪሰቶሴ ጉሙርቁፃ ጎኔ ዔያቶም ማሊባኣሢሮ ቢያሢ ዒዛ ዒጊጩኔ።

27 ባርናባሴ ጋዓንቴ ሳውሌ ዔያቶ ኮይላ" ሸኢሻጋ ዒዚ ጎይፃ ዓኣንቴ ጎዳ ዒዛም ዎይቲ ጴዴቶ ሓሣ ዎማይዲ ዒዛና ጌሰቴቶ፣ ዳማሰቆይዳ ዩሱሴ ሱንፃና ዎማይዲ ዒዚ ጫርቂ ዓሶ ዔርዜቶም ዔያቶም ኬኤዜኔ።

28 ዩያሮ ሳውሌ ዔያቶና ዎላ" ማዒ ዩሩሳላሚይዳ ሓንቲ ሓንቲ ጎዳ ሱንፃና ጫርቂ ኬኤዜኔ፤

29 ጌሪኬ ዓጮ" ሙኡጮ ጌሰታ ዓይሁዶ ዓሶና ዎላ" ጌሰቲ ማርማዛ፣ ዔያታ ጋዓንቴ ዒዛ ዎዳኒ ማሌኔ።

30 ኪሪሰቶሴ ጉሙርቃዘንሢ ዩያ ዔራጋ ቂሳሪያ ዓጮ" ዒዛ ዔኪ ዓኣዲ ዩካፓ ፃርሴሴ ዓጮ" ዓኣዳንዳጉዲ ዳኬኔ።

31 ዒማ"ና ዩሁዳ ዓጮ"፣ ጌሊላና ሳማሪያ ዓጮ"ናይዳ ቢያ ዓኣ ሸኢጲጋ ማኣሮ ዓሳ ሓውሾ ዳንቂ ዶይኔ፤ ሓሣ ጎዳ ቦንቺ ቦንቺ ዓያና ጌኤሸናኣ ደዲ ደዲ ፓይዶና ሚርጌኔ።

ጳዲሮሴ ሊዳና ዒዮጴ ጌይንታ ዓጮ"ናይዳ

32 ጳዲሮሴ ዓጮ" ሓንቲቤቃ፣ ሊዳይዳ ናንጋ ኪሪሰቶሴ ጉሙርቃዘንሢ ኮራ ዓኣዳኔ።

33 ዒኣካ ዒዚ ሳሊ" ሌዔ ጉቤ ላሂ ናንጋ ዔኒያ ጌይንታ ዎቦ ዓሲ ዳንቄኔ።

34 ጳዲሮሴ ዩያ ዓሢ፡- «ዔኒያ! ዩሱሴ ኪሪሰቶሴ ኔና ፓሣንዳኔ፤ ዔቂቂ ኔኤኮ ዜዶ ማሄ» ጋዓዛ፣ ዒዚ ኔጉዎፃ ዔቄኔ።

35 ሊዳና ሳርናሚ ጌይንታ ዓጮ"ይዳ ናንጋ ዓሳ ቢያ ዩያ ዛጋፆ ጎዳ ጉሙርቁኔ።

36 ዲማ"ና ዲዮጶ ዓጮ"ይዳ ፃቢታ ጌይንታ ፔቴ" ኪሪሰቶሴ ጉሙርቃሰኬና ዓኣኔ፤ ዲዞ ሱንጎኮ ቡሊ"ፃ ጌሪኬ ሙኡቸና «ዶርቃ» ጌይሢ ማዓዛ ዩና ጌይፃ «ጌንፆ» ጌይሢኬ፤ ዲዞ ኮሺ ባኣዚ" ማዲሢና ሓሣ ገንሣ ማንቆ ዓሶሞ ሚርጌና ዔኤቢ ዲንገሢና ዔርቴ ላኣሊኬ።

37 ዲማ"ና ዲዞ ሓይቁም፥ ዓሳ ዲዞ ሱኡዲ ማሰካፆ ሹጮና ማዞና ማኣሮ ዑፃ ዓኣ ቤዘይዳ ኬሲ" ላይሢ።

38 ሊዳ ጌይንታ ቤዘላ ዲዮጶኮ ዑኬ ማዔያታሢሮ ዲዮጶይዳ ዓኣ ኪሪሰቶሴ ጉሙርቃ ዓሳ ጳዲሮሴ ሊዳይዳ ዓኣሢ ዋይዚ፡- «ኔጉዋፆ ዑኬ ኑ ኮራ ሙኬ» ጌዲ ዲዛሞ ኪኢታ ላሞፆ ዓሲ ዳኬ።

39 ዩያሮ ጳዲሮሴ ዔኤሊ"ፆ ሙኬዘንሢኮ ዋላ" ሙኬ፤ ዲኢካ ዲዚ ሄላ"ዛ ሹጮና ማዞና ማኣሮ ዑፃ ዓኣ ቤዘ ዔያታ ዲዛ ዔኪ ኬሴ"ኔ፤ ዩማና ዓኒንሢ ሃይቁ ላኣላ ቢያ ዲዛኮ ዓጮ ዔቃፆ ዩኤኪ ዩኤኪ ዶርቃ ዔያቶና ዋላ" ሹምፔና ዓኣፆ ሲኬ ማኣዓሢንታ ዓፒሎዋ ዳዊ ዳዊ ቤኤዚንታ።

40 ጳዲሮሴ ጋዓንቴ ቢያሢ ካሮ" ባንሢ ኬሲ"ጋፓ ጉሞዓቴ ሺኢቃፆ ለዘ ባንሢ ዛገ፡- «ፃቢታ ዔቁ!» ጋዓዛ፥ ዲዛ ዓኣፆ ቡሊ"ኔ፤ ዲዛኣ ሓሣ ዲዛ ዳንቃፆ ዔቁ ዳዔ።

41 ዲዚ ዲዞኮ ኩጮ ዓርቁ ዔቁሳፆ፥ ዓኒንሢ ሃይቁ ላኣሎንታ ኪሪሰቶሴ ጉሙርቃ ዓሶንታ ዔኤሊ" ዳቁሺ ዲዞ ዔያቶ ቤርታ ዔቁሴ።

42 ዩይ ባካ ዲዮጶ ዓጮ"ይዳ ቢያ ዔርቴሢሮ ሚርጌ ዓሳ ጎዳ ጉሙርቁኔ።

43 ጳዲሮሴ ዲማ"ና ሲሞኦኔ ጌይንታ ጎሮ" ጉኡዓ ዓሲሰኬያና ዋላ" ሚርጌ ኬሊ" ዲዮጶይዳ ዳዔ።

10

ጳዲሮሴና ቆርኔሌዎሴና

1 ቁሳሪያ ዓጮ"ይዳ ናንጋ ቆርኔሌዎሴ ጌይንታ ፔቴ" ዓሲ ዓኣኔ፤ ዲዚያ «ዲፃሊያ ፖኦሊሶ» ጌይንታ ፖኦሊሶኮ ፃኤቶ ዓሶ ዓይሣ ሱኡጌኬ፤

2 ዲዚ ፔ ማኣሮ ዓሶና ዋላ" ዓይሁዶ ዋጎ ጎይፆ ያኦሲ ካኣሽካያና ዲጊጫያ፥ ማንቆ ዓሶዋ ሚርጌና ማኣዳ"ያ ሓሣ ያኦሲ ቢያ ዋዴ ሺኢቃያኬ።

3 ፔቴ" ከሌ" ማህ ደንቦልሳ ዎዴ ጉዴያ ማዓኣና ያኦሲኮ ከኢታንቻ ዒዛ ኮራ ጌሌ:- «ቆርኔሌዎሴ!» ጌዒ ዒዛ ዔኤላ"ያ ያኦሲ ዒዛም ፔጋሲ ዳዌኔ።

4 ዒዚ ጊዥ ጌዒ ከኢታንቻህ ባንህ ዛጋዎ ዲቃቲህና:- «ጎዳሂዮ! ዓይጎዳይ?» ጋዓዛ፣ ከኢታንቻህ ዒዛም:- «ኔኤኮ ሺኢ ዲዎና ማንቆ ዓሶ ኔ ማኣዳ" ማኣዲዓ ያኦሲ ቤርታ ጴዳኔ፤

5 ሓህ ኔ ኮራፓ ዓሲ ዒዮጴ ዓጮ" ዳኪጋፓ ጴዳርሴ ጌይንታ ሲሞኦኔ ዔኤሌ"ሴ፤

6 ዒዚ ሃህ ባዘ" ዓጮይዳ ዓኣ፣ ጎሮ" ጉኡዓ ሲሞኦኔ ማኣራ ሸኦቹሞይዳ ዓኣኔ» ጌዔኔ።

7 ዬያ ዒዛም ከኤዜ ከኢታንቻህ ዒዛይዳፓ ዲማዲ ዓኣዳዛ ቆርኔሌዎሴ ዒዛም ላምዎ ማድ ማዳሰኬንህና ጉሙርቂንቲ ማዳ ፔቴ" ያኦሲ ጉሙርቃ ፖኦሊሴሰኬያ ዔኤሌ"፤

8 ማዔ ባኮ ቢያ ዔያቶም ከኤዜህኮ ጊንፃ ዒዮጴ ዓጮ" ዳኪኔ።

9 ዚሬሎ ዔያታ ዓኣዲ ካታሞኮ ዑካኣና ዓባ" ሳዛ ሄሌ"ም ጴዳርሴ ዒዚ ቤርታ ሺኢቃ ሹጮና ማዦና ማኣሮኮ ዑዎ ከሰከኔ።

10 ዬማና ዒዛ ናይዴም ሙኡዚ" ሙዒ ኮዔኔ፤ ሮኦሪ ሙዎ ሙዓ ዒዛም ጊኢጊንታ ጎይህ ዓኣንቴ ያኦሲ ዒዛም ፔጋሲ ዳዎ ባኣዚ" ዒዚ ዛጌኔ።

11 ዬና ዒ ዛጌ ባኬላ ያዲኬ:- ጫሪንጫ ቡሊ"ንቴም ያይዶ ዛላ" ዓርቂንቴ ዓፒላ ማላ ባኣዚ" ሳዎ ኬዴ"ኔ።

12 ዬኖ ጊዳይዳ ዲማ ዲማ ዳካ"ንታ ዴኤፒ ቦዎንታ ሓህ ካፒያኣ ዓኣኔ።

13 ዓካሪ ዒማ"ና:- «ጴዳርሴ! ዔቂ ሓያ ሹኪ ሹኪ ሙዔ» ጋዓ ዑኡሲ ዒዛም ዎይዚንቴኔ።

14 ጴዳርሴ ጋዓንቴ:- «ጎዳሂዮ፣ ዬይ ማዓዓኬ! ሙዒንቴዎ ቁፃ ማዔ፣ ዒኢቲ ባኣዚ" ሙዒ ታ ቤቂባኣሴ» ጌዔኔ።

15 ላሚ ሓህ:- «ያኦሲ ጌኤሺ ማሄ ባኮ ኔኤኒ ዒኢቲያኬ ጋዓንዲያ ኮይሱዎሴ» ጋዓ ዑኡሲ ዎይዚንቴኔ።

16 ዬና ሓይህ ማይንቲ ዒዛም ጴዳሰካፓ ዓፒሎጉዴ ባኬላ ቤዘማና ሌካ ጫሪንጫ ዔውቴኔ።

17 ጴዳርሴ ዬና ያኦሲ ዒዛ ዳዌ ባኮኮ ቡሊ"ዓ «ዓይጎ ናንዳይ?» ጌዒ ጌዒ ፔ ማሊዎና ማሊ ሜታዳንቴ፣ ቆርኔሌዎሴ ዳኪ ዓሶንህ ሲሞኦኔኮ ማኣሮ ያኦሴ ያኦሴ ዲሮ ካራ" ዒቃዎ፣

18 ዔኤሌ"ንቴ:- «ጴዳርሴ ጌይንታ ሲሞኦኔ ሸኦቹሞና ዓኣህ ሓካዳ?» ጌዒ ያኦሴኔ።

19 ጳጳርሴ የኦሲ ዲዛ ፔጋሲ ዳዌ ባኬሎ ዛሎ" ማሊያይዳ
ዳኪንቴ ዓያና ጌኤሽ ዲዛሞ:- «ሐይሾ፣ ኔና ሐይሦ ዓሲ ኮዓኔ፤

20 ዓያቶ ዳኬሢ ታናታሢር ዓልቱዋየ ኬዲ"ጋጋ ዓያቶና ዋላ"
ዳኪዳ» ሂዚ ጌዓኔ።

21 ጳጳርሴያ ዳኪ ቤዛገ ኬዲ" ዓሶንሢ ባንሢ ሙካዖ:- «ዲንሢ
ኮዓሢ ሐይሾ፣ ታናከ፤ ዲንሢ ዓይጋ ሙከይ?» ጌዲ ያኦጩ።

22 ዓያታ:- «ኦኤኒ ሙከሢ ጃኤቶ ፖኦሊሶኮ ሱኦጋሢ፣
ቆርኔሌዎሴ ኮራጋከ፤ ዲዚያ ዓይሁዶ ዓሳ ቢያ ዲዛ ቦንቻያ ሐሣ
ያኦሲ ካክሽካያ ኮሽ ዓሲከ። ኔና ዲዚ ፔ ማኦሪ ዓኤሊ"ሲ ኔ ጋዓ
ባኮ ዋይዘንዳጉዲ ያኦሲ ከኢታንቻ ዲዛሞ ኬኤዜ።» ጌዓኔ።

23 ዬካገ ጳጳርሴ ዓያቶ ማኦሪ ጌልዚ ሾኦቹንሢ ዋይሣዖ
ጉቴ"ሎ ዓቆ ዩንሢ ሙከዞንሢና ዋላ" ዳኪዳ፤ ዲዩጳይዳ ዳኪ
ኪሪሰቶሴ ጉሙርቃ ዓሶይዳገ ፔቴ" ፔቴ" ዓሲያ ዲዛና ዋላ"
ዳኪዳ።

24 ዚራሎ ዓያታ ቁሳሪያ ሙካንቴ ቆርኔሌዎሴ ፔኤኮ ዲጊኖና
ዑኬ ላጌ ማዔ ዓሶዋ ዓኤሊ" ጳጳርሴ ካጋ።

25 ጳጳርሴ ጌሊ ቆርኔሌዎሴና ካኦማዛ ቆርኔሌዎሴ ዲዛኮ ቶኮ"
ዳማ" ሂርኪ ጌዲ ቦንቻ ዓኤሊ"ሢ ዓኤሊ"።

26 ጳጳርሴ ጋዓንቴ:- «ዓቆ! ታኦ ኔጉዲ ዓሲዋይ!» ጌዲ ዲዛ
ዓቆሴ።

27 ጳጳርሴ ቆርኔሌዎሴና ዋላ" ጌሰቴ ጌሰቴ ጋር ጌላዖ ሚርጌ
ቡኪንቴ ዳኪ ዓሲ ዳንቄ።

28 ዬካገ ዬያ ዓሶሞ:- «ዓይሁዳ ዓሳ ዓይሁዳ ማዒባኦ ዜርዖና
ዋላ" ፔቴ" ማዒ ሐሣ ዋሊኮ ማኦሪ ጌላኒያ ኦ ካኦኮ ዋጋ
ዓይሁዋኦሢ ዲንሢ ዲንሢ ቶኦኪና ዓራኔ፤ ጋዓንቴ ዖና ታኦኒ
ጌኤሽኪባኦ፣ ዲኢቴ ዓሲከ ጎዑዋጉዲ ያኦሲ ታና ፔጋሲ ዳዌ።

29 ዬያር ታኦሞ ዲንሢ ዓሶ ዳኬ ዋድ"ና ፔቴ"ታዖ ዓልቱዋየ ታ
ሙከኔ፤ ዓካሪ ዓይጎር ዲንሢ ታና ዓኤሊ"ቶዋ ታ ዓራኒ ኮዓኔ»
ጌዓኔ።

30 ዲማ"ና ቆርኔሌዎሴ:- «ሐኖ" ያይዳሳ ከሊ" ሃይማ ዋዳ፣
ማሢ ደንቦልሳ ዋዳ ማዓኦና ታኦኒ ታ ማኦሪ ያኦሲ ሽኢቃንቴ
ዳኦፒዳ ዱዱካ ቦኦሪ ዓፒላ ማኦዔ ዓሲ ታ ዓራዋንቴ ታ ቤርታ
ዓቆዖ፣

31 ቆርኔሌዎሴ! ያኦሲ ኔኤኮ ሽኢዲዖ ዋይዜ፤ ሐሣ ማንቆ
ዓሶሞ ኔ ዲንጋ ዲንጊዖዋ ኔኤኮ ዓከኔ፤

32 ዓካሪ ዲዩጳ ዓጮ" ከኢታ ዓሲ ዳኪጋጋ ጳጳርሴ ጌይንታ
ሲሞኦኔ ዓኤሊ"ሴ፤ ሐሢ ዲዚ ባዞ" ዓጮ ዳኪ ጎር" ጉኡዓሢ፣
ሲሞኦኔ ማኦሪ ሾኦቹዋይዳ ዳኦኔ" ታኦሞ ጌዔሢር፣

33 በዘና ኪኢቶ" ዓሰንሢ ታ ኔ ኮራ ዳኬኔ፤ ኔኤረያ ሐሢ ሙኬሢ ቃራኬ፤ ዳካሪ የኦሲ ኔና ኬኤዘንዳጉዲ ዓይሜ ባኮ ቢያ ዋይዘኒ ኑኤኒ ቢያሢ የኦሲ ቤርታ ሓይካ ቡኬኔ» ሂዚ ጌዔኔ።

ጳጳርሴ ጌሰቴ ጌኤዘ

34 ጳጳርሴ ዔያቶም ኬኤዘ፡- «ጎኔና የኦሲ ዓሲ ዓሲዳፓ ዲማሱዋአሢና ፔቴ"ያ ባሽ ማሂ ዛጉዋአሢ ታ ዔሬኔ፤

35 ዓይጎ ዓጪ ዓሲ ማዔቶዋ የኦሲ ዒጊጫያ ሐሢ ጎኑም ባአዘ" ማዳያ ማዔ ዓሢ፥ ዔያ የኦሲ ናሽካኔ።

36 የኦሲ ዒሰራዔኤሌ ዴሮ"ም ቃአሎ" ዳኬሢ ዔርቴያኬ፤ ኮዦ ሓይሳ ዔሱሰ ኪሪሰቶሴ ዛሎ"ና ሙኬሢያ ዔያቶምኬ፤ ጋዓንቴ ዔሱሰ ኪሪሰቶሴ ቢያሢኮ ጎዳኬ።

37 ዮሐኒሴ ዋአፆና ማሰኪያ ኬኤዘ ዋዳ"ፓ ዓርቃ፡ ጌለላ ዓጫ"ፓ ዳንዲ ዪሁዳ ዓጮ" ቢያይዳ ማዔ ባኮ ዒንሢ ዔራኔ።

38 ሐሢ የኦሲ፡ ናዚሬቶ ዔሱሴ ዓያኖ ጌኤዦና ደኔሬሢንታ ዋልቄያ ዒዛም ዒንጌሢ ዒንሢ ዔራኔ፤ የኦሲ ዒዛና ዋላ" ማዔሢረ ዒዚ ኮሺ ባአዘ" ማዲ ማዲ ፑርቶ ዓያኖና ዓርቁንቴ ዓሰዋ ፓሢ ፓሢ ሓንቴኔ።

39 «ዪሁዳ ካታዋ ኮይሎ"ና ዔራሳላሜ ካታሞናይዳ ዒዚ ማዶ ባኮኮ ቢያ ኑኤኒ ማርካኬ፤ ዔያታ ጋዓንቴ ዒዛ ማሢዳ ሱፂ ዋዴኔ።

40 የኦሲ ዒዛ ሃይሣሳ ኬሎ"ና ሓይባ"ፓ ዔቃንዳጉዲና ዓሰማአ ዒ ጴዳንዳጉዲ ማሃኔ።

41 ዒዚ ጴዳሢ ቢያ ዓሲምቴዋንቴ ሓይባ"ፓ ዔቁሢኮ ጊንፃ ዒዛና ዋላ" ሙዒ ዑሽኬ፥ የኦሲ ቤርታዲ ደኔሬ፥ ኑና ዒዛኮ ማርኮንሢምኬ።

42 ሓያ ባኮ ዴሮ"ም ኑ ኬኤዘንዳጉዲ፥ ሸምፖና ዓአ ዓሰና ሓይቄ ዓሰናይዳ ዒ ዋጋንዳያ ማዒያ ሐሢ ዔያ የኦሲ ማሊ ጌሢያ ማዔሢያ ኑ ማርካዳንዳጉዲ ኑና ዓይሢኔ።

43 ዒዛና ጉሙርቃዘንሢም ቢያ ዒዛኮ ሱንፆና ጎማ ዓቶም ጌይንታንዳሢ የኦሲ ማሊያ ኬኤዘ ዓሳ ዒዛ ዛሎ" ማርካዴኔ።» ጌዔኔ።

ዓይሁዴ ማዒባአ ዜርዖኮ ዓያኖ ጌኤዦ ዔኪያ

44 ጳጳርሴ ዔያ ኬኤዘአና ቃአሎ" ዋይዜ ዓሰ ቢያሢዳ ዓያና ጌኤሺ ኬዴ"ኔ።

45 ጳጳርሴና ዋላ" ሙኬ፥ ኪሪሰቶሴ ጉሙርቃ ዓይሁዴ ዓሳ፡ ዓይሁዴ ማዒባአ ዜርዖም ዓያኖ ጌኤዦ ዒንጊያ ላአሊንቴሢ ዛፓፃ ዲቃቴ ሄርሼኔ።

46 ዓይሁዳ ማዕባእ ዜርዖም ዓያኖ ጌኤዠ ዲንገንቴያታሢ
ዔያታ ዔሬሢ። ዓይሁዳ ማዕባእ ዜርዖ ዲማ ዲማ ዳንጋና
ጌሰታንቴ ሓሣ ያኦሲ ጋላቲ ጋላቲ ቦንቻንቴ ዔያታ ዋይዜሢሮኬ።

47 ዩማና ጳዲሮሴ፡- «ሓኦታ ዓሳ ኑጉዲ ዓያና ጌኤሺ ዔኬኔ፤
ዓካሪ ዋኦያና ዔያታ ማሰቱዋጉዲ ያኦኒ ዔያቶ ላኦጋይ?» ጌዔኔ።

48 ዩያሮ ዔያታ ዩሱሰ ኪሪሰቶሴ ሱንጃና ዋኦያ ማሰታንዳጉዲ
ዓይሢኔ፤ ዩካፓ ጳዲሮሴ ዔያቶና ዋላ" ዳካ" ኬሊ" ዴዓንዳጉዲ
ዔያታ ዒዛ ሺኢቄኔ።

11

ጳዲሮሴ ዓይሁዳ ማዕባእ ዓሶ ማኦሪ ዓይጋ ጌሌቶዋ ኬኤዜሢ

1 ዓይሁዳ ማዕባእ ዓሳ ያኦሲ ቃኦሎ" ዋይዚ ዔኬሢሢ ዪሁዳ
ዓጮ"ይዳ ዓኦ ዳኪንቴዘንሚኮንታ ሓንጎ ኪሪሰቶሴ ጉሙርቃ
ዓሶንታ ዋይዜኔ።

2 ጳዲሮሴ ዩሩሳሌም ገንሣ ማዕ ዓኦዴ ዋድ"ና ዓቲንቶ ቤርቶ
ቲቁንቲጃ ፒዘኬ ጋዓ፣ ዓይሁዳታጎ ኪሪሰቶሴ ጉሙርቃ ዓሶ ዛላ"ፓ
ማዔ ዓሳ ዒዛ፡-

3 «ዓይጎር ኔ ዓቲንቶ ቤርቶ ቲቁንቲባኦ ዓሶ ማኦሪ ጌሊ ዔያቶና
ዋላ" ሙዔይ?» ጌዒ ፓሴኔ።

4 ጳዲሮሴ ጋዓንቴ ሂዚ ጌዒ ቢያ ባኮ ፓይዲ ፓይዲ ኬኤዜሢ
ዓርቄኔ።

5 «ታኦኒ ዒዮጳ ካታማ" ሺኢጲሢዳ ዓኦያ ያኦሲ ታኦም ፔጋሲ
ዳዌ ባኦዚ" ዛጌኔ፤ ታ ዛጌሢ" ፑኡፒ ዓፒላ ማላ ባኦዚ" ያይዶ
ዛሎ" ዓርቁንቲ ጫሪንጫፓ ኬዲ" ታ ባንሢ ሙካንቴኬ፤

6 ዩኖ ባኬሎ ኮሺ" ታ ዛጋዛ ዲማ ዲማ ቆልሞ፥ ካይዚ ቦጎ
ዳካ"ንታ ዴኤፒንታ፥ ካፒያ ጌዳ" ዓኦንቴ ታ ዛጌኔ፤

7 ዒማ"ና ጳዲሮሴ! ዔቁ ሹኪ ሹኪ ሙዔ» ጋዓ ዑኡሲ ታ
ዋይዛጎ፥

8 ዩይ ለማዓካኬ ጎዳሢዮ! ሙዒንቱዋ ዒኢቲ ባኦዚ" ታ ሙዒ
ቤቁባኦሴ» ጌዔኔ።

9 ሓሣ ላሚሢና ዩና ዑኡዜላ ረዮኦሲ ጌኤሺ ማሢሢ ኔ ዒኢቲያኬ
ጋዓኒ ኮይሱዋሴ» ጌዒ ጫሪንጫፓ ታኦም ኬኤዜኔ።

10 ዩና ሓይሢ ማይንቲ ያዲ ማዔሰካፓ ዩና ዓፒሎ ማላ ባኬላ
ጉቤ ሌካ ጫሪንጫ ዔውቴኔ።

11 ዒማ"ና ቁሳሪያይዳፓ ታ ባንሢ ዳኮና ሓይሢ ዓሲ ኑ ዓኦ
ማኦር ሙኪ ሄሌ"ኔ።

12 ዓያና ጌኤሺ ታኣኒ ፔቴ"ታዎ ዓልቲሢ ባኣያና ዔያቶና ዎላ" ባኣዳንዳጉዲ ታኣም ኬኤዜኔ፤ ሓንሢ ላሆ" ኪሪሰቶሴ ጉሙርቃ ባሶንሢ ታኣና ዎላ" ባኣኔ፤ ዔያቶንታ ዎላ" ኑ ቆርኔሌዎሴ ማኣሪ ባኣዲ ጌሌኔ።

13 ዒዚያ ያኦሲ ኪኢታንቻ ዒዛም ጴዳም ዒ ዛጌሢና፡- <ዒዮጴ ዓጮ" ዓሲ ዳኪ ጴዳሮሴ ጌይንታ ሲሞኦኔ ዔኤሌ"ሴ፤

14 ዒዚ ኔኤና ኔ ማኣሮ ባሶና ቢያ ዒንሢ ዳቃንዳ ቃኣላ ኔኤም ኬኤዛንዳኔ፤ ጌዔሢ ዒ ኑም ኬኤዜኔ።

15 ዬያሮ ታኣኒ ዔያቶም ኬኤዚያ ዓርቁ ዎድ"ና ዓያኖ ጌኤዣ ቤርታ ኑ ዑፃ ኬዴ"ሢ ሢጉዲ ዔያቶ ዑፃኣ ኬዴ"ኔ።

16 ዬማና <የሓኒሴ ዎኣሢና ማሰኬኔ፤ ዒንሢ ጋዓንቴ ዓያና ጌኤሺና ማሰታንዳኔ፤ ጌዒ ጎዳ ኬኤዜ ቃኣላ" ታኣም ጳቄኔ።

17 ኑኤኒ ጎዳ ዬሱሰ ኪሪሰቶሴ ጉሙርቁ ዎድ"ና ያኦሲ ኑም ዒንጌ ዒንጌፃ ዔያቶማኣ ዒንጌንቴያታቴ ሂዳዎ ያኦሲ ታ ላኣጋኒ ዎልቁ ታኣኮ ባኣ?» ጌዔኔ።

18 ዔያታ ዬያ ዎይዛዎ ጎንጎድ ጎይሢ ባይዚ ዚቲዮ ጌዔኔ፤ ዬካፓ ዔያታ፡- «ዓካሪ፡ ያኦሲ ዓይሁዴ ማዒባኣ ዓሳ ዳቃንዳጉዲ ጎም ዔያቶም ዓቶም ጌዔኔ» ጌዒ ያኦሲ ጋላቴኔ።

ዓንፃኪያይዳ ዓኣ ሺኢዲያ ማኣሮ

19 ዒሰፃፓናሴ ሹጮና ዲይንቲ ሃይቁ ዎድ"ና ዔቁ ዒፃ ዳውሲያ ዛሎ"ና ላኣሊንቲ ዴንዴ ኪሪሰቶሴ ጉሙርቁ ዓሳ ዴንዲ ፒንቁ፡ ቆጲሮሴና ዓንፃኪያ ዓጮ" ሄላ"ንዳኣና ዓኣዳዎ ያኦሲኮ ቃኣሎ" ዓይሁዴ ዓሲዳፓ ዓታዛ ማሌ" ዓሲም ኬኤዚባኣሴ።

20 ማዔቶዎ ቆጲሮሴና ቄሪና ዓጮ"ናይዳፓ ሙኬ ፔቴ" ፔቴ" ኪሪሰቶሴ ጉሙርቁ ዓሳ ዓንፃኪያ ዓኣዳዎ ዓይሁዴ ማዒባኣ ዓሰማኣ * ዓይሱዎዎ ጎዳ ዬሱሴ ዛሎ" ኮዦ ሓይሶ ኬኤዜኔ።

21 ጎዳ ዔያቶ ማኣዴ"ሢሮ ሚርጌ ዓሲ ኪሪሰቶሴ ጉሙርቁ ጎዳ ባንሢ ማዔኔ።

22 ዬሩሳላሚያ ዓኣ ሺኢዲያ ማኣሮ ዓሳ ዬያ ዎይዜሢሮ ባርናባሴ ዓንፃኪያ ዳኬኔ።

23 ዒዚያ ዓኣዲ ያኦሲ ኮሹሞና ዒንጋ ዒንጌፃ ዴሮ"ም ዎምይዲ ዒንጌቶዎ ዛጋዛ ሚርጌ ዒዛ ዎዛሴኔ፤ ቢያሢ ጉቤ ዒናፓ ድዲ ጎዳም ጉሙርቁንታያ ማዒ ናንጋንዳጉዲ ዒ ዘሬኔ።

11:16 ዳኪ ማድ" 1፡5። 11:19 ዳኪ ማድ" 8፡1-4። * 11:20 ዓይሁዴ ማዒባኣ ዓሱ፡- ጋዓዛ ፔቴ" ፔቴ" ማፃኣፓ «ጌሪኬ ዓጮ" ሙኤጮ ጌሰታ ዴሮ"» ጋዓኔ።

24 ዲዚያ ዓያና ጌኤሺ ኩሙህሂ ዎልቄና ዲዛይዳ ማዳያ ሃሣ ሚርጌና ያኦሲ ጉሙርቃ ኮሺ ዓሲኬ። ሚርጌ ዓሲያ ጎዳ ባንህሂ ማዓኔ።

25 ዬካፓ ባርናባሴ ሳውሌ ኮባኒ ጭርሴሴ ጎዎ ዓጮ" ዓኣዲ፥

26 ዲዛ ዳንቃዎ ዓንዎኪያ ዔኪ ዲዛ ሙኬኔ። ፔቴ" ሌዔ ኩሙህሂ ዔያታ ዲኢካ ዓኣ ኪሪሰቶሴ ጉሙርቃ ዓሶና ዎላ" ፔቴ" ማዒ ሚርጌ ዓሲ ዔርዘኔ፤ ኪሪሰቶሴ ጉሙርቃ ዓሳ ፔቴ" ጌዒ ዓንዎኪያይዳ «ዓማኖ" ዓሶ» ጌይንቴኔ።

27 ዲማ"ና ፔቴ" ፔቴ" ያኦሲ ማሊያ ኬኤዛዘንህሂ ዬሩሳላሚይዳፓ ዓንዎኪያ ዳንዳኔ፤

28 ዔያቶይዳፓ ፔቴ"ህሂ ዓጋቦሴ ጎዎህሂ ዔቂ ዓጮ" ቢያይዳ ዴኤፒ ናይዚ ኬሰካንዳህሂ ዓያና ጌኤሺ ማሊሴም ኬኤዛዘ፥ ዬይ ናያሮሜ ዓጮ" ካኣቲ ቄላውዴዎሴ ዎዶ"ና ማዓኔ።

29 ዬያሮ ኪሪሰቶሴ ጉሙርቃ ዓሳ ቢያ ፔቴ" ፔቴ"ህሂ ፔ ዳንዳዔህሂጉዴያ ሚኢሺ ኬሲ" ዪሁዳ ዓጮ"ይዳ ዓኣ ኪሪሰቶሴ ጉሙርቃ ዓሶም ማኣዶ ዳካኒ ማሌኔ።

30 ዬካፓ ሚኢሾ ዔያታ ኬሲ" ባርናባሴና ሳውሌና ዑፃ ዳኬኔ።

12

ዓማኖ" ዓሶኮ ዴኤፖ ዳውሲንቲዎ

1 ዲማ"ና ካኣቲ ሄሮዲሴ ፔቴ" ፔቴ" ኪሪሰቶሴ ጉሙርቃ ዓማኖ" ዓሶ ዳውሲህሂ ዓርቄኔ፤

2 ዮሐኒሴኮ ቶይዲ ያይቆኦቤ ጩንቻ ዓፓሮና ዲዚ ቲቂሲ ዎዲሺኔ።

3 ዬይ ባካ ዓይሁዴ ዓሶ ዎዛሴህሂ ዛጋዎ ጴጂሮሴያ ሓሣ ዓርቄሴኔ። ዬይ ማዓህሂ ዓይሁዶ ዓሶኮ ዑህሂ ዓኣዲያ ጌዒ ላኣዶ ሙዒ ቦንቾ ኬሎ"ናኬ።

4 ጴጂሮሴ ዲዚ ዓርቄሴሰካፓ ቱኡሲ ማኣሪዳ ቱኬ"ኔ፤ ዓይሁዶ ዓሶኮ ዑህሂ ዓኣዲያ ቦንቾ ኬሎ"ኮ ጊንፃፓ ዴሮ" ቤርቶ ሺኢሻንዳያ ሄላ"ንዳኣና ያይዶ ያይዶ ማዒ ፔቴ"ና ዲዛ ያይዶ ዓሲ ካፓንዳጉዲ ካፓ ዓሶ ዓይህኔ።

5 ዬያሮ ጴጂሮሴ ቱኡዘ ማኣሮይዳ ቱኡቲ ካፓ ዓሶና ካፒንቴኔ፤ ሺኢጴያ ማኣሮ ዓሳ ጋዓንቴ ዲዛ ጋይቴ ዶዲ ያኦሲ ሺኢቃኔ።

ያኦሲኮ ኪኢታንቻ ቱኡዘ ማኣራፓ ጴጂሮሴ ኬሴ"ህሂ

6 ሄሮዲሴ ዳር" ቤርቶ ጳጳርሴ ሸኢሻኒ ማሌ ዋንቴሎ ጳጳርሴ ላምዎ ካኒ ቢራታና ቱኡቲ ላምዎ ካፓ ዓሲኮ ባኣካ" ላሂ ዓኣኔ፤ ዓቲ" ማሌ" ካፓዞንሚ ቱኡዞ ማኣርኮ ካሮ" ካፓኔ።

7 ዬማና ያኦሲኮ ኪኢታንቻ ሙኪ ጳዳዛ፣ ቱኡዞ ማኣርይዳ ጳጳርሴ ዓኣ ጋራ ፖሊ ፖዔኔ፤ ዬካፓ ያኦሲኮ ኪኢታንቻሂ ጳጳርሴኮ ቱቁሎ ባሊ ጳቻዎ፡- «ዑኬና ዔቁ!» ጋዓዛ፣ ካኖ ቢራታ ዒዛኮ ኩጫፓ ኬዴ"ኔ።

8 ጊንሣ ያኦሲኮ ኪኢታንቻሂ፡- «ቃልሾ ኔኤኮ ቱኡቲ፤ ዲርዞዎ ኔኤኮ ዓኣሂንቴ» ጌዔኔ። ጳጳርሴያ ዓይሂንቴሂጉዲ ማዳኔ፤ ሓሣ ጊንሣ ያኦሲኮ ኪኢታንቻሂ፡- «ዓፒሎ ኔኤኮ ማይንቴ ታ ጊንዖ ሙኬ» ጌዔኔ።

9 ዬያር ጳጳርሴ ኬሰካዎ ያኦሲኮ ኪኢታንቻሂ ጊንዖ ዓኣዳኣና ዒዛም ዓውቲ ማሌያፓዓቲም ዬይ ማዳንታ ባካ ቢያ ጎኔ ባኣዚ" ማለባኣሴ።

10 ቤርታሳሂና ላምዓሳ ቤዘናይዳ ካፓ ዓሶና ያኦኪ ካታም ዴንዳ ዓንጎና ዎዲንቴ ካሮ" ሄላ"ዛ ዓሲ ካኣሙዋንቴ ካራ" ጉሪ ዔያቶም ቡሊ"ንቴም ዔያታ ኬሰኪ ፔቲ" ለኡጋ ጎይሂ ጊዴና ቲቂ ዓኣዳኣና ዒዚ ዔሩዋንቴ ያኦሲኮ ኪኢታንቻሂ ጳጳርሴይዳፓ ዲማዲ ዓኣዳኔ።

11 ዬካፓ ጳጳርሴኮ ዒና" ማዓዛ፡- «ያኦሲ ፔኤኮ ኪኢታንቻሂ ዳኪ ታና ሄሮዲሴና ዓይሁዴ ዓሳ ካፓ ባኮናይዳፓ ቢያ ዳቂሾያ ማዔሂ፣ ዓካሪ ታ ጎኔ ዔሬኔ» ጌዔኔ።

12 ዬካፓ ዒዚ ሚርጌ ዓሳ ፔቱሞና ቡኪንቴ ሸኢቃ ማይራሞ ጎዖዞ ማኣሪ ዓኣዳኔ፤ ዬና ማይራማ ማርቆሴ ጌይንታ ዮሓኒሴኮ ዒንዶከ።

13 ጳጳርሴ ዒኢካ ሄላ"ዎ ማርሾ ካሮ"ይዳ ዔቁ፡- «ማኣሪ ዓሲዮ!» ጋዓዛ፣ ሮዳ ጌይንታ ዉዲሮ ናይሰኬና ያናታቲያ ዔራኒ ማርሾ ካሮ" ሙኬኔ።

14 ናዔላ ጳጳርሴ ዑኡሲ ማዔሂ ዔራዎ ሚርጌ ዎዛፓ ዔቁያና ማርሾ ካሮ" ቡሉ"ዎዎ ሓሺ" ጳሽኪ ጋሮ ጌሊ፡- «ጳጳርሴ ካራ" ዔቁ ዓኣኔ!» ጌዒ ኬኤዜኔ።

15 ዔያታ ጋዓንቴ፡- «ኔ ዣዣኣሽካኔ!» ጋዓዛ፣ ዒዛ፡- «ጎኔ ዒዛከ» ጌዒ ደዲሺ ኬኤዛዛ፣ ዔያታ ጊንሣ፡- «ሂዴቶ፣ ዒዛኮ ዔኤኸ፣ ናንዳኔ» ጌዔኔ።

16 ጳጳርሴ ዒማ"ና ዔኤሊ"ዎ ሓሾ" ዒዖዛ፣ ዔያታ ካሮ" ቡላ"ዎ ዒዛ ዛጊ ሚርጌ ዲቃቲ ሄርሼኔ።

17 ዲዚ ጋዓንቴ ዔያታ ዚቲዮ ጋዓንዳጉዲ ኩቻ ዳዋዎ፣ ያኦሲ ዲዛ ቱኡዞ ማኣራጋ ዎይቲ ኬሴ"ቶዎ ዔያቶሞ ኬኤዜኔ። ዩካገ፡- «ሓያ ባኮ ያይቆኑቤና ሃንጎ ኪሪሰቶሴ ጉሙርቃዘንሚሚኮ ኬኤዞዎቲ» ጌዒ ዔያቶይዳገ ዲማዲ ማሌ" ቤሲ ዴንዴ።

18 ዚሮ ጉቲ"ሎ፡- «ጳዳርሴ ዎካ ባይቄይ?» ጌዒ ካገ ዓሳ ሴካ ሓንጋ ጳሽኬኔ።

19 ሄሮዲሴ ዲዛ ኮዒሲ ባሽንታዎ ዩሮ ኬሎ"ና ካገ ዓሳ ያኦጩሚኮ ገንፃ ዔያቶ ዎዳንዳጉዲ ዓይሄኔ፤ ዩካገ ሄሮዲሴ ዪሁዳይዳገ ቂሳሪያ ዴንዲ ዴዔኔ።

ካኣቲ ሄሮዲሴኮ ሓይቦ"

20 ሄሮዲሴ ፃሮሴና ሲዶና ዓጮ" ዓሶናይዳ ኮሺ" ዳጋዴ፤ ዩያሮ ዔያታ ፔቱሞና ሙካዎ ካኣቲኮ ላጌ ማዔ፣ ቢላስፆሴ ጌይንታሚ ዔያቶሞ ካኣቲ ቃይሻንዳጉዲ ሺኦቂ ዔኤዒሲሚኮ ገንፃ ካኣቲና ቡካኒ ዔያታ ያኦጩኔ፤ ዩያ ዔያታ ማዴሚ ዔያቶኮ ዓጮ" ዓሳ ሙዎንዶ ባኣዚ" ዴንቃሚ ዩያ ካኣቲ ዓጮ"ገ ማዔሚሮኬ።

21 ካኣቲ ጌኤዞ ዎይዚ ጌሄ ኬሎ"ና ካኣቲሞ ዓፒሎ ፔኤኮ ማኣዒ፣ ካኣቲሞ ያይቶይዳ ዴዒ ዴሮ"ሞ ኬኤዜኔ።

22 ዴራ"ኣ፡- «ሓይ ያኦሲ ዑኡሲ ማዓንዳገዓቲሞ ዓሲ ዑኡሲቱዎሴ» ጌዒ ጌዒ ዒላቲኔ።

23 ዓማ"ና ሄሮዲሴ ያኦሲሞ ቦንቾ ዒንገባኣሚሮ ቤዞማና ያኦሲ ኪኢታንቻ ፑርታ ዶርዎ ዒዛይዳ ዓጋዛ ዒዚ ዛልቂ ሓይቄ።

24 ያኦሲኮ ቃኣላ" ጋዓንቴ ቢያ ዎዴ ሚርጌና ዳልገ ዳልገ ዴንዴ።

25 ባርናባሴና ሳውሌና ፔኤኮ ማድ" ኩንሚ ዩሩሳሌማይዳገ ዓንፃኪያ ማዓዎ፣ ማርቆሴ ጌይንታ ዮሓኒሴያ ዔያቶና ዎላ" ዔኪ ሙኬኔ።

13

ዓያና ጌኤሺ ባርናባሴና ሳውሌና ዶኦሪ ማድ"ሞ ዳኪሚ

1 ዓንፃኪያይዳ ዓኣ ኪሪሰቶሴ ጉሙርቃ ዓሶ ባኣካ" ያኦሲ ማላሚ ኬኤዛያና ኪሪሰቶሴ ጉሙርቃ ዓሶ ዔርዛ ዓሲያ ዓኣኔ፤ ዩያታ «ባርናባሴ፣ ካርፃሚ ጌይንታ ሲሞኦኔ፣ ቄሪና ዓጮ" ዓሚ ሉኪዮሴ፣ ዓጮ"ኮ ያይዳሳ ቤዞ ዎይሚ ሄሮዲሴንታ * ዎሊ ኮሺ" ናሽካ ሚናሄና ሳውሌናኬ።»

* 13:1 ዓጮ"ኮ ያይዳሳ ቤዞ ዎይሚ ሄሮዲሴንታ፡- ዩያ ካኣቲኮ ሱንፃ «ዓንጉዳሴ» ጌይንታያ ጌሊላ ዓጮ" ዎይሚኬ።

2 ዩንሣ ሙኡዚ" ሓሺ" ሺኢጲሣ ሺኢቃንቴ ሓሣ ያኦሲ ካኣሽካንቴ ዓያና ጌኤሺ:- «ታኣኒ ዶኦሪ ማድ"ሞ ባርናባሴና ሳውሌና ታኣም ዲማሲ ከሱ"ዋቴ» ጌዔኔ።

3 ዔያታ ላሚ ሓሣ ሙዖ ሓሺ" ሺኢቆ ሺኢጲዖ ሺኢቁ፥ ኩጮ ዔያቶ ዑፃ ጌሣሰካፓ ዔያቶ ዳኬኔ።

ባርናባሴና ሳውሌና ቆጲሮሴ ዓጮ"ይዳ

4 ባርናባሴና ሳውሌና ዓያና ጌኤሺ ዔያቶ ዳኬም ሴሌውቁያ ጌይንታ ዓጮ" ዓኣዲ፥ ዩካፓ ዋኣዖ ካኣሚሎና ዋኣዖ ሳዛ" ዓኣ ቆጲሮሴ ዓኣዴኔ።

5 ሲልማና ዔያታ ሄላ"ዖ ዓይሁዶ ዓሶኮ ቡኩንቶ ቤዛ ያኦሲ ቃኣላ ከኤዜኔ፤ ዮሓኒሴ ጌይንታ ማርቆሴያ ዔያቶና ዎላ" ማዔ ዔያቶ ማኣዳ"ኔ።

6 ቆጲሮሴኮ ጳፑ ጋዓ ቤዛ ዴንዲ ዔያታ ሄላ"ዖ፥ ባሪዬሱሴ ጌይንታ ፔቴ" ዓይሁዳ ዓሲ ዠይሰኬያ ዴንቁኔ፤ ዒዚያ ሉኡዙዎና ያኦሲ ማላሣ ከኤዛኔ ጋዓ ዓሲከ።

7 ዒዚ ሴርጊዮሰ ጳውሎሴ ጌይንታ ኮሺ" ጫዎ ማዔ ዓጪ ዎይሣሰኬያኮ ላጌከ፤ ዩይ ዎይሣ ዓሣ ባርናባሴና ሳውሌና ዔኤሊ"ሲ ያኦሲ ቃኣላ ዎይዛኒ ኮዔኔ።

8 ጋዓንቴ ጌሪከ ሙኡጮና «ዔሊማሴ» ጌይንታ ዠዋኣሣ፥ ባሪዬሱሴ ዩይ ዓጮ" ዎይሣሣ ኪሪሰቶሴ ጉሙርቁዎጉዲ ላኣጊ ባርናባሴና ሳውሌና ከኤዛ ባኮ ዒፂ ማኬኔ።

9 ሳውሌ ጌይንታ ጳውሎሴ ጋዓንቴ ዓያና ጌኤሺ ኩሙሣ ዎልቁና ዒዛይዳ ሙኡም ዩያ ዓሣ ኮሺ" ዛጋዖ:-

10 «ሓይ ኔ ፃላሃና ዓሣ፥ ጎኑሞ ቢያኮ ሞርከ ማዔሣ፥ ጌሺሣና ፑርቱሞና ኔ ጊዳ" ኩሜሣ ሓይ! ፒዜ ያኦሲ ጎይዖ ዎቢሶ ኔ ሓሻ"ዓዳ?

11 ሓሣ ሓይሾ ኔና ያኦሲ ኩቺ ጳርቃንዳኔ፤ ዓኣፒ ባይቁያ ኔ ማዓንዳኔ፤ ያኦሲ ጌዔ ዎዳ" ሄላ"ንዳኣና ዓቦ"ኮ ፖዖ ኔ ዛጋዓከ» ጋዓዛ፥ ቤዘማና ዓኣፓ ዒዛኮ ሻኣራቲ ዲሚ ባይቁም፥ ኩጮ ዒዛኮ ዓርቁ ዔኪ ዒዛ ዓኣዳንዳ ዓሲ ኮይላ" ዒዛኮ ዒ ኮይሣ ዓርቁኔ።

12 ዓጮ" ዎይሣሣ ማዔ ባኮ ሲያ ዛጋዖ ኪሪሰቶሴ ጉሙርቁኔ፤ ጎዳ ዛሎ" ዎይዜ ባኮርዎ ቢያ ዲቃቲ ሄርሼኔ።

ባርናባሴና ጳውሎሴና ጲሲዲያ ዓጮ"ይዳ

13 ዩካፓ ጳውሎሴና ዒዛኮ ላጎንሣና ዎኣዖ ካኣሚሎና ጳፑይዳፓ ጲንፒሊያ ዓጫ" ዓኣ ጴርጌ ዓኣዴኔ፤ ዮሓኒሴ ጌይንታ

ማርቆስ ጋዓንቴ ዔያቶይዳፓ ዲማዲ ጊንሣ ዩሩሳላሜ ማዒ ዓኣዳኔ።

14 ዔያታ ጋዓንቴ ጰርጌይዳፓ ዔቂ ጲሲዲያ ዓጮ"ይዳ ዓኣ ዓንጾኪያ ዓኣዳኔ፤ ዓይሁዶኮ ሓውሾ ኬሎ"ና ዔያቶኮ ቡኪንቶ ቤዘ ጌሊ ዳዔኔ።

15 ዒማ"ና ዎጎ ማፃኣፖና ያኦሲ ማሊያ ኬኤዛ ዓሶናኮ ማፃኣፓፓ ናባቢንቴሢኮ ጊንፃ ዓይሁዶ ዓሶኮ ቡኪንቶ ቤዘ ሱኡጋ፡- «ዒሾንሢኮ፡፡ ዳሮ" ደዲሻ ቃኣላ ዒንሢኮ ዓኣቶ ዳሮ"ም ኬኤዘዎቴ» ጌዒ ዓሲ ዔያቶም ዳኬኔ።

16 ዩያሮ ጳውሎስ ዔቃዖ ዳሮ" ባንሢ ኩቸና ዳዊ ዳዊ ሂዚ ጌዔኔ፡- «ዒሰራዔኤሌ ዓሶንታ ሓሣ ዒንሢ ያኦሲ ዒጊጮ፣ ዓይሁዶ ማዒባኣ ዳራ"፤ ዎይዘዎቴ፤

17 ሓያ ዒሰራዔኤሌ ዳሮ"ኮ ያኦዛሢ ኦኡኮ ቤርታዳ ዓደንሢ ደኦር፣ ጊብፄ ዓጮ"ይዳ ዔያታ ዓኣ ዎደ"ና ዳልጊ ዳሬ ዔያቶ ማሂ ዒዘኮ ዳኤፖ ዎልቆና ዩኖ ዓጮ"ፓ ዔያቶ ኬሴ"ኔ።

18 ያይዲታሚ" ለዔ ማዓንዳያ ዓሲ ናንጉዎ ዳውሎ"ይዳ ጊቢ" ዳንዳዒሢና ተ ዔያቶ ዒ ማኣዳ"ኔ፤

19 ዩካፓ ካኣና ዓጮ"ይዳ ላንካይ ካኣቶ" ባይዚ፣ ዩያቶኮ ዓጮ" ዔያቶ ዳካልሴኔ፤

20 ዩካፓ ሓሣ ያይዳ ያኤታና ደንጊታሚ" ለዔ ማዓንዳያ ያኦሲ ማሊያ ኬኤዛ ሳሙዔኤሌ ዎደ" ሄላ"ንዳኣና ሱኡጌ ዔያቶ ዎይሣንዳጉዲ ማሂኔ።

21 «ዩካፓ ሄሊ"ሲ ካኣቲ ዔያቶም ካኣታሳንዳጉዲ ያኦሲ ዔያታ ሸኢቃዘ፣ ያኦሲ ዔያቶም ቢኢኒያሜ ፃጸፓ ማዔ ቂሴ ናኣዚ" ሳኣያኦሌ ያይዲታሚ" ለዔ ካኣታሴኔ።

22 ያኦሲ ሳኣያኦሌ ካኣቱማፓ ኬይሴሰካፓ ዳውቴ ዔያቶም ካኣታሴኔ፤ ያኦሲ ዳውቴ ዘሎ" ማርካዳዖ ሩናፓ ታ ዒዛ ናሽካያ፣ ታኣኮ ማሊያ ኩንሣ፣ ዒሴዩ ናኣዚ" ዳውቴ ታ ዳንቄኔ» ጌዔኔ።

23 ዩያ ዓሢ ዜርያይዳፓ ያኦሲ ዒንጌ ሃጊ ማዓንዳ ዎዘጉዳያ ዒሰራዔኤሌ ዓሶ ዳቂሻ፣ ዩሱሴ ዔኪ ሙኬኔ።

24 ዩሱሴ ማድ" ዓርቃንዳሢኮ ቤርታ ዒሰራዔኤሌ ዓሳ ጎዎ ፔኤኮ ቡኡፂ ዎኣሢና ማሰታንዳጉዲ ዮሓኒሴ ኬኤዘኔ።

13:17 ኬሲ. ማፃ 1፣7፤ 12፣51። † 13:18 ጊቢ" ዳንዳዒሢና- ጋዓዘ ፔቴ" ፔቴ" ማፃኣፓ «ሚጨንጉ ደዲ ካፒሢና» ጋዓኔ። 13:18 ፓይ. ማፃ 14፣34፤ ላሚ. ዎማ 1፣31። 13:20 ሱኡጎ. ማ 2፣16፤ 1ሳሙ. 3፣20። 13:21 1ሳሙ. 8፣5፤ 10፣21። 13:22 1ሳሙ. 13፣14፤ 16፣12፤ ዓይኑ. 89፣20። 13:24 ማር. 1፣4፤ ለቃ. 3፣3።

25 የሐኒሴ ፔ ማድ" ኩርሳኒ ዑኪ ዓኣዮ፡- ታና ዒንሂ ለናኬ ጋዓይ? ታኣኒ ማሲሔቱዋሴ፤ ጋዓንቴ ዒዛኮ ዲርዘ ቱኮ" ሱዘ ቡላ"ኒ ታኣም ኮይሱዋያ፡ ታኣኮ ገንጾ ማሌ" ሙካንዳኔ ጌዔኔ።

26 «ዒንሂ ዓብራሃሜ ዜርፃፓ ሾይንቴ ዒሾንሂንታ የኦሲ ዒገጫዘንሂ ሲያ! ሐይ ዳቁንቶ ቃኣላ" ዳኪንቴሂ ኑምኩ።

27 ጋዓንቴ ዬሩሳላሜይዳ ናንጋ ዓሶና ዔያቶኮ ሱኡጎና ዬሱሴ ዓሲ ዳቁሻያ ማዔሂ ዔሪባኣሴ፤ ሃሃ ዓይሁዶ ዓሶኮ ሃውሾ ኬሎ"ና ሲያ ናባቢንታ፡ የኦሲ ማሊያ ኬኤዛ ዓሶኮ ማፃኣፖ ቃኣላ"ኣ ዔያቶም ገለባኣሴ፤ ያዲ ማዔቲያ የኦሲ ማሊያ ኬኤዛ ዓሳ ጌዔ ጎይያ ዒዛ ዑፃ ፑርታ ዋጌ ዔያታ ዋጌኔ።

28 ሐይቢም ዒዛ ሄሊ"ሳ ዳቢንቴ ዔያታ ዒዛይዳ ዳንቁባኣዮ ዔያቶም ዒዛ ዋዳንዳጉዲ ጰላያሴ ዔያታ ሸኢቄኔ።

29 ዒዛ ዛሎ" ፃኣፒንቴ ባኮ ሲያ ዔያታ ኩንሂሂኒ ገንፃ ፑርቲሴ ዓሶ ሱያ ሚፃፓ ኬይሲ ዒዛ ዔያታ ዱኡኬኔ፤

30 ጋዓንቴ የኦሲ ዒዛ ሐይባ"ፓ ዔቁሴኔ።

31 ገለላይዳፓ ዬሩሳላሜ ዒዛና ዋላ" ሙኬዘንሂማኣ ሚርጌ ኬሊ" ዒዚ ያዳኔ፤ ዬያታ ሐሂ ዳሮ"ኮ ቤርቶይዳ ዒዛኮ ማርኮንሂኬ።

32 ኑኤኒ ሐሂ ዒንሂም ዔኪ ሙኬሂ የኦሲ ኑ ዓድንሂም ሃገ ማዓንዳ ዋዛ ማሂ ዒንጌ ኮዦ ሐይሶኬ።

33 ዋይቲ ጌዔቶ የኦሲ ዬሱሴ ሐይባ"ፓ ዔቁሴያና ዬያ ዋዘ" ኑና ዔያቶኮ ናኣቶ"ም ኩንሂኔ። ዬይያ፡- ዓይኑም ማፃኣፖ ዓይሂ ላምጾይዳ፡

ኔ ታኣኮ ናዓሂኬ፤ ታ ኔኤኮ ሃኖ" ዓዶ ማዔኔ፤ ጌይንቴ ፃኣፒንቴሂ ጉይያኬ።

34 ዒዚ ዋዑዋጉዲ የኦሲ ዒዛ ሐይባ"ፓ ዔቁሴሂ ዔርዘኒ፡- «ዳውቱም ዒንገንቴ ሃገ ማዓንዳ ዋዛሂ፡ የኦሲም ዲማዴያ ሃሃ ጉሙርቁንታያ ማዔሂ ታ ዒንሂም ዒንገንዳኔ ጌዒ ኬኤዜኔ።

35 «ሐሂ ማሌ" ቤሰካ ዓይኑም ማፃኣፖይዳ፡-

ኔኤም ጉሙርቁንቴ ማዳሂ ዱኡፓ ኔ ዋሲሲንዱዋሴ ጋዓኔ።

13:25 ማቲ. 3፡11፤ ማር. 1፡7፤ ሉቃ. 3፡16፤ ዮሐ. 1፡20። 13:28 ማቲ. 27፡22-23፤ ማር. 15፡13-14፤ ሉቃ. 23፡21-23፤ ዮሐ. 19፡15። 13:29 ማቲ. 27፡57-61፤ ማር. 15፡42-47፤ ሉቃ. 23፡50-56፤ ዮሐ. 19፡38-42። 13:31 ዳኪ. ማድ" 1፡3። 13:33 ዓይኑ. 2፡7። 13:34 ዒሲ. 55፡3። 13:35 ዓይኑ. 16፡10።

36 «ጋዓንቴ ዳውቴ ፔኤኮ ናንጎ ዎድ"ይዳ ማድ" የኦሲ ማሊያጉዲ ኩንሢሰካፓ ሓይቂ፥ ፔኤኮ ዓድንሢና ዎላ" ዲኡቴ ዎዔ።

37 የኦሲ ሓይባ"ፓ ዔቂሴሢ ጋዓንቴ ዎዒባኣሴ።

38 ዓካሪ ዒሾንሢሦቴ! ዒንሢሞ ኬኤዚንቴሢ፥ ጎሞ ቢያ ዒንሢኮ ዓቶም ጋዓኒ ዳንዳዒሢ ዩሱሴኬ፤ ሙሴኮ ዓሶ ዎይሦ ዎጋ ጎሜ ዓይሉሞፓ ቢያ ዒንሢ ኬሳ"ኒ ዳንዳዒሴ ጋዓያኬ።

39 ዩሱሴ ጉሙርቃ ዓሲ ቢያ ጎሜ ዓይሉሞፓ ኬሰካ።

40 ዩያሮ የኦሲ ማሊያ ኬኤዛ ዓሶ ዛሎ"ና ሂዚ ጌይንቴሢ ዒንሢዳ ሄሉ"ዎጉዲ ዒንሢና ዔሩዎቴ፤

41 ኢዒንሢ ሓይ ቦሃ ዓሳ!

ዛጉዎቴ፥ ዲቃቴ ሄርሹዎቴ፥ ባይቁዎቴ!

ዓይጎሮ ጌዔቶ የኦሲያ ዒንሢሞ ኬኤዜቶ ዒንሢ

ጉሙርቃኑዎ፥

ማድ ዒንሢ ዎድ"ና ታ ማዳንዳ።» »

42 ዩካፓ ጳውሎሴና ባርናባሴና ዓይሁዴ ዓሶኮ ቡኪንቶ ቤዛፓ ኬሰካኣና ዩኖ ዔያታ ኬኤዜዜሎ ሙካ ዔያቶኮ ሓውሾ ኬሎ"ና ለሚ ዔያቶም ኬኤዛንዳጉዲ ዓሳ ጳውሎሴንሢ ሺኢቄ።

43 ዓይሁዴ ዓሶኮ ቡኪንታ ላኣለንታዛ ሚርጌ ዓይሁዴ ዓሲና ሜሌ" ዓሲታዎ ዓይሁዴ ካኣዣ ጌሌ ዓሳ ጳውሎሴና ባርናባሴና ጊንዎ ዓኣዳ፤ ጳውሎሴንሢ ዓሶ የኦሲ ባኮ ዔርዚ ሓሣ የኦሲኮ ኮሹሞ ዒንጊያና ደዲ ዓሳ ናንጋንዳጉዲ ላቴ" ኬኤዜ።

44 ለምዓሳ ዓይሁዴ ዓሶኮ ሓውሾ ኬሎ"ና ካታማ" ናንጋ ዓሶይዳፓ ዳካ" ዓሲ ዓታዛ፥ ሓንጎ ዓሳ ቢያ የኦሲ ቃኣሎ" ዎይዚ ሙኪ ቡኬ።

45 ዓይሁዴ ዓሳ ዴሮ"ኮ ሚርጉሞ ዛፓዎ ዒናፓ ቁኣሪ፥ ጳውሎሴኮ ሓይሶዎ ማኪ ዒዛ ጫሽኬ።

46 ጳውሎሴና ባርናባሴና ጋዓንቴ፦ «ቤርታዲ የኦሲ ቃኣላ" ዒንሢሞ ኬኤዚንታኒ ኮይሳ፤ ዒንሢ ዔይዔ ጌዒ፥ ናንጊና ናንጊ ኑም ኮይሱሞሴ ጌዔቶ ዓካሪ ኑኡኒ ሓሺ" ዓይሁዴ ማዒባኣ ዓሶ ባንሢ ዓኣዳንዳ።

47 ዓይጎሮ ጌዔቶ፦

«ዓጫ" ጉቤ ኔ ዛሎ"ና ዳቃንዳጉዲ ሜሌ" ዴሮ"ሞ

ፖዒ ታኔና ማሄኔ» ጌዒ ጎዳ ዓይሢሢሮኬ» ጌዒ ጫርቂ

ዔያቶም ኬኤዜ።

48 ዓይሁዴ ማዕባኣ ዓሳ ዬያ ዋይዛያ ዋዛዳኔ፤ ያኦሲ ቃኣሎ"ዋ ዔያታ ቦንቹኔ፤ ናንጊና ናንጎሞ ዶኦሪንቴዘንሚኮ ቢያ ዒማ"ና ኪሪሰቶሴ ጉሙርቄኔ።

49 ጎዳኮዋ ቃኣላ" ዬኖ ዓጮ" ቢያ ሄሌ"ኔ።

50 ዓይሁዶኮ ሱኡጋ ጋዓንቴ ዓይሁዶ ካኣኮ ካኣሽካ ያርጎጮ ላኣሎና ካታሞኮ ፑኡፖ ፑኡፖ ዓሶ ፔ ባንሢ ማሂ ጳውሎሴና ባርናባሴና ዒዲንቴ ዳውሲንታንዳጉዲ ማዲ ዓጮ"ፓ ዔያቶ ኬሴ"ኔ።

51 ዒማ"ና ጳውሎሴና ባርናባሴና «ዒንሢና ባዴዔ» ጋዓ ማርካ ዔያቶም ማዓንዳጉዲ ቶኮ ሲላሎ ፒዲ" ዒቆኒዮ ዓጮ" ዓኣዳኔ።

52 ኪሪሰቶሴ ጉሙርቄ ዓሳ ኮሺ" ዋዛዲ ሐሣ ዓያና ጌኤሺያ ኩሙሢ ዋልቄና ዔያቶይዳ ማዲያ ማዔኔ።

14

ጳውሎሴና ባርናባሴና ዒቆኒዮይዳ

1 ዓንጎኪያይዳ ዔያታ ማዴ ጎይያ ሃሣ ዒቆኒዮ ዓጮ"ይዳ ጳውሎሴና ባርናባሴና ዓይሁዶ ዓሶኮ ቡኪንቶ ቤዘ ጌሊ፥ ዒኢካ ዴኤፒ ዋልቄና ዔያታ ያኦሲ ባኮ ኬኤዜሢር ሚርጌ ዓይሁዴ ዓሲና ጌሪኬ ዓሲና ኪሪሰቶሴ ጉሙርቄኔ።

2 ኪሪሰቶሴ ጉሙርቄያ ዒዳ ዓይሁዶ ዓሳ ዓይሁዴ ማዕባኣ ዓሶ ዴሚ"ና ዘሪ ኪሪሰቶሴ ጉሙርቄ ዓሶ ዒዳንዳጉዲ ማሄኔ።

3 ጳውሎሴና ባርናባሴና ጋዓንቴ ጎዳ ዛሎ" ጮርቄ ኬኤዚ ኬኤዚ ዒኢካ ሚርጌ ዋዴ ዴዔኔ፤ ጎዳኣ ዔያቶም ዲቃሣ ባኣዚ"ና ያኦሲ ዋልቄና ማዲንታ ዓኪ ባኣዚ" ማዲንዳ ቢታንቶ ዒንጊ ዒዛኮ ኮሹሞና ዒንጊንቴ ቃኣላ" ጎኔ ማዔሢ ፔጋሴኔ።

4 ካታሞይዳ ናንጋ ዓሳ ጋዓንቴ ላምያ ቤሲ ፓቂንቴ ዛላ" ዓይሁዶ ዓሶና፥ ዛላ" ሐሣ ዳኪንቴዘንሚኮ ዋላ" ማዔኔ።

5 ዓይሁዴ ማዕባኣ ዓሶና ዓይሁዴ ዓሶና ሐሣ ዔያቶኮ ሱኡጎና ዋላ" ማዒ ጳውሎሴና ባርናባሴና ዔያታ ሜታሳኒ፥ ጊንሣ ሹቻ ዲዒያ ዋዲኒ ኮዔኔ።

6 ጳውሎሴና ባርናባሴና ዬያ ዔራያ ሊቃዖኒያይዳ ሊሰዲራና ዴርቤና ጌይንታ ካታሞ ሐሣ ኮይሎይዳ ዓኣ ዓጮ" ባንሢ ፑኒንቴ ዴንዴኔ።

7 ዒኢካ ኮዦ ሐይሶዋ ኬኤዜኔ።

ጳውሎሴና ባርናባሴና ሊሰዲራና ዴርቤናይዳ

8 ሊሰፀራይዳ ቶኪ ሲሌ፥ ፔቴ" ዋቦ ዓሲሰኬያ ዓኣኔ፤ ዩይ ዓሢ ሾይንቴማፓ ዓርቃዎ ዋቦ ማዕሢሮ ቶኪና ሃንቴ ቤቁባኣሴ፤

9 ዩይ ዓሢ ጳውሎሴ ከኤዛእና ደዒ ዋይዛንቴ፥ ጳውሎሴ ዓሢ ኮሺ" ዛጋዎ ዓሢኮ ፔና ዳቁሻንዳ ጉሙርቁሢ ዓኣያ ማዕሢሢ ዳንቁ፥

10 ፔ ዑኡዘ ዳ"ጊዲ፡- «ሌካ ኔኤሮ ዔቁ!» ጌዔሰካፓ ዓሢ ላዓ ጌዒ ዔቁ ሃንቴሢ ዓርቁኔ፡፡

11 ዓሳ ዩያ ጳውሎሴ ማዳ ባኮ ዛጋዎ ፔኤኮ ዑኡዘ ዳ"ጊዲ ሊቃዖኒያ ዓጮ" ሙኡጮና፡- «ካኣሽኮ ያኦዛ ዓሲ ማሎና ኑ ባንሢ ከዴ"ኔ!» ጋዓዖ፡

12 ዔያታ ባርናባሴኮ ሱ"ንያ «ዲያ» ጌዔኔ፤ ጳውሎሴ ዔያቶም ባሽ ከኤዛሢታሢሮ ዒዛ ዔያታ «ሄርማኔ» ጌዔኔ፡፡

13 ዩማና ካታሞኮ ዙላ" ዓኣ ዲያ ጌይንታ፥ ዓይሁደ ዓሶኮ ጌኤዦ ማኣሮ ቁኤሳሢ ዚያ ጌማይና ቡኒና ካታሞኮ ጌሎ ካሮ" ባንሢ ዔኪ ሙኪ ዴሮ"ና ዎላ" ማዒ ጳውሎሴና ባርናባሴናም ዒንጎ ባኣዚ ማሂ ሺኢሻኒ ኮዔኔ፡፡

14 ጳውሎሴና ባርናባሴና ጋዓንቴ ዩያ ዋይዛዎ ያዩ ዓፒሎ ፔኤኮ ዳርዚ፥ ዒላቲ ዒላቲ ዴሮ" ባንሢ ጳሽኪ ሙኪ ሂዚ ጌዔኔ፡-

15 «ዒንሢ ሃይ ዓሳ፥ ዓይጎሮ ሓያይዳይ? ኑኢኒያ ዒንሢጉዲ ዓሲከ፤ ኑኡኒ ሓይካ ሙከሢሢ ዒንሢ ሓያ ጉሪ ማዕ ዓኣኦ ካኣኦ ሓሺ"፥ ሳዖንታ ዳኤፖ ዎኣያ ባዞ"ንታ ዩያቶኮ ጊዳ" ዓኣ ባኮ ቢያ ማጌናንገናናንጋ ያኦዛሢ ባንሢ ማዓንዳጉዲ ኮዦ ሓይሶ ኑ ዒንሢም ከኤዛኒከ፤

16 ሓያኮ ቤርታ ሚናኣ ዎዶ"ና ዴራ" ፔ ሺኔ ጌዔ ጎይሢ ዓኣዳንዳጉዲ ያኦሲ ዔያቶ ሓሺ"ኔ፤

17 ያዲ ማዕቶዎ ያኦሲ ኮሺ ማዳ ሃሹ"ዎፖ ማዲያና ዒዚ ዓኣያ ማዕያ ማርካሴኔ፡፡ ዩያ ዒ ማርካሴሢ፡- ጫሪንጫፓ ዒርዚ ዒንሢም ዋርቁሲያና ሃኣካ ዒንሢም ካፃንዳጉዲ ቃራ ዎዴ ዒንጊያና፤ ሃሃ ዒንሢ ሙኡዚ" ዳንቁ ሚርጌና ዎዛዳንዳጉዲያ ማሂያናከ፡፡»

18 ዳኪንቴዘንሢኮ ያዲ ጌዒ ከኤዜያ ማዕቶዎ ዴራ" ዔያቶም ዒንጋ ዒንጊያ ሺኢሹዎጉዲ ዔያታ ሓሺ"ሴሢ ሚርጌ ሜቶናከ፡፡

19 ዓይሁደ ዓሳ ጋዓንቴ ዓንያኪያና ዒቆኒዮ ዓጮ"ናይዳፓ ዒኢካ ሙኪ ዴሮ" ፑርታ ማሊሲሢሢ ዔያቶ ባንሢ ማሄሰካፓ፥ ጳውሎሴ ዔያታ ሹቻ ዲዒ «ዎዳኔ» ጌዒ ጎቹ ካታማ"ፓ ከሴ"ኔ፡፡

20 ጋዓንቴ ኪሪሰቶሴ ጉሙርቃ ዓሳ ሙኪ ዒዛኮ ዓጫ ዔቃዛ ጳውሎሴ ዔቂ ካታሞ ጊንሣ ማዒ ጌሌኔ፤ ዬካፓ ዚር ጉቴ"ሎ ባርናባሴና ዎላ" ዴርቤ ዒዚ ዓኣደኔ።

ጳውሎሴና ባርናባሴና ሶኦሪያይዳ ዓኣ ዓንጾኪያ ማዒያ

21 ጳውሎሴና ባርናባሴና ዴርቤይዳ ኮዦ ሓይሶ ኬኤዚ ሚርጌ ዓሲ ኪሪሰቶሴ ጉሙርቃንዳጉዲ ማሄኔ። ዬካፓ ሊሰፂራና ዒቆኒዮ ጊዴና ጌዒ ዓንጾኪያ ዓጮ" ዴንዴኔ።

22 ዬያቶ ዓጮ" ቢያሢዳ ኪሪሰቶሴ ጉሙርቃ ዓሳ ጉሙርቁያና ዶዳንዳጉዲ ዶዲሺ ዶዲሺ ሓሣ ዘሪ ዘሪ፡- «ያኦሲ ካኣቱሞይዳ ጌላኒ ኑና ሚርጌ ማቶ ዔካንዳያ ኮይሳኔ» ጌዒ ጌዒ ዔርዘኔ።

23 ሓሣ ሺኢጲያ ማኣሮኮ ጨሚያ ዔያታ ዶኦሪ፥ ሙኡዚ" ሓሺ" ሺኢቆ ሺኢጲያ ማኣሮኮ ጌዒ ዔያታ ጉሙርቁ ኅዳሢሞ ሃዳርሲ ዔያቶ ዒንጌኔ።

24 ዬካፓ ጲሲዲያ ዓጮ" ጊዴና ጌዒ ጲንፒሊያ ዓጮ" ዴንዴኔ፤

25 ጴርጌይዳ ቃኣሎ" ኬኤዘሰካፓ ዓፃሊያ ዓጮ" ኬዴ"ኔ፤

26 ዬካፓ ዔያታ ዎኣያ ካኣሚሎ" ቶጊ ሶኦሪያይዳ ዓኣ ዓንጾኪያ ጊንሣ ማዔኔ፤ ሶኦሪያ ጌይንታ ቤዜላ ዔያታ ማደ ማዶ"ኮ ቤርታዲ ዓይሢያ ሓዳራ ዔያቶም ዒንጊንቴ ካታሚሎኔ።

27 ዒኢካ ዔያታ ሃላ"ያ ኪሪሰቶሴ ጉሙርቃ ዓሳ ፔቴ"ይዳ ቡኩሲ፥ ያኦሲ ዔያቶና ዎላ" ማዒ ማደ ባኮ ቢያሢና ዓይሁዴ ማዒባኣ ዓሳ ኪሪሰቶሴ ጉሙርቃንዳጉዲ ዎዲ" ዔያቶም ካራ ቡሊ"ንቴቴያ ዓሶም ኬኤዘኔ።

28 ኪሪሰቶሴ ጉሙርቃ ዓሶና ዎላ" ሚርጌ ዎዴ ዔያታ ዴዔኔ።

15

ዬሩሳላሚይዳ ቡኮና ቡኪንቴ

1 ፔቴ" ፔቴ" ዓሳ ዓንጾኪያ ዓጮ" ዴንዲ፡- «ሙሴ ዎሳ ጎይያ ዓቲንቶ ቤርቶ ዒንሢሢ ቲቂንቲባኣቶ ዳቃኒ ዳንዳዑሞሴ» ሂዚ ጌዒ ኪሪሰቶሴ ጉሙርቃ ዓሶ ዔርዘሢሢ ዓርቁኔ።

2 ጳውሎሴና ባርናባሴና ጋዓንቴ ዬኖ ዛሎ" ዓሶና ዎላ" ኮሺ" ማርሜኔ፤ ዬካፓ ጳውሎሴና ባርናባሴና ዓንጾኪያይዳ ዓኣ፥ ፔቴ" ፔቴ" ኪሪሰቶሴ ጉሙርቃ ዓሲና ዎላ" ማዒ ዬሩሳላሚ ዓኣዲ ዬኖ ማሊያ ዳኪንቴዘንሚኮ ጨሞናም ሺኢሻንዳጉዲ ጌይንቴኔ።

3 ዔያታ ሺኢጲያ ማኣሮ ዓሳ ዔያቶ ዳኬም ዴንዲ ፒንቁና ሳማሪያ ዓጮ" ጊዴና ዓኣዳያ ዓይሁዴ ማዒባኣ ዓሶኮ ያኦሲ ባንሢ

ማዲያ ዛሎ" ኬኤዛዛ፣ ዬይ ሓይሳ ኪሪሰቶሴ ጉሙርቃ ዓሶ ቢያ ዋዛሴ።

4 ዬካፓ ዬሩሳላሜ ዔያታ ሄላ"ዛ ሺኢጲያ ማኣሮ ዓሶና ዳኪንቴዘንሢካ ሓሣ ጨማኣ ዔያቶ ሸኦቹንሢ ዔኬኔ፤ ሓሣ ጾኦሲ ዔያቶና ዋላ" ማዲ ማዴ ባኮ ቢያ ዔያቶም ኬኤዘ።

5 ጋዓንቴ ፔርሴ ፃጸፓ ማዔ ፔቴ" ፔቴ" ኪሪሰቶሴ ጉሙርቃ ዓሳ ዔቃያ፡- «ዓይሁዴ ማዲባኣ ዓሳ ዓቲንቶ ቤርቶ ቲቂንታንዳጉዲና ሙሴ ዋሳ ካፓንዳጉዲ ዓይሣንዳያ ኮይሳ።» ጌዔ።

6 ዬያሮ ዳኪንቴዘንሢካና ጨሞና ዬዮ ዛሎ" ዋላ" ዘርታኒ ቡኬኔ፤

7 ዔያታ ሚርጌና ማርሚሢካ ጊንፃ ጳፂሮሴ ዔቃያ፡- «ታ ዒሾንሣ! ታ ሚሾንሣ! ዓይሁዴ ማዲባኣ ዓሳ ታ ዛሎ"ና ኮዡ ሓይሶ ዋይዚ ኪሪሰቶሴ ጉሙርቃንዳጉዲ ሓያኮ ቤርታ ጾኦሲ ታና ዒንሢ ባኣካ"ፓ ደኦሪሢ ዒንሢ ዔራ።»

8 ዓሲኮ ዒና ዔራ ጾኦሲ፣ ኦም ዓያሮ ጌኦዡ ዒንጌሢጉዲ ዔያቶማኣ ዒንጊያና ዔያቶ ፔ ዓሲ ማሄሢ ዔርዘ።

9 ዔያታ ዒዛ ጉሙርቄሢሮ ጎሞ ዔያቶኮ ዒ ጌኤሼኔ፤ ዬያሮ ኦኡና ዔያቶና ባኣካ" ፔቴ"ታያ ዲሙሞ ባኣሴ።

10 ዓካሪ ኦ ዓደንሢታያ ሓሣ ኦኡኒያ ኬዲኒ ዳንዳዒባኣ ቃሞባሮ ኪሪሰቶሴ ጉሙርቃ ዓሶ ባቃያይዳ ጌሢ «ጾኦሲ ዋይታቴያ ኦ ዛጋንዳ።» ዒንሢ ሓሢ ዓይጎሮ ጋዓይ?

11 ኦኡኒያ ዳቄሢ ጎኔና ዔያቶጉዲ ጎዳ ዬሱሴኮ ኮሹሞ ዒንጊያና ማዔሢ ኦ ጉሙርቃ።» ጌዔ።

12 ዬማና ዴራ" ባርናባሴና ጳውሎሴ ዛሎ"ና ጾኦሲ ዓይሁዴ ማዲባኣ ዓሶ ባኣካ" ማዴ ዒዛ ዋልቆና ማዲንቴ ባኮንታ ዲቃሣ ባኮ ቢያ ዔያታ ኬኤዛኣና ዚቲ ጌይ ዔያቶሴ ዋይዘ።

13 ዔያታ ኬኤዚ ኩርሴሰካፓ ያይቆኦ፡- «ታ ዒሾንሣ! ታ ሚሾንሣ! ሂንዳ ዋይዙዋቴ፤

14 ጾኦሲ ዓይሁዴ ማዲባኣ ዓሶ ባኣካ"ፓ ፔኤም ማዓንዳ ዴሬ ደኦሪያና ዔያቶም ዋይይዲ ማሌቶ ሲሞኦኔ ቤርታዲ ኬኤዘ።»

15 ሓሮ" ማሊያና ጾኦሲ ማሊያ ኬኤዛ ዓሶኮ ቃኣሎ"ና ዋሊ ማሊያኬ፤ ዬይያ፡-

16 ዬካፓ ታ ማዓንዳ፤

ዳውቴኮ ሻሂንቴ ማኣሮ ታ ማዡንዳ፤

ሻሂንቴ ላኣሊንቴ ባኮዋ ጊንሣ ታ ደዲሺ ዔቂሳንዳ።

17 ዬያ ታ ማዳንዳሢ ሃንጎ ዓቲ" ዓኣ ዓሶንታ

ታ ዓሶ ማዔ፣ ማሌ" ዴራ ቢያ ታና ኮዓንዳጉዲኬ፤

18 ቤርታፓ ዓርቂ ዬያ ቢያ ፔጋሴ፣ ጎዳሢ ሂዚ ጋዓኔ፣ ጌይንቴ ፃኣፒንቴያኩ።

19 «ዬያሮ ታኣኮ ማሊፃ ያኦሲ ባንሢ ማዓ ዓይሁዳ ማዓባኣ ዓሶ ኑኡኒ ማታሲባኣቴ ኮሺኬ ጋዓያኩ።

20 ዬያይዳፓ «ሜሌ" ካኣሺም ሹኪንቴ፣ ዒኢቴ ባኣዚ" ሙዒፖቴ፤ ማቸ ሓሣ ዓኒ ማዓባኣ ዓሲና ላሂፖቴ፤ ሱጉሢ ሸኦቴ ባኣያ፣ ጨኡሊ"ንቴ ሓይቄ ቆልሞ ሙዒፖቴ፤ ሱጉሢያ ዑሽኪፖቴ» ጌዒ ኑ ዔያቶም ፃኣፓንዳኔ።

21 ዓይጎሮ ጌዔቶ ሚናፓ ዓርቃዎ ሙሴ ዎጋ" ዓይሁደኮ ሓውሾ ኬሎ"ና ዔያቶኮ ቡኪንቶ ቤዛ ናባቢንታኔ፤ ሓሣ ቃኣላ" ካታሞይዳ ቢያ ኬኤዚንታኔ» ሂዚ ጌዔኔ።

ዓይሁዳቱዎዎ ኪሪሰቶሴ ጉሙርቄ ዓሶም ፃኣፒንቴ ኪኢታ

22 ዬካፓ ዳኪንቴዘንሢንታ ጨሞንታ ሺኢጲያ ማኣሮ ዓሶ ቢያሢንታ ዎላ" ማዓ ቡኪንቴ ዓሶ ባኣካ"ፓ ዳካ" ዓሲ ዶኦራዎ ጳውሎሴና ባርናባሴና ዎላ" ዓንጾኪያ ዓጮ" ዳካኒ ጌሰቴ ዔቁሲኔ፤ ዬያሮ ኪሪሰቶሴ ጉሙርቃ ዓሶ ባኣካ" ዓሶ ዔኪ ዓኣዲሢና ኮሺ ሱንሢ ዓኣ፣ ቤርሲያኔ ጌይንታ ዪሁዳና ሲላሴና ዔያታ ዶኦሪኔ።

23 ዬካፓ ፃኣፒንቴ ኪኢቶ" ዔያቶ ዑፃ ዳኬኔ፤ ኪኢታ፡- «ኑኡኒ ዳኪንቴዘንሢን ጨሞ ማዔ ዒንሢኮ ዒሾንሢ፣ ዓንጾኪያና ሶኦሪያናይዳ ሓሣ ኪልቁያይዳ ናንጋ ዓይሁዳ ማዓባኣ ኑ ዒሾንሢ፣ ዒንሢ ኮሺዳ ኑ ጋዓኔ፤

24 ኑ ባኣኮ"ይዳፓ ፔቴ" ፔቴ" ዓሲ ኑ ዔያቶ ዓይሢባኣንቴ ዒንሢ ኮራ ሙኪ ዒንሢም ኬኤዜ ቃኣሎ"ና ማታሲ፤ ሓሣ ዒንሢም ጎይሢ ባይዜሢ ኑ ዎይዜኔ፤

25 ዬያሮ ፔቴ"ይዳ ቡኪንቴ ኪኢታ ዓሲ ኑ ዶኦሪሰካፓ ናሽኪንታ ኑ ዒሾንሢ ባርናባሴና ጳውሎሴና ዎላ" ዔያቶ ኑ ዒንሢ ባንሢ ዳካኒ ጌሰቴኔ።

26 ባርናባሴና ጳውሎሴና ኑ ጎዳሢ ዬሱስ ኪሪሰቶሴ ዛሎ"ሮ ፔ ሸምፓሢ ሚርጌ ማቶም ዓኣሢ ዒንጌያኩ።

27 ኑ ጌሰቴ ሓይሶ ዳንጋና ቃሲ" ዒንሢም ኬኤዛንዳጉዲ ዪሁዳና ሲላሴና ኑ ዳኬኔ።

28 ሓንሢ ፓይዲንቴ፣ ኮይሳ ባኮንሢፓ ዓታዛ ሜሌ" ዴኤሢ ቃምባራ ኑ ዒንሢ ዑፃ ጌሡዋጉዲ ዓያሮ ጌኤኮና ኑኡናም ኮሺ ማዓ ጴዳኔ፤ ዬንሢያ፡-

15:18 ዓሞ. 9፣11-12። 15:20 ኬሲ. ማፃ 34፣15-17፤ ሌዊ. ዓኬ 17፣10-16፤ 18፣6-23።

29 ማሌ " ካኣሺሞ ሹኪንቴ፥ ዒኢቴ ባኣዚ " ሙዒፖፖ፤ ሱጉሢ ሸኦቴዎንቴ ጨኡሊ "ንቴ ሓይቄ ቆልሞ ሙዒፖፖ፤ ሱጉሢያ ዑሽኪፖፖ፤ ማቾ ሃሣ ዓኒ ማዒባኣ ዓሲና ላሂፖፖ፤ ዩንሢ ባኮፓ ዒንሢ ካፒንቴቶ ኮሺ ባኣዚ " ዒንሢ ማዴኔ፤ ዓካሪ ኮሺ ናንጉዎቴ» ሂዚ ጋዓያኩ።

30 ዩካፓ ኪኢቶ" ዓሶንሢ ዔያቶ ሳራሣፖ ዓንጾኪያ ዓጮ" ዴንዲ፥ ኪሪሰቶሴ ጉሙርቃ ዓሶ ቢያ ቡኩሲጋፓ ፃኣፒንቴ ኪኢቶ" ዔያቶም ዒንጌኔ።

31 ኪሪሰቶሴ ጉሙርቃ ዓሳ ፃኣፒንቴ ኪኢቶ" ናባባፖ ዳኪንቴ፥ ዶዲሻ ኪኢቶ"ና ኮሺ" ዎዛዴኔ።

32 ዪሁዳና ሲላሴና ጾኦሲ ማሊሢ ኬኤዛያታሢሮ ዒሾንሢ ማዔ ዓሶ ሚርጌ ቃኣላና ዞሪ ዶዲሾኔ።

33 ዪሁዳና ሲላሴና ዒኢካ ዳካ" ዎዴ ዴዔሰካፓ ኪሪሰቶሴ ጉሙርቃዞንሢ ዔያታ ሳራሢ ዔያቶ ዳኬ ዓሶ ባንሢ ማዒ ዴንዴኔ። *

35 ጳውሎሴና ባርናባሴና ኪሪሰቶሴ ጉሙርቃ ሜሌ" ሚርጌ ዓሲና ዎላ" ማዒ ጎዳኮ ቃኣሎ" ዔርዚ ዔርዚ ሓሣ ኬኤዚ ኬኤዚ ሚርገባኣያ፥ ዳካ" ዓጊኒ ዓንጾኪያይዳ ዴዔኔ።

ጳውሎሴና ባርናባሴናኮ ዲማዲያ

36 ሚርገባኣያ፥ ዳካ" ዓጊኒኮ ጊንፃፓ ጳውሎሴ ባርናባሴ ኮራ፡- «ሓኒ ሙኬ፤ ሓያኮ ቤርታ ጎዳኮ ቃኣሎ" ኑ ኬኤዜ ካታሞ ቢያይዳ ዓኣ ዒሾንሢንታ ሚሾንሢታ ሓንቴ ሓንቴ ዔያታ ዎይቴይና ኑ ዘጎሞ» ጌዔኔ።

37 ዒማ"ና ባርናባሴ ዮሓኒሴ ጌይንታ ማርቆሴ ዔያቶና ዎላ" ዓኣዳንዳጉዲ ኮዔኔ።

38 ጳውሎሴ ጋዓንቴ ዩይ ዓሢ ዔያቶና ዎላ" ዓኣዳንዳጉዲ ኮዒባኣሴ፤ ዓይጎሮ ጌዔቶ ዒዚ ቤርታ ጲንፒሊያይዳ ዔያቶፓ ዲማዲ ዓቴ"ሢሮና ሓሣ ማዶ"ይዳ ዔያቶና ዎላ" ዓኣዲባኣሢሮኬ።

39 ዩዶይዳፓ ዔቄያና ዔያቶ ባኣካ" ፑኡፒ ማርማ ዔቃዘ፥ ዔያታ ዎሊፓ ዲማዶም ባርናባሴ ማርቆሴ ዔካፖ ዎኣፖ ካኣሚሎና ቆጲሮሴ ዓኣዴኔ።

* 15:33 ፔቴ" ፔቴ" ሚናኣ ማፃኣፓ ፓይ. 34ይዳ «ሲላሴ ጋዓንቴ ዒኢካ ዓታኒ ኮዔኔ» ጋዓያ ቃሳ"ኔ፤ ጋዓንቴ ዘሎ" ማፃኣፖይዳ ፓይ. 34 ባኣሴ። 15:38 ዳኪ. ማድ" 13፥13።

40 ጳውሎስ ጋዓንቴ ሲላሴ ዶኦሬኔ፤ ኪሪሰቶስ ጉሙርቃ ዓሳ ጎዳሢ ጳውሎስንሢ ፔ ኮሹሞና ካፓንዳጉዲ ሺኢጲሢና ሓዳርሲ ዒንጌሰካፓ ዔያታ ዓኣዳኔ።

41 ዒማ"ና ዔያታ ሺኢጲያ ማኣሮ ዓሳ ዶዲሺ ዶዲሺ ሶኦሪያና ኪላቂያ ጌይንታ ዓጮ" ሃንቴኔ።

16

ዒሞቴዎሴኮ ጳውሎስና ሲላሴና ዎላ" ማዒያ

1 ጳውሎስ ዳርቤና ሊሰዒራና ጌይንታ ዓጮ" ዴንዳኔ፤ ሊሰዒራይዳ ዒሞቴዎሴ ጌይንታ ኪሪሰቶስ ጉሙርቃ ዓሲ ናንጋኔ፤ ዒንዳ ዒዛኮ ዓይሁዴ ፃጳፓታ? ኪሪሰቶስ ጉሙርቂያኬ፤ ዓዴ ጋዓንቴ ዒዛኮ ዓይሁዴ ማዒባኣ ጌሪኬ ዓጪ ዓሲኬ።

2 ሊሰዒራና ዒቆኒዮኔናይዳ ዓኣ ኪሪሰቶስ ጉሙርቃ ዓሳ ዒሞቴዎሴ ሚርጌ ኮሺ ዓሲ ማዒሢ ማርካዳኔ።

3 ጳውሎስ ዒሞቴዎሴ ዔኪ ዓኣዳኒ ከዔሢሮ ዓቲንቶ ቤርቶ ቲቂንታንዳጉዲ ማሄኔ፤ ዬያ ዒ ማዳሢ' ዬና ቤዘይዳ ዓኣ ዓይሁዴ ዓሶ ዛሎ"ሮኬ፤ ዓይጎሮ ጌዔቶ ዔያታ ዒሞቴዎሴኮ ዓዴ ጌሪኬ ዓሲ ማዒሢ ዔራያታሢሮኬ።

4 ጳውሎስና ሲላሴና ሚርጌ ካታሞ ቲቂ ዓኣዳኣና ዬሩሳላሚይዳ ዓኣ ዳኪንቴዞንሢና ጨሞና ማሊ ቱኬ" ባኮ ኪሪሰቶስ ጉሙርቃ ዓሶሞ ኬኤዜኔ፤ ዔያታ ማዳይዳ ፔኤሻንዳጉዲያ ሓሣ ላቴኔ።

5 ዬያሮ ዲማ ዲማ ሺኢጲያ ማኣሮ ዓሳ ኪሪሰቶስ ጉሙርቂያና ዶዴኔ፤ ፓይዳኣ ዔያቶኮ ኬሎ"ይዳ ኬሎ"ይዳ ቃሲ"ንቲ ዴንዳኔ።

ጳውሎስኮ ሜቂዶኒያ ዓጮ" ዓኣዳንዳጉዲ ዓይሢንቲያ

6 ጳውሎስና ሲላሴና ዒሲያይዳ ቃኣሎ" ኬኤዘሞጉዲ ዓያና ጌኤሺ ዔያቶ ላኣጌሢሮ ፐርጊያና ጋላቴያ ዓጮ" ጊዴና ቲቂ ዔያታ ዴንዳኔ፤

7 ዬካፓ ዔያታ ሚሲያ ዓጮ"ኮ ዛጳ ሄላ"ያ ቢታኒያ ባንሢ ዓኣዳኒ ማሌኔ፤ ጋዓንቴ ዬሱሴኮ ዓያና" ዒኢካ ዔያታ ዓኣዳንዳጉዲ ዓይሢባኣሴ።

8 ዬያሮ ዔያታ ሚሲያ ዓጮ"ና ጌዒ ዒሮዓዳ ዴንዳኔ።

9 ዒዛ ቤዘይዳ ዲሞና ፔቴ" ሜቂዶኒያ ዓሲ ዔቂ ጴዳዮ ጳውሎስ ኮራ:- «ሜቂዶኒያ ባንሢ ፒንቂ ኑና ማኣዴ"!» ጌዒ ጌዒ ዒዛ ሺኢቃያ ያኦሲ ፔጋሲ ጳውሎስሞ ዳቂኔ።

10 ጳውሎስ ዬያ ዛጌሰካፓ ዑኩና ማቄደኒያ ዓጮ" ዓኣዳኒ ኑ ኮዔኔ፤ ዓይጎር ጌዔቶ ማቄደኒያ ዓጮ" ዓሰም ኮዡር ሓይሶ ከኤዘም ጾኦሲ ኑና ዓይሄያ ማዔሄ ኑ ዔሬሂርኩ።

ሊዲያ ጎጾዘኮ ኪሪሰቶሴ ጉሙርቂያ

11 ዓርዓዳይዳፓ ዋኣዖ ካኣሚሎ ቶጊ ዔዔቃዖ ሳሞተራቄ ጌይንታ ዓጮ" ኑ ዓኣዳኔ፤ ዚር ጉቴ"ሎ ጊንሣ ናጹሌ ኑ ዳንዳኔ።

12 ዬካፓ ሓሣ ኑ ዔቄ ፒልጲሲዮሴ ሔሌ"ኔ፤ ፒልጲሲዮሴ ጌይንታዛ ማቄደኒያ ዓጮ"ይዳ ዓኣ ካታሞይዳፓ ፔቴ"ዘ ማዔያ ሓሣ ሮማ ዓጮ" ዓሳ ማዡ ካታማኩ፤ ዬና ካታማሎይዳ ኑኡኒ ዳካ" ከሊ" ዳዔኔ።

13 ዓይሁደ ዓሰኮ ሓውሾ ከሎ"ና ካታማፓ ከሰኪ ዎርዚ ዓቺ ኑ ከዳ"ኔ፤ ዬና ቤዛ ኑ ኮራ ሺኢጲሂ ቤሲ ማሌኔ፤ ዒዞ ቤዘይዳ ኑ ዳዒ ዒኣካ ቡከንቲ ዓኣ ላኣሎም ጾኦሲ ቃኣሎ" ከኤዘኔ።

14 ኑ ከኤዛ ባኮ ዎይዛ ላኣሎይዳፓ ፔቴ"ዘ ቲያዒሮኔ ጌይንታ ካታሞይዳ ሾይንቲያ፣ ዘቄ ዓፒላ ኮርማያ፣ ሊዲያ ጎጾ ላኣሊሰኩኖኩ፤ ዒዞ ጾኦሲ ካኣሽካ ላኣሊኩ፤ ጎዳሂ ዒዞኮ ዒኖ ቡሌ"ያታሂር ጳውሎስ ከኤዛ ቃኣሎ" ዒዞ ዒናፓ ዎይዛኔ፤

15 ዒዞና ዒዞኮ ማኣራ ዓኣ ዓሰና ቢያ ዋኣዖና ማሰቲሰካፓ፡- «ጎዳሂ ታ ጉሙርቂያ ማዒያ ዒንሂ ጎኔኬ ጋዓያ ማዔቶ ታ ማኣራ ሙኪ ዳዑዋቴ» ጌዒ ሚርጌና ሺኢቄኔ።

ጳውሎስና ሲላሴናኮ ቱኡቲያ

16 ፔቴ" ከሊ" ጾኦሲ ሺኢቆ ቤሲ ኑ ዳንዳንቲ ሎንሣ ባኣዚ ዡዋቶና ከኤዛ፣ ፑርታ ዓያና ዓርቄ ፔቴ" ማዶ ማዳ ዉዳር ናይሰኩና ጎይሂዳ ኑኡና ካኣማኔ፤ ዬና ዉዳር ናዔላ ፔ ዡዋቶና ዒዞ ዎይሣ ዓሰም ሚርጌ ሚኢሼ ዳንቂሳያኩ።

17 ዒዞ ጳውሎስና ኑኡናናኮ ጊንጾ ሓንቲ ሓንቲ፡- «ሓንሂ ዓሰንሂ፣ ዒንሂም ዳቂንቶ ጎይጾ ከኤዛዘንሂ፣ ዳኤፖ ጾኣዛሂኮ ማዳዘንሂኩ!» ጌዒ ጌዒ ዒላቲኔ።

18 ዬና ዒዞ ሚርጌ ከሊ" ማዳኔ፤ ጋፒንጻ ጳውሎስ ዳጋዳጾ ጊንሂም ሺሪ ፑርቶ ዓያናሂም፡- «ጎዳ ዬሱሰ ኪሪሰቶሴ ሱንጾና ዒዞይዳፓ ኔ ከሰካንዳጉዲ ታ ኔና ዓይሂኔ!» ጋዓዛ፣ ፑርቶ ዓያናሂያ ቤዘና ከሰኩኔ።

19 ዒዞ ዎይሣ ዓሳ ዳንቂ ዔኪ ማኣዲንታ ባኮኮ ጎይጻ ባይቄያ ማዔሂ ዛፓዖ ዔያታ ጳውሎስና ሲላሴና ዓርቄ፣ ጎቺ ጎቺ ዓሳ ቡኪንታ ቤዘ ከሲ" ካታሞ ዎይሣ ዓሰ ቤርቶ ሺኢሼኔ።

20 ዬካፓ ሮሜ ዓጮ" ዎይህ ዓሶ ቤርቶ ዔኪ ሙካዎ:- «ሓንሣ
ዓሶንሣ ዓይሁዳ ዓሲኬ፤ ሓሣ ካታሞይዳኣ ዔያታ ሚርጌ ዣሎ
ዔቁሲሳኔ፤

21 ኑኡኒ ሮሜ ዓሳ ዔካኒና ማዳኒ ዓይሣንቴባኣ ባኣዚ" ዔያታ
ኬኤዛኔ» ጌዔኔ።

22 ዬያሮ ዳራ" ዎሊ ዑፃ ማዒ ዎልቁና ዔያቶይዳ ዔቁኔ።

ዬካፓ ዎይህ ዓሳ ጳውሎሴና ሲላሴናኮ ዓፒሎ ዑፃፓ ጉሲሳዎ
ኮኦሎ"ና ዓሳ ዔያቶ ጳርቃንዳጉዲ ዓይሣኔ።

23 ሚርጌና ዔያታ ጳርቁንቴሰካፓ ቱኡሲ ማኣሪ ጌልዚ ቱኪ"፣
ቱኡዞ ማኣሮ ካፓ ዓሣ ዔያቶ ዛጊ ካፓንዳጉዲ ዓይሣኔ።

24 ካፓ ዓሣ ዓይሣንቴሰካፓ ቱኡዞ ማኣሮኮ ጋሮይዳ ዓኣ ማሌ"
ቆልዓይዳ ጌልዚ ቶኮ" ዔያቶኮ ዲፃና ኮሺ" ዓይሣ ቱኬ"ኔ።

25 ሳዎኮ ዴንዲ ጊዲሚሺ ማዓንዳ ዎይይዳ ጳውሎሴና ሲላሴና
ሺኢጲሣ ሺኢቁ ሺኢቁ ሓሣ ዓይኡሞዎ ዓይናዲ ዓይናዲ ጾኦሲ
ጋላታንቴ፤ ሓንጎ ቱኡቴ ዓሳ ዬያ ዔያቶኮ ዎይዛኔ።

26 ዒማ"ና ዔርቲባኣንቴ ቱኡዞ ማኣሮኮ ፃጳ ሄሊ" ዓጊሣ ዴኤፒ
ሳዓ ዓጊፃሣ ዓጊፃዛ፣ ቱኡዞ ማኣሮ ካራ" ቢያ ፔቴ"ና ቡሊ"ንቴኔ፤
ሓሣ ቢያ ቱኡቴ ዓሶ ቱኮ"ና ካኖ ቢራታኣ ቡሊ"ንቴኔ።

27 ቱኡዞ ማኣሮ ካፓ ዓሣ ጊንዓሰካፓ ጴጪ ቱኡዞ ማኣሮ ካራ"
ቡሊ"ንቴ ዓኣሣ ዴንቃዎ ቱኡዞ ዓሳ ቶሊ" ዴንዴያ ዒዛሞ ማላዛ
ዓፓሮ ፔኤኮ ቱጊ ፔና ዎዳኒ ማሌኔ።

28 ጋዓንቴ ጳውሎሴ:- «ኑኡኒ ቢያሣ ሃይካኬ! ዬያሮ ኔ
ቶኦኮ"ይዳ ፔቴ" ባኣዚ"ታዎ ማዲፖ!" ጌዒ ዒላቴኔ።

29 ዬማና ካፓ ዓሣ ፖዒ ዔኪ ጳሽኪ ጋሮ ጌላዎ፣ ጎጋይቁ ጎጋይቁ
ጳውሎሴና ሲላሴናኮ ቶኮ" ዴማ" ባለቲና ሎኦሜኔ።

30 ዬካፓ ዔያቶ ዙሎ" ኬሳ"ዎ:- «ታ ጎዳንሣዮ! ታ ዳቃኒ ዓይጎ
ዎኦታንዲያ ኮይሳይ?» ጌዔኔ።

31 ዔያታ ዒዛሞ:- «ጎዳ ዬሱሴ ጉሙርቁ፤ ኔናንታ ኔ ማኣሮ
ዓሶንታ ዳቃንዳኔ» ጌዔኔ።

32 ዬካፓ ጎዳሣኮ ቃኣሎ" ዒዛና ዒዛኮ ማኣራ ዓኣ ዓሶናሞ ቢያ
ዔያታ ኬኤዘኔ።

33 ዬማና ቱኡዞ ማኣሮ ካፓ ዓሣ ዬኖ ዎንቶ ዲማ ፔ ማኣሪ ዔኪ
ዓኣዲ ኪዎ ዔያቶኮ ማሰኬኔ፤ ዬማፓ ኔጉሞዎ ዒዛና ማኣሮ ዓሶና
ቢያ ዎኣዎና ማሰቴኔ።

34 ቱኡዞ ማኣሮ ካፓ ዓሣ ጳውሎሴና ሲላሴና ፔ ማኣሪ ዔኪ
ዓኣዲ ሙኡዚ" ዔያቶሞ ዒንጌኔ፤ ማኣሮ ዓሶ ቢያሣና ዎላ"
ኪሪሰቶሴ ጉሙርቁሣሮዎ ዒ ዎዛዴኔ።

35 ሳባ ካራዛ ዓጮ" ወይህ ዓሳ፡- «ዩንህህ ዓሶንህህ ቡሊ "ንቶንጎ" ጌዒ ፖኦሊሴሰከንህህ ዳኬኔ።

36 ቱኡዞ ማኣሮ ካፓሂያ፡- «ዒንህህ ቡሊ "ንታንዳጉዲ ዓጮ" ወይህ ዓሳ ዓሲ ዳኬሂሮ ዓካሪ ከሰኪ ኮሺ ዓኣዲዋቴ» ጌዒ ጳውሎሴም ኬኤዜኔ።

37 ጳውሎሴ ጋዓንቴ፡- «ኦኡኒ ሮሜ ዓሲታንቴ ኦ ጊዳ" ዋጉዋዎ ዓሳ ቡካ ቤዘይዳ ኦና ጳርቂ፣ ቱኡዞ ማኣራ ኦና ዔያታ ቱኬ"ኔ። ሐህ ጊንህህ ቱኡዞ ማኣራፓ ዴሚ"ና ኦ ከሰካንዳጉዲ ዋዲ" ዔያታ ጌዔይ? ዩይ ማዑዋሴ! ዔያታ ፔ ቶኦኪና ሙኪ ኦና ከሶ"ንጎ!" ጌዔኔ።

38 ፖኦሊሶንህህ ዩያ ወይህ ዓሶም ኬኤዛዛ ወይህ ዓሳ ጳውሎሴና ሲላሴና ሮሜ ዓጪ ዓሲ ማዔህህ ዔራዎ ዓጊጨኦኔ።

39 ዩያሮ ዔያታ ሙኪ፡- «ኦ ዳቤኔ፤ ማኣሩዋቴ» ጌዒ፣ ቱኡዞ ማኣራፓ ዔያቶ ኬሳ"ዎ ካታማ"ፓኣ ዔያታ ዴንዳንዳጉዲ ሺኢቄኔ።

40 ጳውሎሴና ሲላሴና ቱኡዞ ማኣራፓ ከሰኪ ሊዲያ ጎዖዞ ማኣሪ ጌሊ ዒኢካ ኪሪሰቶሴ ጉሙርቃ ዓሶ ዴንቂ፣ ዞሪ ደዲሺሰካፓ ካታሞ ሐሺ" ከሰኪ ዴንዴኔ።

17

ጳውሎሴንህህ ቴሰሎንቄይዳ

1 ጳውሎሴና ሲላሴና ዓንፒጶሊሴና ዓጶሎኒያ ጎዖ ዓጮ" ጊዴና ቴሰሎንቄ ዓኣዳኔ፤ ዒኢካ ዓይሁዶ ዓሶኮ ቡኪንቴ ቤሲ ዓኣኔ።

2 ጳውሎሴ ቤርታፓ ዒዚ ዔራ ጎይዎና ዓይሁዶ ዓሶኮ ቡኪንቶ ቤዛ፣ ሐይህ ማይንቲ ዓይሁዶ ዓሶኮ ሐውሾ ኬሎ"ና ኬሎ"ና ጴዲ ጌኤዦ ማፃኣፓፓ ዔኪ ዔኪ ዓሶና ዋላ" ጌሰቴኔ።

3 ዒማ"ና ዒዚ ሜሲሔ ሜቶ ዔካንዳያ፤ ሃሃ ሐይቢፓኣ ዔቃንዳያ ኮይሳያ ማዔም ማዔህህ ፔጋሲ ኬኤዚ ኬኤዚ፡- «ሃይ ዒንህህም ታ ኬኤዞ ዩሱሴ ዒ ሜሲሔኬ» ጌዒ ጌዒ ኬኤዛኔ።

4 ዩያሮ ፔቴ" ፔቴ" ዓሳ ቃኣሎ" ዒና ዔኪ ጳውሎሴና ሲላሴና ዋላ" ማዔኔ፤ ዩያጉዲ ያኦሲ ካኣሸካ ሚርጌ ጊሪኬ ዓሲንታ ካታሞይዳ ዔርቲ ዲቢ ላኣሊንታ ቃኣሎ" ዒና ዔኪ ዔያቶና ዋላ" ማዔኔ።

5 ዓይሁዶ ዓሳ ጋዓንቴ ቁኢሩሞና ማዶባኣ ፑርታ ዓሲ ጎይፓፓ ጎይፓፓ ቡኩሲ ጌኔ ማዳንዳጉዲ ማሄኔ። ካታሞይዳኣ ዣላ ዔቃንዳጉዲ ማሃ ሐህ ጳውሎሴና ሲላሴና ዒያሰኦ ማኣራፓ ከሲ" ዔኪ ዴሮ" ቤርቶ ሺኢሻኒ ማኣሮ ካሮ" ሂዒ ኬኤሪ ጋሮ ጌሌኔ።

6 ጋዓንቴ ጳውሎስንሢኮ ኮሲ ዔያታ ባይዘሢሮ ዒያሱኔና ፔቴ" ፔቴ" ኪሪሰቶሴ ጉሙርቃ ዓሲ ካታሞ ዎይሢ ዓሶ ቤርቶ ሺኢሻኒ ጎቹ ጎቹ ዔኪ ዓኣዳዎ፡- «ኣንሢ ዓሶንሢኮ ዓጮ" ቢያ ፑርቲሲ ኣሢ ሃይካ ሙኩኔ!

7 ዒያሱኔያ ዔያቶ ሸኦቹንሢኮ ዔኬኔ፤ ዔያታ «ዔሱሴ ጌይንታ ማሌ" ካኣቲ ዓኣኔ» ጌይ ሮሜ ዓጮ" ካኣቲኮ ዓይሢያ ዒዲ ማካኔ» ጌይሢና ዒላቴኔ።

8 ዴሮ"ንታ ካታሞ ዎይሢ ዓሶንታ ዔያ ዎይዘያ ዲቃቲ ዒኔ ዲጳኔ።

9 ዔካፓ ዎይሢ ዓሳ ዒያሱኔና ዒዛና ዎላ" ዔኪ ሙኮና ዓሶንሢኮ ማኢሹ ዓይሢሳዎ ኣሹ"ኔ።

ጳውሎስንሢኮ ቤኤሪያ ዓጮ"ይዳ

10 ኪሪሰቶሴ ጉሙርቃ ዓሳ ሳዓ ዲዲማኣና ቤኤሪያ ዓጮ" ጳውሎስና ሲላሴና ዑኩና ዓኣዳንዳጉዲ ዳካዛ፣ ዒኢካ ዔያታ ሄላ"ዎ ዓይሁዶ ዓሶኮ ቡኪንቶ ቤዞ ጌሌኔ።

11 ቤኤሪያይዳ ዓኣ ዓይሁዶ ዓሳ ቴሰሎንቄይዳ ዓኣ ዓሶይዳፓ ፒዜ ማሊሢና ዓኣያ ማዔሢሮ ቃኣሎ" ዎይዚ ዴኤፒ ዎዛና ዔኪ ቃኣሎ"ኮዎ ጎኦሞ ዔራኒ ቢያ ኩሊ" ጌኤዞ ማፃኣፖ ዛጋኔ።

12 ዔያሮ ዔያቶይዳፓ ማርጌሢያ ያኦሲ ጉሙርቄኔ፤ ጌሪኬ ዓሶይዳፓኣ ማርጌ ዎርጎቹ ላኣሊ፤ ሃሢ ማሌ" ማርጌ ዓቲንቄያ ያኦሲ ጉሙርቄኔ።

13 ጋዓንቴ ቴሰሎንቄይዳ ዓኣ ዓይሁዶ ዓሳ ጳውሎስ ቤኤሪያይዳ ያኦሲ ቃኣሎ" ኬኤዜሢኮ ዎይዘያ ዒኢካ ሙኪ ዴሮ" ፑርታ ማሊሢና ዔቄሲ ዛሎ ማገዜኔ።

14 ዒማ"ና ኪሪሰቶሴ ጉሙርቃ ዓሳ ዑኩና ጳውሎስ ባዞ" ዓጮ ዓኣዳንዳጉዲ ዳኬኔ፤ ሲላሴና ሂሞቴዎሴና ጋዓንቴ ዒኢካ ዓቲ"ኔ።

15 ጳውሎስ ጎይያና ዓኣሢ ዓሳ ዒዛ ዓቲና ሄሊ"ሴኔ፤ ዔና ዓሳ፡- «ሲላሴና ሂሞቴዎሴና ታ ኮራ ዑኮ ሙኮንጎ» ጋዓ ኪኢታ ጳውሎስ ኮራፓ ዔኪ ቤኤሪያ ማዔኔ።

ጳውሎስ ዓቲናይዳ

16 ጳውሎስ ዓቲናይዳ ዴዒ ሲላሴና ሂሞቴዎሴና ካፓንቴ ካታሚሎይዳ ማሌ" ካኣሺ ባኣዚ" ኩሜያ ማዔሢ ዛጋዎ ፔ ማሊያና ማሊ ማታዳኔ።

17 ዔያሮ ዓይሁዶ ዓሶኮ ቡኪንቶ ቤዞይዳ፣ ዓይሁዶ ዓሶና ያኦሲ ካኣሸካ ጌሪኬ ዓሶና ኣሢ ቦኦኮ" ቤዞይዳ ጳዳ ዓሶና ዎላ" ፔ ማሊያ ኬኤዚ ኬኤዚ ጌሰቴኔ።

18 ዔፕቆሮሴ ሐሣ ዒሰቶኬ ዓሶ ጌይንታ ዔሮ" ዓሶይዳፓ ዒዛ ኮራ ዓሲ ሙኪ ሙኪ ማርማኔ። ዔያታ ዒዛና ማርማየ ፔቴ" ፔቴ" ዓሳ፡- «ሐይ ጌኤሲኮ ፃጺ ዔራዋየ ጌሰታ ዓሣ ዋዚ ጋዓኒ ኮዓይ?» ጋዓዛ፥ ሐንጎዋታ ጊንሣ፡- «ዓኪ ማዔ ካኣሽኮ ጾኦዛ ዛላ ኬኤዛያ ማላኔ» ጋዓኔ። ዬኖ ዔያቶ ጌይሴሣ ጳውሎሴ ዬሱሴና ዒዛኮ ሃይባ"ፓ ዔቂያ ዛሎ"ዋ ኬኤዜሣሮኬ።

19 ዬያሮ ጳውሎሴ ዔያታ ዓሪዮሰፓጎሴ ጌይንታ ቡኪንቶ ቤዞ ዔኤሌ" ዔኪ ሙካዖ፡- «ኔኤኒ ዔርዛ ዓኮ ባካ ዓይነታቴያ ኑ ዔራኒ ዳንዳዓ?

20 ፔቴ" ፔቴ" ዓኪ ማዔ ባኣዚ" ኔ ኑሞ ኬኤዜኔ፤ ዬያሮ ዬንሣ ባኮንሣ ዓይነታቴያ ኑ ዔራኒ ኮዓኔ» ጌዔኔ።

21 ዬያ ዔያታ ጌዔሣ ዓቴናይዳ ናንጋ ዓሶንታ ዒኢካ ናንጋ ማሌ" ዓጮ" ዓሳኣ ቢያ ዓኪ ባኣዚ" ኬኤዚሣረና ዋይዚሣረና ዎደ" ፔኤኮ ዓኣሣኒ ኮዓሣሮኬ።

22 ዬማና ጳውሎሴ ዓሪዮሰፓጎሴይዳ ቡኪንቴ ዓሶ ቤርታ ዔቃዖ፡- «ዓቴና ዓጪ ዓሲዮቴ! ሚርጌና ዒንሣ ካኣሺ ካኣሽካያ ማዔሣ ታ ዛጋኔ፤

23 ዎይቴይ ጌዔቶ ዒንሣኮ ካታሞ ታ ሐንቲ ሐንቲ ዒንሣኮ ካኣኮ ቤዞ ታ ዛጋኣና ጳርቲባኣ ጾኦሲሞ። ጌይንቲ ፃኣፒንቴ፥ ሹቸና ኮሹ"ና ዔኤቢ ዒንጎ ቤሲ ታ ዴንቄኔ፤ ዓካሪ፥ ታ ዒንሣሞ ኬኤዛሣ ዬያ ዔርቲባኣንቴ ዒንሣ ካኣሽካ ጾኦዛሣ ዛሎ"ኬ።

24 ዒዚ ዓጮ"ንታ ዓጮ"ይዳ ዓኣ ባኮ ቢያ ማኸሣኪ፤ ሳዖና ጫሪንጮናኮዋ ጎዳኬ፤ ዒዚ ዓሲ ኮቸና ማኸናንቴ ካኣሺ ማኣሪዳ ናንጉዋሴ።

25 ሺሞፔንታ ዑኡሲንታ ማሌ" ባኮዋ ቢያ ዓሲሞ ዒንጋሣ ዒዛ ማዔሣሮ ፔቴ"ታዖ ዒዛሞ ፓጮ ባኣዚ" ባኣሴ፤ ዓሲ ማኣደዋ ዒዛሞ ኮይሱዋሴ።

26 ዒዚ ዓሲ ዜርሣ ቢያ ፔቴ" ዓሲዳፓ ማኸኔ፤ ዬያኮ ቤርታ ዓሲ ናንጋንዳ ዎደ"ና ናንጋንዳ ቤዞዋ ማሊ ጊኣጊሺኔ።

27 ዬያ ዒ ማዳሣ፣ ዓሲ ዒዛ ኮዓንዳጉዲና ዛጊ ኮዒ ዴንቃንዳጉዲኬ፤ ያዲ ማዔቶዋ ጾኦሲ ኑና ቢያሣዳፓ ሐኬኬ ጌይሣቱዋሴ።

28 ዓይጎሮ ጌዔቶ፡-

«ሺሞፔና ኑ ዴዓሣ፥ ኑኡኒ ዓጊዒ ሃንታሣ ናንጊያ ኑ ናንጋሣ ዒዛናኬ»
ዬይያ ዒንሣኮ ዓይናዳ ዓሳ፡-

ጎኑኑ ሲያሠራ ዲዛናይኮ» ጋዓሢ ጉዳያኩ።

29 «ዓካሪ፥ ኑ ዲዛናይ ማዕዳቶ ጎኑኑ' ዓሲ ዔራቶና ዓሲ ማላሠሩና ዋርቁይዳገ ሐሣብ ሲራ ዓንገና ሹቸናይዳገ ኮሺ"ንቴ ባኣዚ" ማላኔ» ጌራ ማላንዳያ ኑና ኮይሱዋሴ።

30 ዓሳ ቤርታ ዲዛ ዔሪባኣ ዋዶ"ና ማዳ ባኮ ያኦሲ ዛገ ዓኣሤ፤ ሐሣብ ጋዓንቴ ዓጮ"ይዳ ዓኣ ዓሳ ቢያ ጎሜይዳገ ማዓንዳጉዲ ዓይሤ።

31 ዲዚ ደኑሬ ዓሢ ዛሎ"ና ዓጮ" ቢያይዳ ጎኑሞና ዋጋንዳ ኬሊ" ጌሤ፤ ይዳ ዲ ጎናሲ ዔርዘሢ ይዳ ዲዚ ደኑሬሢ ሐይባ"ገ ዔቂሲያናኩ» ጌዔ።

32 ዲማ"ና «ሐይቢገ ዔቂሢ» ጋዓዛ ዔያታ ዋይዛያ ፔቴ" ፔቴ" ዓሳ ዲዛ ቦሤ፤ ዛሎ" ዓሳ ጋዓንቴ፡- «ሐኖ" ባኮ ዛሎ" ሜሌ" ዓቢ ኔ ከኤዛንቴ ኑ ዋይዛንዳኔ» ጌዔ።

33 ይካገ ደውሎሴ ቡኪንቶ ባኣካ"ገ ኬሰኪ ዓኣዳ።

34 ፔቴ" ፔቴ" ዓሳ ጋዓንቴ ዲዛና ዋላ" ማዒ ኪሪሰቶሴ ጉሙርቁ፤ ይና ኪሪሰቶሴ ጉሙርቁ ዓሶ ባኣኮ"ይዳ ዓሪዮሰገሳሴ ቡኪንቶ ቤዛ ዋጎ ዋጋያ ማዕ፥ ዲዮኒሲዮሴ ጌይንታ ዓሲና ዳማሪሶ ጌይንታ ፔቴ" ላኣሊሰኬናና ሐሣ ሜሌ" ዓሲያ ዓኣ።

18

ደውሎሴ ቆሮንቶሴ ዓጮ"ይዳ

1 ይካገ ደውሎሴ ዓቴናይዳገ ዔቂ ቆሮንቶሴ ዓኣዲ፥

2 ዓኣካ ጳንዮሴ ጌይንታ ዓጪዳ ሾይንቴ ዓቂላ ጌይንታ ፔቴ" ዓሲ ዳንቁ። ይማና ዓቂላ ፔኤኮ ማቸ ጲርሰቂላ ጌይንታዛና ዋላ" ዲፃሊያ ዓጮ"ይዳገ ሐገ ሙሙካ፤ ዓይጎሮ ጌዔቶ ሮሜ ዓጮ" ካኣቲ ቁላውዶሴ ዓይሁዶ ዓሳ ቢያ ሮሜ ዓጮ"ገ ኬሰካንዳጉዲ ዓይሤሢሮኬ፤ ይያሮ ደውሎሴ ዔያቶ ኮራ ዓኣዲ ዔያቶና ዋላ" ዔርቴ።

3 ዲዛኮ ማዳ" ዓዳ" ዔያቶ ጎይያ ዓገላና ማዦ ማኣሮ ሲከሢታሢሮ ዔያቶና ዋላ" ዳዒ ይና ማዳ" ማዳ።

4 ሐሣ ዓይሁዶ ዓሶኮ ሐውሾ ኬሎ"ና ኬሎ"ና ዔያቶኮ ቡኪንቶ ቤዛ ዓኣዲ ዓኣዲ ሐይሴ ኬኤዚ ዓይሁዶ ዓሶንታ ገሪኬ ዓሶንታ ዲ ኬኤዛ ባኮ ጉሙርቅንዳጉዲ ደዲሺ ኬኤዛ።

5 ሲላሴና ዓሞቴዎሴና ማቁዶኒያይዳገ ይዳዛ ደውሎሴ ቢያ ዋዶ፡- «ዩሱሴ ሜሲሔኬ» ጌራ ዓይሁዶ ዓሶሞ ማርካዲ ማርካዲ ሐሣ ዔያቶ ዔርዘኔ።

6 ጋዓንቴ ዓይሁድ ዓሳ ዒዛ ማኪ ጫሽካዛ ፔኤኮ ቶኮ ፒዊ"፡- «ማይ ዓካሪ ዒንሢ ፑርታና ዎጊንቴቴ ዒንሢ ጳቢንቴናኬ! ታና ጾኦሲ ሳ ባኣዚ" ባኣሴ፤ ሓካፓ ዓካሪ ታ ዓይሁዳ ማዒባኣ ዓሳ ባንሢ ዓኣዳንዳኔ» ጌዔኔ፡፡

7 ዬያይዲ ዔያቶይዲፓ ዲማዲ ቲቶሰ ዒዮሰጾሴ ጌይንታ ዓሲሰኬያ ማኣሪ ዴንዴኔ፤ ዬይ ዓሢ ጾኦሲ ካኣሽካያ ሓሣ ማኣራ ዒዛኮ ዓይሁድ ዓሳኮ ቡኪንቶ ቤዘኮ ኮራኬ፡፡

8 ዬማና ዓይሁድ ዓሳኮ ቡኪንቶ ቤዘ ሱኡጌ፥ ቄሪሰጳሴ ጌይንታሰኬይ ፔ ማኣሮ ዓሳ ቢያሢና ዎላ" ጎዳ ጉሙርቄኔ፤ ሓሣ ማርጌ ቆሮንቶሴ ዓጮ" ዓሲያኣ ጳውሎሴ ኬኤዛሢ ዎይዚ ጎዳ ጉሙርቄ ዎኣያና ማሰቴኔ፡፡

9 ጎዳሢያ ጳውሎሴም ዲሞና፡- «ዒጊጨፖ፥ ኬኬኤዘ፤ ዘቲ ጌዒፖ፤

10 ዓይጎር ጌዔቶ ታኣኒ ኔኤና ዎላ"ኬ፤ ሓና" ካታሜሎይዳ ታኣኮ ማርጌ ዓሲ ዓኣኔ፤ ኔ ጊዳ" ፑርታ ባኣዚ" ማዳንዳ ዓሲ ፔቴ"ታዎ ባኣሴ» ጋዓያ ፔጋሲ ዳዌኔ፡፡

11 ዬያሮ ጳውሎሴ ጾኦሲ ቃኣሎ" ዴሮ"ም ኬኤዚ ኬኤዚ ፔቴ" ሌዔና ሲላና ዒኢካ ዴዔኔ፡፡

12 ጋሊዮሴ ዓካይያ ጎዎ ዓጮ"ይዳ ዎይሣያ ማዔ ዎድ"ና ዓይሁድ ዓሳ ፔቴሞና ጳውሎሴይዳ ፑርታ ማሊሢና ዔቄ፥ ዎጎ ዎጋ ዓሳ ኮራ ዒዛ ዔኪ ዓኣዳዎ፡-

13 «ሓይ ዓሢ ዎጋ" ዓይሁዋ ጎይሢና ዓሳ ጾኦሲ ካኣሽካንዳጉዲ ዓሳ ዳቢሻኔ» ጌዔኔ፡፡

14 ዒማ"ና ጳውሎሴ ማሢ ኬኤዛኒ ጊኣጊንቴ ዓኣንቴ፥ ጋሊዮሴ ዓይሁድ ዓሳም፡- «ዒንሢ ዓይሁድ ዓሳ! ዒንሢዳ ዎንዴ ፑኡፒ ጌኔ ባኣዚ" ማዲንቴቴ ዒንሢኮ ጌኤዘ ታ ዎይዘንዳያታንቴ፥

15 ሓሢ ጌይንቴ ባኣዚ"ና ዔኤቢኮ ሱንሢና ሓሣ ዒንሢኮ ዎጊ ዘላ ዒንሢ ሞኦታቴ ዬይ ዒንሢ ሜቶኬ፤ ታኣኒ ሓያ ባኮይዳ ዎጋኒ ኮዑዎሴ» ጌዔኔ፡፡

16 ያዲ ጌዔሰካፓ ዎጎ ዎጎ ቤዛፓ «ኬሰኩዎቴ» ጌይ ዔያቶ ኬሴ"ኔ፡፡

17 ዬማና ቢያሢ ዓይሁድ ዓሳ ቡኪንቶ ቤዘኮ ሱኡጋሢ፥ ሶሰቴንሰኔ ዓርቄ ዎጎ ዎጋ ዓሳ ቤርታ ጳርቄኔ፤ ዬይ ባካ ቢያ ማዲንታኣና ጋሊዮሴ ዔኤቢ ዓቴ"ኔ ጎዑዎሴ፡፡

ጳውሎሴኮ ዓንጾኪያ ማዒያ

18 ጳውሎሴ ኪሪሰቶሴ ጉሙርቃ ዓሳና ዎላ" ማርጌ ኬሊ" ቆሮንቶሴይዳ ዴዔሰካፓ ዔያቶ «ኮሺ ዴዑዎቴ» ጌዒ ዎኣዎ

ካኣሚሎና ሶኦሪያ ዓኣጳጳ፤ ዒማ"ና ጲሪስቁላና ዓቁላና ዒዛና
ዎላ" ዓኣጳጳ፤ ዒዛኮ ናኣቢ" ዓኣሢሮ ዴንዳንዳሢኮ ቤርታ
ኪንኪሪያ ጌይንታ ቤሲዳ ቶኦኮ" ፔኤኮ ጉኡሌ"ኔ።*

19 ዩካፓ ዴንዳ ዔያታ ዔፕሶኔ ዓጮ" ሄላ"ፆ ጲሪስቁላና ዓቁላና
ዒኢካ ሓሺ" ፔኤሮ ዓይሁዶ ዓሶኮ ቡኪንቶ ቤዘ ጌሊ ዓይሁዴ
ዓሶሞ ሓይሶ ከኤዛኔ።

20 ሚርጌ ዎዴ ዔያቶና ዎላ" ዴዓንዳጉዲ ዓሳ ዒዛ ሺኢቁንቴ
ዒዚ ዔኤዒባኣሴ።

21 ጋዓንቴ፦ «ጾኦሲ ጌዔቴ ሜሌ" ዓቢ ዒንሢ ኮራ ታ ማዒ
ሙካንዳኔ» ጋዓፆ፥ ዔፕሶኔ ዓጮ"ይዳፓ ዎኣፆ ካኣሚሎና ዓኣጳጳ።

22 ዒዚ ቁሳሪያ ሄላ"ፆ፥ ዩካፓ ዩሩሳላሜ ዓኣዲ ሺኢዲፆ ማኣሮ
ዓሶ «ኮሺዳ» ጌዔሰካፓ ማዒ ዓንፆኪያ ዓኣጳጳ።

23 ዒኢካ ዳካ" ዴዔሰካፓ ጋላቲያና ፒርጊያ ዓጮ"ናይዳ ፔቴ"
ቤዛፓ ሜሌ" ቤሲ ሃንቲ ሃንቲ ኪሪስቶሴ ጉሙርቃ ዓሶ ዶዲሼኔ።

ዓጲሎሴ ዔፕሶኔና ቆሮንቶሴ ዓጮ"ናይዳ

24 ዒሰኪንዲሪያ ዓጪ ዓሲ ፔቴ" ዓጲሎሴ ጎፆ ዓይሁዴ
ዓሲሰኬይ ዔፕሶኔ ዓጮ" ሙኬኔ፤ ዒዚ ጌኤጉ ማፃኣፖ ኮሺ"
ዔራፆ ሓሣ ጌሰቶ ጎይሢ ዔሪ ጌሰታ ዓሲኬ።

25 ዩይ ዓሢ ጎዳ ዛሎ" ኮሺ" ዔራያና ዓያናና ዒናፓ ማዳኒ ማለያ
ማዒ ዩሶሴ ዛሎ" ፒዜ ከኤዚ ከኤዚ ዔርዛኔ። ያዲ ማዔቶዎ
ዒዚ ባሽ ዔራሢ ዮሓኒሴኮ ዎኣፆ ማሰኪፆ ዛሎ" ሌሊኬ።

26 ዩማና ዒዚ ጫርቁ ዓይሁዶ ዓሶኮ ቡኪንቶ ቤዛ ከኤዚሢሢ
ዓርቁኔ፤ ጋዓንቴ ጲሪስቁላና ዓቁላና ዒዛሲ ዎይዛፆ ዒዛ ዔያታ ፔ
ማኣሪ ዔኪ ዓኣዲ፥ ጾኦሲ ጎይፆ ዛሎ" ቤርታኣሰካፓ ባሼ ቡሊ"
ዒዛሞ ከኤዜኔ።

27 ዓጲሎሴ ዓካይያ ዓኣዳኒ ጋዓዛ ኪሪስቶሴ ጉሙርቃ ዓሳ
ዒዛ ማሊፆ «ቃራኬ» ጌዔኔ፤ ዓካይያይዳ ዓኣ ኪሪስቶሴ ጉሙርቃ
ዓሳ ቃራሲ ሾኦቹንሢ ዒዛ ዔካንዳጉዲ ኪኢታ ዔያቶዎ ዳኬኔ።
ዒኢካ ዒዚ ሄላ"ፆ ጾኦሲኮ ኮሹሞ ዛሎ"ና ኪሪስቶሴ ጉሙርቃያ
ማዔ ዓሶሞ ዴኤፒ ማኣዶ ማዔኔ።

28 ዎይቲ ጌዔቶ ዩሶሴ ሜሲሔ ማዔሢ ጌኤጉ ማፃኣፖይዳፓ
ዔኪ ማርካሲ ማርካሲ፥ ዴሮ" ቢያሢ ቤርታ ሚርጌና ማርሚ
ዓይሁዶ ዓሶ ላሢያናኬ።

* **18:18 ቶኦኮ" ፔኤኮ ጉኡሌ"ኔ፦** ጋዓዛ ዓይሁዴ ዓሶ ዳምቦና ናኣቢንቴ ናኣሶ" ካፒ ከንሢያ ማዒፆ ዔርዛኒ ማዳንታያኬ። **18:18** ፓይ. ማፆ 6፥18።

19

ጳውሎስ ዔፕሶኔይዳ

1 ዓጲሎስ ቆርንቶሶይዳ ዓኣ ዎዶ"ና ጳውሎስ ኬዶ" ዛሎ" ዓጮ"ና ጌዒ ዔፕሶኔ ዓኣዲ ሄሊ"፣ ዒኢካ ዳካ" ኪሪሰቶሴ ጉሙርቃ ዓሲ ዳንቃዎ:-

2 «ኪሪሰቶሴ ዒንሢ ጉሙርቁ ጎናሲ ዔካኣና ዓያና ጌኤሺ ዒንሢ ዔኪያ?» ጌዒ ያኦጮኔ። ዔያታ ማሐዎ:- «ኦኢኒ ዔኪባኣሴ፤ ሓሣ ዓያና ጌኤሺ ዓኣሢያ ኦ ዎይዚ ቤቁባኣሴ» ጌዔኔ።

3 ጳውሎስ:- «ሂዳዎ ዎዚጉዴ ዎኣሢ ማስቲሢዳይ ዒንሢ ማስቲሢ?» ዔያቶ ኮራ ጋዓዛ፣ ዔያታ:- «ዮሓኒሴ ከኤዜ ዎኣዎ ማስቲያናኬ» ጌዔኔ።

4 ጳውሎስ ገንሣ:- «ዮሓኒሴኮ ማስኪያ ጎሞ ቡኡዲዎ ዔርዛያ ማዔኔ፤ ዩማና ዴሮ"ሞ ዒዚ ከኤዛዎ ታኣኮ ገንፃፓ ሙካሢ ጉሙርቁዎቴ» ጌዒ ጌዒኬ፤ ያዲ ጌይንቴሢያ ዩሱሴኬ» ጌዔኔ።

5 ዩያ ዔያታ ዎይዛዎ ጎዳ ዩሱሴ ሱ"ንዎና ዎኣዎ ማስቲኔ።

6 ጳውሎስያ ዔያቶ ዑፃ ኩጮ ጌሣዛ ዓያና ጌኤሺ ዔያቶ ዑፃ ኬዴ"ሞ፣ ዲማ ዲማ ዳንጋና ዔያታ ጌስቲኔ፤ ያኦሲ ማሊሢያ ዔያታ ከኤዚሢ ዓርቄኔ።

7 ዩንሢ ዓሰንሢኮ ፓይዳ" ታጳ ለሞዎ ማዓያኬ።

8 ዒማ"ና ጳውሎስ ዓይሁዶ ዓሰኮ ቡኪንቶ ቤዘ ዓኣዲ ሓይሦ ዓጊኒጉዴያ ያኦሲ ካኣቱሞ ዛሎ" ማርሚሢና ሓሣ ዴሮ"ሞ ቡሊ" ከኤዚ ከኤዚ ጫርቁ ዔርዜኔ።

9 ፔቴ" ፔቴ" ዓሳ ጋዓንቴ ዒናፓ ዒፃሢና ጎዳሢኮ ጎይዎ ዴሮ" ቤርታ ጫሽኪ ጫሽኪ «ኦ ዒዛ ጉሙርቃዓ» ጋዓዛ ዔያቶ ዒ ሓሺ" ዴንዳዎ፣ ኪሪሰቶሴ ጉሙርቃዞንሢ ሌሊ ዔኪ ዓኣዲ ጂራኖሴ ጌይንታ፣ ዓሰ ዔርዞ ዳልጎ ማኣርይዳ ቢያ ከሊ" ዔርዛኔ።

10 ጳውሎስ ለሞዎ ለዔ ጉዴያ ዒዞ ጎይዎ ዒኢካ ማዴኔ፤ ዒማ"ና ዒሲያ ዓጮ"ይዳ ናንጋ ዓይሁዶ ዓሰንታ ዓይሁዴ ማዒባኣ ዓሰንታ ቢያ ጎዳኮ ቃኣሎ" ዎይዛኒ ዳንዳዔኔ።

ጳውሎስ ዛሎ"ና ማዲንቴ ባኮ

11 ኮሺ" ዲቃሣ፣ ፔ ዎልቄና ማዲንታ ዓኪ ባኣዚ" ጳውሎስ ዛሎ"ና ያኦሲ ማዴኔ።

12 ዩያይዳፓ ዔቄያና ጳውሎስኮ ዑፃ ሄሊ" ዓፒሎንታ ማኣዓሢንታ ዓሳ ዔኪ ዔኪ ሓርጊንቴ ዓሰ ዑፃ ካንሣዛ ደርዓሢዳፓ ዓሳ ዳቃኔ፤ ሓሣ ፑርቶ ዓያናኣ ዓሰይዳፓ ኬስካኔ።

19:4 ማቴ. 3፣11፤ ማር. 1፣4፤ 1፣7-8፤ ሉቃ. 3፣4፤ 16፤ ዮሐ. 1፣26-27።

13 ፑርቶ ዓያኖ ዓሶይዳፓ ኬሲ" ኬሲ" ሃንታ ፔቴ" ፔቴ" ዓይሁዶ ዓሳ:- «ጳውሎሴ ኬኤዛ፥ ዩሱሴ ሱንገያና ዒንሢ ኬሰካንዳጉዲ ኑ ዒንሢ ዓይሣኔ» ጌዒ ጌዒ ፑርቶ ዓያኖ ዓሶፓ ኬሳ"ኒ ማሌኔ።

14 ዬኖ ማዳሢ" ዓይሁዶ ቄኤሶኮ ሱኡጋሢ፥ ዓሰቁዋ ጎጾሢኮ ለንካይ ናይሰከንሢኮ።

15 ጋዓንቴ ፑርቶ ዓያኖሢ:- «ዩሱሴ ታ ዔራኔ! ጳውሎሴ ዛሎ"ዎ ታ ዔራኔ! ሐይ ዒንሢ ጾናንሢዳጾ?» ዔያቶ ኮራ ጌዔኔ።

16 ዒማ"ና ፑርቶ ዓያኖ" ዓርቄ ዓሢ ኮኦሚ ጨኤሊ" ዓርቄ ዓርቄ ዔያቶ ባሼኔ፤ ዩካፓ ዔያታ ሱጉቲ፥ ኪፃዲ ሐሣ ዓፕላ"ኦ ዔያቶኮ ዳርዔም ጋራፓ ጳሽኪ ኬሰኪ ዳንዴ።

17 ዬይ ባካ ዔፕሶኔይዳ ናንጋ፥ ዓይሁዳ ማዒባኦ ዓሶና ዓይሁዶ ዓሶናም ዋይዚንቴሢኮ ሲያሢ ዒጊጨኔ፤ ጎዳ ዩሱሴኮዋ ሱንገ ወርጌና ቦንቸንቴያ ማዔኔ።

18 ኪሪሰቶሴ ጉሙርቃ ዓሶይዳፓ ማርጌሢ ፑርቶ ማድ" ፔኤኮ ፔጌና ቡኡዒ ቡኡዒ ሙካኔ።

19 ማርጌ ማርሻ ማርሻ ዓሳ ፔኤኮ ማርሻሢ ማፃኦፓ ቡኩሲ ዴሮ" ቤርታ ታሚና ማቸኔ፤ ዬያ ማፃኦፓ ማኢሻ ደንጊታሚ" ሺያ ሹቸ ቢራ ማዓያኔ።

20 ዬያይዲ ጎዳሢኮ ቃኦላ" ማርጌና ዳልጊ ዳልጊ ሐሣ ባሺ ባሺ ዳንዴ።

ዔፕሶኔይዳ ዔቁ ዣላሢ

21 ዬይ ቢያ ማዔሢኮ ጊንፃ ጳውሎሴ ማቁደኒያና ዓካይያ ዓጮ" ጊዴና ጌዒ ዩሩሳላሚ ዓኦዲጊ ፔ ማሊሢና ማላዎ:- «ዒኦካ ታ ሄሌ" ሰካፓ ሮሜ ዓጮ" ዓኦዲንዳያ ኮይሳኔ» ጌዔኔ።

22 ዬያሮ ዒዛና ዋላ" ማዳ ዓሶይዳፓ ለምጾንሢ፥ ዒሞቴዎሴና ዔራሰጾሴና ማቁደኒያ ዓጮ" ዳኪ ዒዚ ፔኤሮ ዒሲያይዳ ዳካ" ኬሊ" ዳዔኔ።

23 ዬማና ጎዳሢ ጎይያ ዛሎ"ና ዔፕሶኔይዳ ዴኤፒ ዣላ ዔቁኔ።

24 ፔቴ" ዴማሮሴ ጌይንታ ማኢሹ ዲዓሰኬይ ዓርፃሚሴ ጌይንታ ሺኢጲያ ማኦር ማላ ባኦዚ" ቢራ ዓንጊና ዲይ ማዢ ማዢ ቢሮ" ዲዓ ዓሶም ማርጌ ባኦዚ" ዳንቁሳኔ።

25 ዬይ ዓሢ ዬያቶ፥ ቢሮ" ዲዓ ዓሶና ዔያቶጉዴያ ማድ" ማዳ ማሌ" ዓሶ ቡኩሳዎ:- «ዓሲዮቴ! ኑኡኒ ቆሎ ዳንቃሢ ሐኖ" ማድ"ና ማዒሢ ዒንሢ ዔራኔ፤

26 ሐይ ጳውሎሴ ጎጾሢ ዓሲ ኩቸና ማዢንቴ ማላሢ ካኦሽኮ ባኦዚ"ቴዎሴ" ጌዒ ጌዒ ዔፕሶኔ ዓጮ"ይዳ ሌሊቲዎንቴ ዳካ" ዓጪ ሌሊ ዓታዛ ዒሲያ ዓጮ" ቢያይዳ ዋኦዴ ዓሲ ዒዚ ጎኔኬ

ጌይሲ፤ ሐሣ ከሪሰቶሴ ጉሙርቃንዳጉዲ ማሃቶዋ ዒንሣ ዒንሣ ቶኦኪና ዛጌሣና ዋይዜሣና ጉዲኬ።

27 ዬያ ዛሎ"ና ሐይ ኦኡኮ ማዳ" ለሃንታንዳኔ ጌይሣኬ፤ ሐሣ ዬያ ሌሊቱዋንቴ ዒሲያና ዓጮ" ሲያሣናይዳ ዓኣ ዓሳ ሲያ ካኣሸካ፣ ዳኤፖ ዓርፄሚሴ ሺኢጲያ ማኣራላ ጉሪ ማዒ ዓታኒኬ፤ ዒዛኮ ዳኤፖማኣ ማይ ጋፓኒኬ» ጌዔኔ።

28 ዓሳ ዬያ ዋይዛያ ዳጋዲ፡- «ዔፕሶኔይዳ ዓኣ ዓርፄሚሴ ሺኢጲያ ማኣራ ዳኤፕኬ!» ጌዒ ጌዒ ዒላቴኔ።

29 ካታሚላ ዬያ ዣላሣዳፓ ዔቁያና ካራ ባይዜኔ፤ ዴራ" ማቁዳኒያ ዓጮ" ሸይንቲ ማዔ ላምዎ ጳውሎሴኮ ላጎንሣ፣ ጋይዮሴና ዓሪሰፂሮኮሴና ዓርቂ ጎቺ ጎቺ ዴራ" ቡኪንታ ቤዞ ዔኪ ጳሸኬኔ።

30 ጳውሎሴ ዬማና ዴሮ" ባንሣ ዓኣዳኒ ኮዔንቴ ከሪሰቶሴ ጉሙርቃ ዓሳ ዒዛ ላኣጌኔ።

31 ዒሲያ ዓጮ"ይዳ ዓኣ ዋይሣ ዓሳይዳፓ ፔቴ" ፔቴ" ዒዛ ናሽካዞንሣ ጳውሎሴ ኮራ ዓሲ ዳኪ፡- «ኔኤኒ ዓሳ ቡኪንታ ቤዞ ዓኣዲ፣ ዒኢካ ኔ ጳዲዋጉዲ» ጌዒ ዒዛ ሺኢቁኔ።

32 ዒማ"ና ዴሮ" ባኣኮ"ይዳ ዳኤፕ ዣላ ዓኣሣሮ ባሼሣ ዓይጎሮ ቡኪንቶቴያ ፔቴ"ታዎ ዔሩዋሴ፤ ዬያይዳፓ ዔቁያና ፔቴ" ዓሲ ፔቴ" ባኣዚ" ጌዒ ዒላታዛ፣ ማሌ"ሣ ማሌ ባኣዚ" ጌዒ ጌዒ ዒላታኔ።

33 ፔቴ" ፔቴ" ዓይሁዳ ዓሳ ዒሰኪንዲሬ ጌይንታ ዓሣ ዔቁ ጌሰታንዳጉዲ ሃዎሣጉዲ ዋኦቲ ዴሮ" ቤርቶ ሺኢሸኔ፤ ዛሎ" ዓሳ ሐሣ ዒዚ ኮሸ" ማርማንዳጉዲ ዒዛ ዞሬኔ፤ ዬያሮ ዒሰኪንዲሬ ዴራ" ዚቲ ጋዓንዳጉዲ ኩቺና ቤኤዛያ ጌኤዞ ማሃንዳ ጌኤሲ ጌሰታኒ ጌኢጊንቴኔ።

34 ጋዓንቴ ዒሰኪንዲሬ ዓይሁዳ ዓሲ ማዔሣ ዴራ" ዔራዎ፡- «ዔፕሶኔይዳ ዓኣ ዓርፄሚሴ ዳኤፕኬ!» ጌዒ ሲያሣ ፔቴ" ዑኡሲና ማርጌ ኔጊ ዒላቴኔ።

35 ጋፕንያይዳ ካታሞኮ ፃኣፓሣ ዴሮ" ዚቲ ጌይሳዎ፡- «ዔፕሶኔ ዓጪ ዓሲዮቴ! ዔፕሶኔ ካታሞይዳ ናንጋ ዓሳ ዳኤፖ ዓርፄሚሴ ጌይንታ ሺኢጲያ ማኣራሎና ጫሪንጫፓ ኬዴ" ዒዛኮ ማላሣና ካፓያ ማዒሣ ሲያሣ ዔራያኬ።

36 ዬያ ዔሩዋሴ ጋዓንዳይ ያኣኒያ ባኣሣሮ ዚቲዮ ዒንሣ ጋዓንዳጉዲና ሩኡሪ ፑርታ ባኣዚ" ማዲሣዳፓ ዒንሣ ካፕንታንዳያ ኮይሳኔ።

37 ጌኤዦ ሺኢጲያ ማኣሮ ቡሪባኣ ዓሲና ኦኡኮ ካኣሸኮ ያኣዞ ጫሸኪባኣ ዓሲ ሐይካ ዒንሣ ጉሪ ዔኪ ሙኬኔ።

38 ደሜደርሴንታ ዒዛና ዎላ" ዓኣ ቢሮ" ደዓ ዓሳ ኬኤዛ ባኣዚ" ዓኣቶ ጌኤዛ ዛጊ ዎጊንታኒ ማሌ" ኬሊ" ዓኣኔ፤ ሓሣ ዬኖ ዛሎ"ና ቢታንታ ዓኣ ዓሳኣ ዓኣኔ፤ ዒኢካ ዔያታ ሞኦቶንጎ።

39 ማሌ" ዒንሣ ኮዓ ባኣዚ" ዓኣታቶ ዳምቤና ጌሰቲ ዎጋንዳጉዲ ጌይንቴ ዓሶና ዛጊንታንዳ።

40 ሐያ ማዲንቴ ባኮ ዛሎ"ና ዔያታ ዣላሣ ዔቁሲሴኔ» ጌይ ኑና ያኦጪሱዎጉዲ ኑና ዒጊቻኔ፤ «ሐይ ዣላሣና ፑርቶ ባካ ዓይጎ ዛላና ዔቁይ?» ጌይ ኑና ያኦጮናቶ፣ ማሂ ኑ ኬኤዛንዳ ባኣዚ" ባኣሴ» ጌዔኔ።

41 ያዲ ጌዔሰካፓ ቡኪንቶ ላኣሌኔ።

20

ጳውሎሴኮ ማቄደኒያና ጊሪኬ ዓጮ"ና ዓኣዲያ

1 ዣላሣ ዚቲ ጌዔሰካፓ ጳውሎሴ ኪሪሰቶሴ ጉሙርቃ ዓሶ ፔቲ"ይዳ ዔኤሊ"ሲ ዘሮ ቃኣላና ደዲሺ፡- «ኮሺ ዴዑዎቲ» ጌዒ ማቄደኒያ ዓኣዲኔ።

2 ዒዚ ጊዴና ዓኣዲ ቤዘይዳ ዓኣ ኪሪሰቶሴ ጉሙርቃ ዓሶ ማርገና ዘሪ ደዲሺ ደዲሺ ጊሪኬ ዓጮ" ዓኣዲኔ።

3 ዒኢካ ዒዚ ሐይሆ ዓገኒ ዴዒ፣ ዬካፓ ዎኣያ ካኣሚሎና ሶኦሪያ ዓጮ" ዓኣዲኒ ማሌኔ፤ ጋዓንቴ ዓይሁዶ ዓሳ ዒዛይዳ ፑርታ ማላሣ ማሌሣ ዒ ዔሬ ዎዶ"ና ማቄደኒያ ዓጮ" ጊዴና ዓኣዲኒ ጌዔኔ።

4 ጳደርሴ ናኣዚ" ሱሲ ጎዎሣ ቤኤሪያይዳ፣ ዓሪሰደርኮሴና ሲኮንዶሴና ቲሰሎንቄይዳ፣ ጋይዮሴ ዴርቤይዳ፣ ቲኪቆሴና ደርፒሞሴና ዒሲያ ዓጮ"፣ ሓሣ ደሞቴዎሴያ ዒዛና ዎላ" ዓኣዲኔ።

5 ዔያታ ቤርታዲ፣ ቢሪ ዓኣዲ ደርዓዲይዳ ኑና ካፔኔ።

6 ኑኡኒ ጋዓንቴ ላኣዶ ሙዒ ቦንቾ ኬሎ"ኮ ጊንፃ ፒልጲሲዮሴይዳ፣ ዎኣያ ካኣሚሎና ደንጎ ኬሊ" ሐንቴ፣ ዔያታ ዓኣ ቤዘ ደርዓዲ ሄሊ" ዒኢካ ላንካይ ኬሊ" ኑ ዴዔኔ።

ጳውሎሴ ጋፒንሣ ደርዓዲ ዓጮ" ዛጌሣ

7 ቁዳሜ ዎንቴ ዉዴ ባንሣ ካራኒ ዑካኣና * ካሣ ሙዒኒ ሓሣ ጎዳ ካዎሣያ ሙዒኒ ፔቲ"ይዳ ኑ ቡኪንቴኔ፤ ጳውሎሴ ዚር

* 20:7 ቁዳሜ ዎንቴ ዉዴ ባንሣ ካራኒ ዑካኣና- ጌይንቴዛ ቃልሾ ኬሎ"ኮ ቤርታሳ ኬሎ" ጌይዮከ።

ጉቴ" ሎ ዓኣዳኒ ጌዔያ ማዕሚር ቡኪንቴ ዓሶም ሓይሴ ኬኤዘያ፡
ሃይሶ ሳያኮ ዳንዲ ጊዲሚሺ ሄላ"ንዳኣና ያድሲ ጌሰቴኔ።

8 ኑኡኒ ቡኪንቴ፡ ኩሶጉዲ ዋሊ ዑፃ ዑፃ ማዢንቴ ማኣርይዳ
ሚርጌ ፖዒ ዓኣኔ።

9 ዔውዲኮሴ ጌይንታ ፔቴ" ዳጌሰኬያ ኬኤያኮ ፑልቶ ካራ" ዳዒ
ዓኣንቴ ጳውሎሴ ጌኤዘ ያድሴሚር ዳጌ ናዓሢ ጊንዓ ዓርቃዛ
ጊንዒቤቃ ጊንዓሢ ባሼም ዋሊኮ ዑፃ ዑፃ ማዢና ማኣርኮ
ሐይሣሳሢዳፓ ኬዲ" ሎኦሜኔ፤ ዩካፓ ዓሳ ዔቁሳኣና ናማ
ሃይቄያኬ።

10 ጋዓንቴ ጳውሎሴ ሎፓ ኬዲ" ሂርኪ ጌይ፡ ናማ ኮንቂ
ዓርቃያ፡- «ናማ ሼምፔና ዓኣኔ፤ ዲቃቴፖቴ» ጌዔኔ።

11 ዩካፓ ጳውሎሴ ጊንሣ ዑያ ኩሶ ማኣር ኬሰከ፤ ጎዳ ካዋሢና
ካሦና ኪሪሰቶሴ ጉሙርቃ ዓሶና ዋላ" ሙዔኔ። ሳዓ ካራንዳያ
ሄላ"ንዳኣና ዓሶና ዋላ" ጌሰታያ ዳንዳኔ።

12 ዓሳ ሐይቄያ ዳቄ፡ ዳጌ ናዓሢ ማኣሪ ዔኪ ዓኣዳኔ፤ ሐሣ
ኮሺ"ያ ዶዳኔ።

ጳውሎሴኮ ፃርዓዳይዳፓ ሚሊዲ ዓኣዲያ

13 ኑኡኒ ጳውሎሴ ዔኪ ዓኣዳኒ ማሌሢር ቤርታዲ ዋኣያ
ካኣሚሎና ዓሶሳ ኑ ዳንዳኔ፤ ዩያ ኑ ማዳሢ' ጳውሎሴ ዓሶሳ ዳንዲ
ሄላ"ንዳኣና ቶኪና ዓኣዳኒ ኮዔሢርና ሐሣ ኑ ዩያይዳንዳጉዲ ኑና
ዒ ዓይሢሢርኬ።

14 ዩካፓ ዒዛና ኑ ዓሶሳይዳ ካኣማያ፡ ዋኣያ ካኣሚሎ ዒዛ
ቶጊሲ ዔኪ ሚሊዲ ዓጮ" ዋላ" ኑ ዓኣዳኔ።

15 ዩካፓ ዚር ጉቴሎ ዔቂ ኪዮሴ ጌይንታ ዓጮ"ኮ ቤርቶ ዛላ"
ዓኣ ቤዘ ኑ ሄሌኔ፤ ላማሳ ኬሎ" ሳሞኔ ፒንቃያ ጉቴና ሚሊዲ ኑ
ሄሌ"ኔ።

16 ጳውሎሴ ዒሲያይዳ ዋደ" ጉሪ ኩርሱዋጉዲ ጌዒ ዔፕሶኔ
ዓጮ"ኮ ኮርሳ ዓኣዳኒ ኮዔኔ፤ ዓይጎር ጌዔቶ ዓይሁዶ ዓሶኮ
ጳንዩቆሰዩ ጌይንታ ቦንቾ ኬሎ" ዋይቴቴያ ዩሩሳላሚ ሄላ"ኒ ዒ
ማሌሢርኬ።

ጳውሎሴ ዔፕሶኔ ሺኢዲያ ማኣር ጨሞም ኬኤዜ ዔልቃም

17 ጳውሎሴ ሚሊዲዳፓ ዔፕሶኔ ኪኢታ ዳኪ፡ ሺኢዲያ ማኣርኮ
ጨሞ ዔኤሊ"ሴኔ፤

18 ዩካፓ ዔያታ ዒዛ ኮራ ሙካዛ ዒዚ ዔያቶም ኬኤዘያ፡-
«ዒሲያ ዓጮ" ታ ጌሌ ኬላ"ፓ ዓርቂ ቢያ ኬሊ" ዒንሢና ዋላ"
ታኣኒ ዋይቴ ናንጌያታቴያ ዒንሢ ዔራኔ፤

19 ዓይሁድ ዓሳ ታ ጊዳ" ፑርቶ ማዳ ዛሎ"ና ሜታ ታና ሄሌ"ታቴያ ጉቤ ዒናፓ ማዔ ሸሌዐ-ሞና ሐሣ ሚርጌ ዓቢሢና ታ ጎዳሢም ታ ማዳኔ።

20 ዓሳ ቡካ ቤዘይዳ ማገም ዒንሢኮ ማኣራ ማኣራ ታ ዒንሢ ዒርዘ ወድ"ና ዒንሢም ኮይሳ ባኣዚ" ቢያ ታ ኬኤዜኔ፤ ፔቴ"ታጾ ዓይሴ ባኣዚ" ባኣሴ።

21 ዓይሁድ ዓሳ ማዔቶዋ ዓይሁዳ ማዒባኣ ዓሳ ጎሞ ቡኤዳ ጾኦሲ ባንሢ ሙካንዳጉዲና ሐሣ ጎዳ ዬሱሰ ኪሪሰቶሴ ጉሙርቃንዳጉዲ ዔያቶም ታ ላቴኔ።

22 ሐሢያ ታ ዒኢካ ሄላ"ዛ ታ ጊዳ" ዓይጌ ማዳንታንዳቴያ ታ ዔሩዋዎ፣ ዓያና ጌኤሺም ዓይሢንቲ ዬሩሳላሜ ታ ዓኣዳኔ።

23 ጋዓንቴ ታ ዔራሢ" ታኣኒ ዴንዳ ካታሞይዳ ቢያ ቴኡሲና ሜቶና ታና ሄላ"ንዳሢ ዓያና ጌኤሺ ታኣም ላቲ ኬኤዜማ ሌሊኬ።

24 ታኣኒ ጋዓንቴ ታኣኮ ማድ" ኩንሢንቴ ሐሣ ጎዳ ዬሱሴ ታኣም ዒንጌ ማድ" ታ ማዳንቴ ሐይቄቴያ ሜታ ባኣሴ፤ ታኣኮ ማዳ" ጾኦሲ ፔ ኮሹሞና ታኣም ዒንጌ ኮዦ ሐይሶ ኬኤዚሢከ።

25 «ሃኖ" ሄላ"ንዳኣና ዒንሢ ቢያሢ ባኣካ" ታ ሃንቲ ሃንቲ ጾኦሲኮ ካኣቱሞ ዛሎ" ኬኤዜኔ፤ ሐይካፓ ሴካ ጋዓንቴ ዒንሢዳፓ ፔቴ" ዓሲታጾ ታኣኮ ዓኣፖ ካሮ" ማሊ ዛጊንዲሞኣሢ ታ ዔራራ።

26 ዓካሪ ዒንሢዳፓ ፔቴ" ዓሲታጾ ባይቄቶ ታና ጾኦሲ ባኣዚ" ባኣያ ማዔሢ ሐኖ" ታ ዒንሢም ኬኤዛኔ።

27 ዓይጎር ጌዔቶ ጾኦሲኮ ማሊያ ቢያ ዒንሢም ታ ኬኤዜያፓዓቴም ፔቴ"ታጾ ታ ዓይሴ ባኣዚ" ባኣሴ።

28 ዓያና ጌኤዦ ቆልሞኮ ሄንቃ ዓሲ ማሢ ዒንሢ ደኡሬኔ፤ ዓካሪ ዒንሢ ቶኣኮ"ና ዒንሢ ሄንቃ ቆልሞ ዛሎ"ናሮ ዒንሢ ኮሺ" ዔሩዋቴ፤ ጎዳ ፔ ሱጉዎና ሻንቄ ፔኤም ማሄ፣ ሺኢጲያ ማኣሮ ዓሶ ሄንቄዋቴ።

29 ታኣኒ ዓኣዳሰካፓ ቆልሞም ሚጨንቴዋያ፣ ያኣዮጉዳ ዓሲ ዒንሢ ባኣኮ" ጌላንዳሢ ታ ዔራራ።

30 ዬያጉዲ ሐሣ ዒንሢ ባኣካ"ፓ ፔቴ" ፔቴ" ዓሲ ዔቄ ኪሪሰቶሴ ጉሙርቃ ሚርጌ ዓሶ ፔ ባንሢ ማሃኒ ዋሶ ማዔ ዔርዚሢ ዔርዘንዳኔ።

31 ዬያሮ ዒንሢ ፔቴ" ፔቴ"ሢ ታኣኒ ሐይሦ ሌዔ ዋንቴና ሮኦሪና ዓቢሢና ዬኤኪ ዬኤኪ ዘሪያ ማዔሢ ጳቂሢ ጳቂሢ ደዲዋቴ።

32 «ሐሢ ታኣኒ ጾኦሲ ዒንሢ ካፓንዳጉዲ ዒዛም ዓኣሢ ዒንጋኔ፤ ዒንሢ ጾኦሲኮ ዴኤፖ ኮሹሞ ዛሎ" ኬኤዛ፣ ኪኢቶ"

ጳጳረሁዋቴ፤ ዩይ ኪኢታ" ዒንሢ ማእዳ"ንዳኔ፤ ሐሣ ያኦሲ ዓሶ ማዒያና ዒንሢሮ ማዒ ባኮ ዒንሢም ዒንጋንዳኔ።

33 ታኣኒ ያኦኮ ቢራኣ ማዖም ዋርቄ፤ ሐሣ ማእዖ ዛገ ሱኡካዲ ባኣሴ።

34 ታ ኩቸና ማዲ ማዲ ታናንታ ታ ላጎንታ ታኣኒ ማእዳ"ሢ ዒንሢ ዒንሢ ቶኣኪና ዔራኔ።

35 ዔዔካያይዳገ ባሼ ዒንጋያ ዓንጃንቴያኩ» ጋዓ፣ ጎዳ ዩሱሴኮ ቃኣሎ" ጳጳሢ ጳጳሢ ኑ ኩቸ ኑ ማዲ ማዲ ላቢንቴ ዓሶ ማእዳ"ንዳያ ኮይሳሢ ማርጌ ጎይሢና ታ ዒንሢ ዳዌ።» ጌዔ።

36 ዩካገ ጸውሎሴ ቢያሢና ዋላ" ጉምዓቲ ያኦሲ ሺኢቄ፤

37 ዒማ"ና ቢያሢ ዩኤካዖ፣ ጸውሎሴ ኮንቂ ኮንቂ ሄርቄ።።

38 ጌቶ ዔያቶ ኮሺ" ያዩሴዛ፡- «ሐካገ ሴካ ታኣኮ ዒንሢ ዓኣገ ካሮ" ዛገንዲዋሴ» ዒዚ ጌዔዘኩ። ዩካገ ዳንዲ ዋኣዖ ካኣሚሎ ሄላ"ንዳኣና ዒዛ ዔያታ ጎይሢ ዓኣሄ።።

21

ጸውሎሴኮ ዩሩሳሌማ ዓኣዲያ

1 ዔያቶይዳገ ኑ ዲማዲሢኮ ገንፃ ዋኣዖ ካኣሚሎ ቶገ ዔዔቃዖ ቆሴ ጌይንታ፣ ዋኣሢ ሳዛይዳ ዓኣ ዓጪ ኑ ዓኣዲ፤ ዩካገ ዚሮ ጉቴ"ሎ ዋኣዖ ሳዛ" ዓኣ ሩዴ ጌይንታ ዓጪ ኑ ሄሊ"። ዒኣካገ ጳጳራ ካታም ኑ ዴንዴ።።

2 ዒዘ ቤዘይዳገ ፒንቄ ዓጮ" ዓኣዳ ዋኣሢ ካኣሚሎ ዴንቃዖ ዒዘ ቶገ ገንሣ ኑ ዓኣዲያ ዓርቄ።።

3 ዋኣዖ ሳዛ"ይዳ ዓኣ ቆጲሮሴ ዓጮ" ሻውሎ" ዛሎ"ይዳ ሐሺ"፣ ሶኦሪያ ዓጮ" ኑ ዓኣዲሴቃ ባዘ" ዓጮ ዓኣ ጂሮሴ ኑ ዴንዴ፤ ዓይጎሮ ጌዔቶ ዋኣዖ ካኣሚላ ጫኣኒንቴ ባኮ ዒኣካ ኬይሳንዳያ ኮይሳሢሮ።።

4 ዒዘ ቤዘይዳ ኪሪሰቶሴ ጉሙርቃ ዓሶ ኮዒ ኑ ዴንቃዖ፣ ዔያቶና ዋላ" ላንካይ ኬሊ" ዴዔ።። ዔያታኣ ዓያና ጌኤሺ ዔያቶም ኬኤዛዛ ጸውሎሴም፡- «ዩሩሳሌማ ዴንዲገ» ጌይ ኬኤዜ።።

5 ዒኣካ ኑ ዴዓ ዋዳ" ጋፔም ዔያቶይዳገ ኑ ዲማዲ ሐንቲያ ዓርቃዛ፣ ቢያሢ ፔኤኮ ላኣሎና ናኣቶ"ና ዋላ" ማዒ ካታምኮ ዙሎ" ሄላ"ንዳኣና ኑና ጎይሢና ዓኣሢ ባዘ" ዓጮ ኑና ሄሊ"ሴም፣ ዒኣካ ጉምዓቲ ያኦሲ ኑ ሺኢቄሰካገ ዋላ ኑ ሳራሢ ዲማዴ።።

6 ዩካገ ኑኡኒ ዋኣዖ ካኣሚሎ ቶገ ዴንዲዛ ዔያታ ፔ ማኣሮ ባንሢ ማዒ።።

7 ዲሮሴይዳፓ ዲቂ ባዘ" ጊዴና ሓንቲያ ኑ ኩርሴሰካፓ
ጳጳሌማይሴ ጌይንታ ዓጮ" ሄሊ"፥ ዲኢካ ኪሪሰቶሴ ጉሙርቃ
ዓሶና ዋላ" ካኣሚ ዋሊ «ኮሺዳ?» ጌዔሰካፓ ዔያቶና ዋላ" ፔቴ"
ኬሊ" ኑ ፔኤቄኔ።

8 ዚሮ ጉቴ"ሎ ዒኢካፓ ኬሰኪ ቂሳሪያ ዓጮ" ዓኣዲ፥ ዲኢካ
ያኦሲ ማኣራ ማዳንዳጉዲ ዶኦሪንቴ ላንካዎ ዲ=ያቆኖንሚዳፓ*
ፔቴ"ሚ ማዔ፥ ኮዦ ሓይሶ ኬኤዛ፥ ፒልጶሴ ማኣሪ ጌላፓ ዒዛና
ዋላ" ኑ ዴዔኔ።

9 ዒዛኮ ያኦሲ ማሊሢ ኬኤዛ፥ ያይዶ ዉዲሮ ናይ ዓኣኔ።

10 ሚርጌ ኬሊ" ዲኢካ ኑ ዴዔሰካፓ ዓፓሶሴ ጌይንታ ያኦሲ
ማሊሢ ኬኤዛሰኬይ ዪሁዳ ዓጮ"ፓ ሙኬኔ።

11 ዩይ ዓሢ ኑ ባንሢ ሙካፓ ጳውሎሴኮ ቃልሾ ዔኪ ፔኤኮ
ኩጮና ቶኮና ቱኪ"፡- «ዓያና ጌኤሺ ሃኖ" ቃልሹሎኮ ዓዶ
ዬሩሳላሜይዳ ዓኣ፥ ዓይሁዶ ዓሳ ሓይማይዲ ቱኪ" ዓይሁዶ
ማዒባኣ ዓሶሞ ዒንጋንዳኔ ጋዓኔ» ጌዔኔ።

12 ዩያ ኑኤኒ ዋይዛፓ ኑናንታ ዲኢካ ዓኣ ዓይሁዶ ዓሶንታ
ጳውሎሴ ዬሩሳላሜ ዳንዱዋጉዲ ሺኣቄኔ።

13 ጳውሎሴ ጋዓንቴ፡- «ሓያይዲ ዬኤኪ ዬኤኪ ዓይጎሮ ዒንሢ
ታኣኮ ዒኖ ዲኡዛይ? ታኣኒ ጎዳ ዬሴሴ ሱ"ንፓ ዛሎ"ሮ
ዬሩሳላሜይዳ ቱኡቲሢሮ ሌሊቱዋንቴ ሓይቃኒያ ጊኢጊንቴያኬ»
ጌዒ ማሄኔ።

14 ኑ ዘራ ዘሮ" ዒ ዔኮ ዒፃዛ፡- «ማይ ያኦሲ ማሊሢ ማፖንጎ»
ጌዒ ኑ ሓሽ"ኔ።

15 ዒኢካ ኑኤኒ ዳካ" ኬሊ" ዴዔሰካፓ ኑኡኮ ዓኣ ሜሆ" ኑ
ጊኢጊሺ ዬሩሳላሜ ዓኣዴኔ።

16 ቂሳሪያይዳ ዓኣ፥ ፔቴ" ፔቴ" ኪሪሰቶሴ ጉሙርቃ ዓሳ ኑኡና
ሙኪ፥ ሚናሶኔ ጌይንታሢ ማኣራ ኑ ዴዓንዳጉዲ ዒዛ ማኣሮ ኑና
ዳዌኔ። ዩይ ዓሢ ቤርታዲ ኪሪሰቶሴ ጉሙርቄያ፥ ቆጲሮሴ
ዓጮ"ይዳ ሾይንቴ ዓሲኬ።

ጳውሎሴ ዬሩሳላሜይዳ ያይቆኦቤ ዛጌሢ

17 ዬሩሳላሜ ኑ ሄላ"ዛ ኪሪሰቶሴ ጉሙርቃ ዓሳ ዋዛና ኑና
ሾኦቹንሢ ዔኬኔ።

* 21:8 ዲያቆኔ፡- ጌይንታ ዓሳ ሺኢጲያ ማኣሮይዳ ዋይሢ ዓሶ ዴማ" ማዒ ዴማ ዴማ
ማዴ ማዴ ዓሲኬ፤ ዬና ዓሳ ሚናኣ ዋዶ"ና ባሽ ሺኢጲያ ማኣሮይዳ ዜኤሮ ዒንዶና ሜታዴ
ዓሶናሞ ኮይሳ ባኣዚ" ዒንጊ ዒንጊ ቶኦኮ" ዛፓያኬ። 21:8 ዳኪ. ማድ" 6፥5፤ 8፥5።

18 ዚሮ ጉቴ"ሎ ጳውሎስ ኑኡና ዎላ" ያይቆኦቤ ኮራ ዓኣዳኔ፤
ዒኢካ ሺኢጲ ያማኣሮኮ ጨማ ዓኣኔ።

19 ጳውሎስ ቢያሢ «ኮሺዳ?» ጌዔሰካፓ ዒዛ ዛሎ"ና ዓይሁዴ
ማዒባኣ ዓሶ ባኣካ" ያኦሲ ማዴ ባኮ ቢያ ፓይዲ ፓይዲ ኬኤዜኔ።

20 ዬያ ዎይዜ ዎዶ"ና ቢያሢ ያኦሲ ጋላታዎ ጳውሎስም፡-
«ዒሻሢዮ! ማርጌ ሺያና ፓይዲንታ፡ ኪሪሰቶሴ ጉሙርቃ ዓሲ
ዓይሁዶ ዓሶ ባኣካ" ዓኣያ ማዔሢና ሓሣ ቢያሢ ሙሴ ዎጎ ዓርቁ
ካፓያ ማዔሢ ኔኤኒ ዔራኔ፤

21 ኔኤኒ ዓይሁዴ ማዒባኣ ዓሶ ባኣኮ"ይዳ ናንጋ፡ ዓይሁዶ ዓሶ
ቢያ ሩኣቶ"ኮ ዒንሢኮ ዓቲንቶ ቤርቶ ቲቁፖቴ፤ ሓሣ ዎጎዎ
ከንሢፖቴ፤ ጌዒሢና ሙሴ ዔርዜ ዎጎ ዓሳ ሓሻ"ንዳጉዲ ማሓኔ
ጌይንቴሢ ኑ ዎይዜኔ።

22 ማይ ዎዴቴ ኮሽካንዳይ? ሙኪያ ኔኤኮ ዔያታ ጎኔና
ዎይዘንዳኔ፤

23 ዬያር ኑኡኒ ጋዓ ባኮ ማዴ፤ ኑ ባኣኮ"ይዳ ናኣቢ" ዓኣ ያይዶ
ዓሲ ዓኣኔ።

24 ዔያቶ ዔኪፓፓ ዔያቶና ዎላ" ማዒ ኔና ጌኤሹ፤ ቶኦኮ" ጋፓሮ
ዔያታ ጉኡሊ"ንታንዳጉዲ ጌኤዦ ማኣሮም ዒንጊንታ ማኢሾ
ዔያቶም ጨጌ፤ ዬያ ኔ ማዴቶ ኔ ዑፃ ጌሰቲንታ ጌኤዛ ጉሪ ማዔሢና
ኔኤኒያ ኔ ቶኦኪና ሙሴ ዎጎ ከንሢያ ማዔሢ ቢያሢ ዔራንዳኔ።

25 ኪሪሰቶሴ ጉሙርቃ፡ ዓይሁዴ ማዒባኣ ዓሶ ዛሎ" ጋዓንቴ
ሩሜሌ" ካኣሺም ሹኪንቴ፡ ዒኢቴ ባኣዚ" ሙዒፖቴ፤ ሱጉሢያ
ዑሽኪፖቴ፤ ሱጉሢ ሾኦቲ ባኣንቴ ጨኡሊ"ንቴ ሓይቁ ቆልሞ
ሙዒፖቴ፤ ማቾ ሓሣ ዓኒ ማዒባኣና ላሢሢና ዬያጉዴ ባኣዚ"
ማዲፖቴ፤ ጋዓያ፡ ኑኡኒ ዎላ" ጌሰቲ ዔቁሴ ኪኢታ ዔያቶም ኑ
ዳከኔ» ጌዔኔ።

26 ዬካፓ ጳውሎስ ዓሶንሢ ዔኪ ዚሮ ጉቴ"ሎ ዔያቶና ዎላ"
ዑያ ጌኤሾ ዎጎ ከንሢኔ፤ ጌኤሽኪንቶ ከላ" ዎኣዒ ማዓቴያ ሓሣ
ፔቴ" ፔቴ" ዓሶ ዛሎ" ያኦሲም ዒንጎ ባካ ዒንጊንታሢ ዓይዲታቴያ
ዔርዘኒ ጌኤዦ ማኣሪ ዒ ጌሌኔ።

ጳውሎስ ጌኤዦ ማኣሪ ዓርቁንቴሢ

27 ላንካዎ ከላ" ጋፓኒ ዑካዛ ዒሲያ ዓጮ"ይዳፓ ሙከ
ዓይሁዶ ዓሳ ጳውሎስ ጌኤዦ ማኣሪ ዓኣንቴ ዛጋዎ፡ ዴራ" ቢያ
ዒዘይዳ ፑርታ ማሊሢና ዔቃንዳጉዲ ማሢ ዒዛ ዓርቁኔ፤

28 ዩካፓ ዔያታ፡- «ዒሰራዔኤሌ ዓሲዮቴ! ኑና ዓልቁዋቴ፤ ኑኡኮ ደሮ"ንታ ሙሴ ዔርዜ ዋጎንታ ሓሣ ሓያ ጌኤዢ ማኣሮዋ ጫሽኪ ጫሽኪ ዓጮ" ቢያይዳ ዓኣ ደሮ" ቢያ ዔርዛሣ ሓያ ዓሣኪ፤ ዩይ ዒዛም ገደ" ዒፄም ዓይሁዴ ማዒባኣ ዓሶ ጌኤዢ ማኣሪ ጌልዚ ሓያ ያኦሲም ዲማዴ ቤዘዋ ዒኢሳሣ ዒዛኪ» ጌዒ ጌዒ ዒላቴ።

29 ዩዮ ዔያቶ ጌይሴሣ ዩያኮ ቤርታ ዔፕሶኔ ዓጮ"ይዳ ሸይንቴ ሄሮፕሞሴ ጎምሣ ጳውሎሴና ዋላ" ካታሞይዳ ዓኣንቴ ዔያታ ዛጌሣሮ ዒዚ ዩያ ዔኪ ጌኤዢ ማኣሪ ጌሌያ ማሌሣሮኪ።

30 ዩያሮ ካታም" ቢያ ዋኦቶንዶ ጎይሣ ባይዜ፤ ዩማና ዴራ" ቢያ ፔቱሞና ጳሽኪ ጳሽኪ ሙካዖ ጳውሎሴ ዓርቂ ጎቺ ጌኤዢ ማኣራፓ ኬሲ"፤ ጌኤዢ ማኣሮኮዋ ካሮ" ዑኩና ዋዴ።

31 ዓሳ ጳውሎሴ ዋዴኒ ማላዛ፡- «ዩሩሳላሜ ካታም" ዋኦቶንዶ ጎይሣ ባይዜ» ጋዓ ኪኢታ ሮሜ ዓጮ"ኮ ፖኦሊሶ ዓይሣሣም ዋይዘንቴ።

32 ዩያሮ ዒዚ ዒዛኮ ካፓ ዓሶና ጄኤቶ ፖኦሊሶ ዓይሣ ዓሶዋ ፔኤና ዋላ" ዔኪ ዑኩና ጳሽኪ ጳሽኪ ዓሶ ባንሣ ዴንዴ፤ ዓሳ ዩያ ሮሜ ዓጮ" ፖኦሊሶ ዓይሣሣንታ ኮራ ካፓ ዓሶዋ ዴንቃዖ ጳውሎሴ ጳርቂዖ ሓሼ"።

33 ሮሜ ዓጮ" ፖኦሊሶ ዓይሣሣ ጳውሎሴ ዓርቂ ላምዖ ካኒ ቢራታና ቱኪ"ንታንዳጉዲ ዓይሣ። ዩካፓ ዒዚ ዖናታቴያ ሓሣ ዓይጎ ማዴቴያ ዔራኒ ያኦጮ።

34 ዓማ"ና ዴራ" ዲማ ዲማ ባኣዚ" ጋዓያ ሓሣ ዒላታያ ማዔሣሮ ፖኦሊሶ ዓይሣሣ ፒዜ ጌኤዛ ዋናታቴያ ዔራኒ ዳንዳዒባኣ፤ ዩያሮ ዔያታ ፖኦሊሳ ዓኣ ቤዘ ጳውሎሴ ዔውታንዳጉዲ ዓይሣ።

35 ጳውሎሴ ኬኤሎ" ዑዖ ኬሰካዛ ዴራ" ቢያ ሚርጌና ዳጋ ዔቂሲ ፑርታ ባኣዚ" ማዴኒ ኮዔሣሮ ፖኦሊሳ ኬዲ ዔኪ ዒዛ ዓኣዴ።

36 ዴራ" ዒማ"ና፡- «ዒዛ ዋዋዲዋቴ» ጌዒ ጌዒ ዒላቴ"ና ዒዛኮ ጊንዖ ዓኣዴ።

ጳውሎሴ ጌኤዘ ማሃኒ ጌሰቴ ጌኤሲ

37 ፖኦሊሳ ፔኤኮ ዓኣ ቤዘ ዒዛ ዔኪ ጌልዛኒ ዑካኣና ጳውሎሴ ሮሜ ዓጮ" ፖኦሊሶ ዓይሣሣ ኮራ፡- «ፔቴ" ባኣዚ" ታ ኔኤም ኬኤዛንዳጉዲ ኔ ዓይሣንዳ?» ጌዒ ያኦጮዛ፡ ዒዚያ ማሃዖ፡- «ኔኔኒ ጌሪኬ ዓጪ ሙኡቺ ዔራ?»

38 ሐሣብ ዑኩ ካካተም ዋይዘ ዒፃ ዳር"ዋ ፑርቲሲ ሐሣብ ዓሲ ዋዳ ያይደ ሺያ ዓሲያ ዔኪ ዓሲ ናንጉዋ ዳውሎ" ፑኒንቴ፣ ገብፃ ዓጮ" ዓሣ ኔናቱዋዓዳ?" ገዔኔ።

39 ጳውሎስ፡- «ታኣኒ ኪልቂያይዳ ኮሺ" ዔርቴያ ማዔ፣ ፃርሴሴ ካታሚሎይዳ ሺይንቴ ዓይሁዴ ዓሲኬ፤ ሓዳራ ታኣኒ ዳር"ዋ ኬኤዘም ገዔቴራ» ገዔኔ።

40 ዩካፓ ዒዚ ኬኤዘንዳጉዲ ዓይሣዛ ጳውሎስ ኬኤሎ"ይዳ ዔቂ ዴራ" ዚቲዮ ጋዓንዳጉዲ ኩቸና ጳዌም ዴራ" ዚቲዮ ገዔሰካፓ ዒብሬ ዓሶ ሙኡቸና ሂዚ ገዒ ኬኤዚሣ ዓርቂ።

22

1 «ታ ዒሺንሣ፣ ታ ዓደንሣ፤ ሓይሾ ሐሣብ ታ ዒንሣም ኬኤዘ ባኮ ዋይዘዋቴ» ጋዓዛ፣

2 ዒዚ ዒብሬ ዓሶ ሙኡጮና ገሰታሣ ዓሳ ዋይዘዎ ዎንዳሰካፓ ባሺ ዚቲዮ ገዔኔ፤ ዩካፓ ጳውሎስ ፔኤኮ ገኤዘ ገሰታዎ ሂዚ ገዔኔ፡-

3 «ታኣኒ ኪልቂያይዳ ዓኣ ፃርሴሴ ካታዋይዳ ሺይንቴያ ዓይሁዴ ዓሲኬ፤ ታኣኒ ዲጮሣይያ ሓኖ" ዩሩሳላሚ ካታዋይዳኬ። ዓደንሣ ዋጎ ኮሺ" ታኣኒ ዔሪ ዓዳ" ሃሣ ዒንሣ ማዳ ጎይዎ ዒናፓ ናሽኪ ያኦሲም ታ ማዳያኬ፤ ታና ዔርዜሣ ገማሊያሌ ጎዎሣኬ።

4 ሓኖ፣ ጎዳ ጎይዎ ሓንታ ዓሶ ቢያ ታ ዳውሳያኬ፣ ዛሎ" ታ ዋዲያ ዋዳኔ፤ ዓቲንቆንታ ላኣሎንታ ዓርቂ ዓርቂ ቱኡዘ ማኣራ ታ ቱኡሳኔ።

5 ዩይ ጎኔ ማዒያ ቁኤሶኮ ቢያ ሱኡጋሣና ዋጎ ዋጋ ዓሳ ቢያ ታኣም ማርካዳንዳኔ። ዩያ ሌሊቱዋንቴ ዴማሰቆይዳ ዓኣ ዩኖ"ጉዴ ዓሶ ቱኪ" ዩሩሳላሚ ዔኪ ሙኪ ሜታሳኒ ዳንዳዒሳ ፃኣፒንቴ ኪኢታ ዴማሰቆይዳ ዓኣ ቢቶ" ዓሶም ዒንጋኒ ታ ዔኬሣያ ቁኤሶ ቢያኮ ሱኡጋሣንታ ዩያቶ ዋጎ ዋጋ ዓሶንታፓኬ።

ጳውሎስ ኪሪሰቶሴ ባንሣ ማዔ ጎይዎ ኬኤዜሣ
(ዳኪ. ማድ" 9፣1-19፤ 26፣12-18)

6 «ዩያይዳ ዔኪ ታኣኒ ዴማሰቆ ዴንዲ ካታዋኮ ዑካኣና ዓባ" ሳዛ ጮርጌ ዋድ"ይዳ ታ ዔሩዋንቴ ዴኤፒ ዓኣፒዳ ዳካ" ፖዒ ታ ኮይላ" ፖዔኔ።

7 ዒማ"ና ታኣኒ ቶጊ ዓኣዳ ባካ"ፓ ሳዓ ሎኣሚ ሳውሌ! ሳውሌ! ኔ ታና ዓይጋ ዳውሳይ? ጋዓ ዑኡሲ ዋይዜኔ።

8 ታኦኒ ሰዳሢዮ! ኔ ያናዳይ? ጌዔኔ፤ ዒዚያ ማሐዎ ታኦኒ ኔ ታና ደውሳ ናዚሬቶ ዬሱሴኬ» ጌዔኔ።

9 ታኦና ዎላ" ዓኣ ዓሳ ፖዎ ዛጌያፓዓቲም ዒዚ ታኦና ዎላ" ጌሰታኦና ዎዚ ጌዔቴያ ዑኡዞ ዔያታ ዋይዚባኣሴ።

10 ታኦኒያ ሰዳሢዮ! ታ ዓይጎ ዎደ"ንደይ? ጋዓዛ፣ ጎዳሢ ታኦም ኬኤዞዎ «ሐሢ ዓቁጋፓ ዴማሰቆ ዓኣዴ፤ ኔ ማዳንዳ ባካ ቢያ ዒኢካ ኔኤም ኬኤዚንታንዳኔ» ጌዔኔ።

11 ዓኣፓ ታኦኮ ፖዓ ዴኬሢሮ ዛጋኒ ዳንዳዒባኣያ ማዓዛ ታኦና ዎላ" ዓኣ ዓሳ ኩጮ ታኦኮ ዓርቂ ጎቺ ታና ዴማሰቆ ሄሊ"ሴኔ።

12 «ዒኢካ ሐናኒያ ጌይንታ ፔቴ" ዓሲሰኬይ ዓኣኔ፤ ዬይ ዓሢ ዴማሰቆይ ዓኣ ዓይሁዶ ዓሳ ቢያ ዒዛ ጋላታያ፣ ሙሴ ዎጎዎ ቦንቻ ዓሲኔ።

13 ዒዚ ታ ኮራ ሙኪ ዓጫ ዔቃዎ፡- <ዒሻሢዮ ሳውሌ! ዓኣፓ ኔኤኮ ጊንሣ ዛጎንጎ» ጋዓዛ፣ ዬማና ኔጉዎዎ ዓኣፓ ታኦኮ ዛጌም ዒዛኣ ታ ዴንቁኔ።

14 ዒዚ ታኦም ኦሩ ዓደንሢ ያኦዛሢ ኔ ዒዛኮ ማሊዎ ዔራንዳጉዲ፣ ዒላ"ሢያ ኔ ዛጋንዳጉዲና ዑኡዞዎ ኔ ዒዛኮ ዎይዛንዳጉዲ ቤርታዲ ኔና ዒ ዶኦሬኔ።

15 ዬያ ዒዚ ማዴሢ' ኔ ዛጌ ባኮና ዎይዜ ባኮናኮ ዓሲ ቢያ ቤርቲዳ ዒዛኮ ኔ ማርካ ማዓንዳጉዲኔ።

16 ሂዳዎ ሐሢ ኔ ዓይጎሮ ናጋይ? ዔቁጋፓ ዎኣዎ ማሰቲ፤ ጎዳ ሺኢቁ ጎዎይዳፓኣ ማሰቲ ጌኤሸኬ» ጌዔኔ።

17 «ዬካፓ ዬራሳላሜ ማዒ ታ ሙኪ ጌኤኮ ማኣሮይዳ ሺኢቃኣና ያኦሲ ፔጋሲ ዳዌ ባኣዚ" ታ ዛጌኔ።

18 ዬማና ጎዳሢ ታኦም ጴዲ ሕኤኒ ታ ዛሎ"ና ኬኤዞ ማርካቶ ኔኤኮ ዔያታ ዔኪንዲዎኣሢሮ ኔጉዎዎ ራኡሪና ዬራሳላሜይዳፓ ኬሰኬ!» ጌዔኔ።

19 ታኦኒያ ሰዳሢዮ! ዓይሁዴ ዓሶኮ ቡኪንቶ ቤዞ ዓኣዲ ዓኣዲ ኔና ጉሙርቃ ዓሶ ቢያ ታ ቱኬ"ሢና ጳርቁሢ ዔያታ ፔ ቶኦኪና ዔራኔ።

20 ኔኤኮ ማርካ ማዔ ዒሰዒፓኖሴ ዎዶዎኣና፣ ታኦኒያ ታ ቶኦኪና ዎዶ ዓሶ ዓጫ ዔቁ ዔያቶና ዎላ" ዎዲዎ ቃራኬ ጌዔኔ፤ ዓፒሎዎ ታ ዔያቶኮ ካፔኔ፤

21 ጎዳሢ ጊንሣ «ሐኬ ዓኣ፣ ዓይሁዴ ማዒባኣ ዜርዎ ባንሢ ታ ኔና ዳካንዳሢሮ ዔቁ ዴንዴ» ታኦም ጌዔኔ።

ጳውሎሴ ሮሜ ዓጪ ዓሲ ማዒዎ ፔጋሲ ኬኤዜሢ

22 ዬያ ሄላ "ንዳኣና ዳራ" ቢያ ጳውሎሴኮ ጌኤዘ ዋይዘኔ፤ ዩማፓ ዓሳ ዑኡዘ ደግገዲ፡- «ሓያጉዳ ዓሲ ሳያይዳፓ ሳይቆም! ሓያጉዳ ዓሲ ሸምፖና ናንጋኒያ ኮይሱዋሴ!» ጌዒ ጌዒ ዒላቴኔ።

23 ዒማ"ና ዔያታ ዒላቴ ዒላቴ ማኣዓሢ ፔኤኮ ኬሲ" ዠፍጊ ዠፍጊ ዓጨያ ሳዓፓ ዔከ ዔከ ጫሪንጮ ባንሢ ላኣሌኔ። *

24 ፖኦሊሶ ዓይሣሢ ዬያ ዘጋፖ ጳውሎሴ ፖኦሊሳ ዓኣ ቤዘ ጌልዘንዳጉዲ ፖኦሊሶ ዓይሢ፥ ዳራ" ዒዘይዳ ዓይጎር ሃያይዲ ዒላታቴያ ዔራኒ ጳርቂ ጳርቂ ዒዘ ፖኦሴንዳጉዲ ዓይሢኔ።

25 ዒማ"ና ዒልዒዳፓ ፑኡሲንቴ ቃልሾና ፒሪ ቱኪ" ጳርቃኒ ዔያታ ጊኢጋኣና ጳውሎሴ ዒዘ ኮራ ዔቂ ዓኣ ጃኤቶ ፖኦሊሶ ዓይሣሢ ኮራ፡- «ሮሜ ዓጨ ዓሲ ማዔያ ፖጊንቴባኣንቴ ጳርቃንዳጉዲ ዒንሢም ዓይሢንቴያ?» ጌዔኔ።

26 ጃኤቶ ፖኦሊሶ ዓይሣሢ ዬያ ዋይዘፖ ሮሜ ዓጮ" ፖኦሊሶ ዓይሣሢ ባንሢ ዓኣዲ፡- «ኔኤኒ ዋዳ"ኒ ጋዓይ? ሓይ ዓሢ ሮሜ ዓጨ ዓሲኬ!» ጌዔኔ።

27 ዬያሮ ፖኦሊሶ ዓይሣሢ ጳውሎሴ ባንሢ ዶጨጋፓ፡- «ሂንዳ ታኣም ኬኤዘ፤ ኔኤኒ ሮሜ ዓጨ ዓሲዳ?» ጋዓዛ፥ ዒዚያ፡- «ሂዮ» ጌዔኔ።

28 ፖኦሊሶ ዓይሣሢ፡- «ታኣኒ ዒዘ ዓጮ" ዓሲ ማዓኒ ማርጌ ማኢሾ ጨጌኔ» ጋዓዛ፥ ጳውሎሴ ገንሣ፡- «ታኣኒ ጋዓንቴ ሮሜ ዓጨ ዓሲ ማዒ ዒኢካ ሾሾይንቴያኬ» ጌዔኔ።

29 ዬያሮ ዒዘ ፖኦሴኒ ጊኢገንቴ ዓኣ ዓሳ ኔጉዋፖ ዒዘ ኮራፓ ሸኢኬኔ፤ ፖኦሊሶ ዓይሣሢያ ሮሜ ዓጨ ዓሲ ማዔሢ ካኒ ቢራታና ቱኪ"ሴሢሮ ዒጊጨኦኔ።

ጳውሎሴ ዋጎ ዋጋ ዓሶ ቤርቶ ሸኢኬሢሢ

30 ዘሮ ጉቴ"ሎ ፖኦሊሶ ዓይሣሢ ዓይሁዶ ዓሳ ጳውሎሴ ዋጎና ዓይሢሳሢኮ ፒዜ ማዔ ካራ" ዓይጎታቴያ ዔራኒ ኮዒ፥ ቁኤሶኮ ሱኡጎና ዋጎ ዋጋ ዓሶና ቢያ ቡኪንታንዳጉዲ ዓይሢኔ፤ ዩካፓ ጳውሎሴ ቱኪ"ንቴ ካሮ ቢራቶ ቡሊ"፥ ዔያቶ ቤርቶ ዒዘ ዒ ሸኢኬኔ።

* 22:23 ዓይሁዶ ዓሳ ዬያ ማዴሢ' ዔያታ ዳጋዳፖ ማዳ ባኣዚ"ታሢሮ ጳውሎሴ ማዴ ባካ ዔያቶ ዳጋሴምኬ።

23

1 ዩካፓ ጳውሎስ ዋጎ ዋጋ ዓሶ ጊዥ ጌዒ ዛጋዖ:-
«ዲሾንሢሮቴ! ሐሞ" ሄላ"ንዳኣና ቢያ ዋዴ ያኦሲ ቤርቶይዳ ታ
ናንጌሢ ኮሺ ማሊሢናኬ» ጌዔኔ።

2 ቄኤሶ ቢያኮ ሱኡጋሢ፣ ሐናጊያ ጋዓንቴ ጳውሎስኮ ዳንጎ
ባዓንዳጉዲ ኮራ ዔቂ ዓኣ ዓሶ ዓይሢ።

3 ዩማ"ና ጳውሎስ ሃናጊያም:- «ኔኤኒ ቦኦጋንታሢና ዑፃ
ማኤቸንቴ ኮጫሢ! ኔና ያኦሲ ጳርቃንዳኔ፤ ዋጌ ጎይሢና ዋጋጊ ሐካ
ኔ ዴዒ ዓኣፃ ዋጌባኣ ጎይሢና ታና ጳርቃንዳጉዲ ኔ ዓይሢ?»
ጌዔኔ።

4 ዓሊካ ዓኣ ዓሳ ጳውሎስ ኮራ:- «ቄኤሶ ቢያኮ ሱኡጋሢ ማዔ፥
ያኦሲም ማዳሢ ኔ ጫጫሸካ?» ጌዔኔ።

5 ጳውሎስያ:- «ዲሾንሢሮቴ! ቄኤሶኮ ቢያ ዒ ሱኡጌ ማዔሢ ታ
ዔሪባኣሢሮኬ፤ ጌኤዥ ማፃኣፖይዳ ኔ ዴሮ"ኮ ሱኡጋሢ ዑፃይዳ
ፑርታ ጌኤሲ ጌሰቴፖ» ጌይንቴ ፃኣፒንቴኔ» ጌዔኔ።

6 ጳውሎስ ዒኢካ ዓኣ ዓሶይዳፓ ሄካሢ ፔርሴ ዓሲ፤ ዛላ"
ሶዶቄ ዓሲ ማዔሢ ዔራዖ:- «ዲሾንሢሮቴ! ታኣኒ ፔርሴ ዓሶ ፃጳፓ
ሾይንቴያ ፔርሴ ዓሲኬ፤ ሐይሾ ሐሢ ታኣኒ ዋጎ ዓሶ ቤርቶ
ሸኢኬሢሢ ሐይቄ ዓሲ ዔቃንዳያታሢ ጉሙርቃሢሮኬ» ጌዒ ዑኡዘ
ፔኤሲ" ዴጊዲ ዋጎ ዋጋ ዓሶ ባኣካ" ኬኤዜኔ።

7 ጳውሎስያ ዩያ ኬኤዛዛ ፔርሴ ዓሶና ሶዶቄ ዓሶና ባኣካ" ዣላ
ማዣንቴም ዋጎ ዋጋ ዓሳ ላምፃ ፓቂንቴኔ።

8 ዓይጎር ጌዔቶ ሶዶቄ ዓሳ:- «ሐይቢፓ ዔቂሢ ባኣሴ፤ ያኦሲኮ
ኪኢታንቻኣ ባኣሴ፤ ዓያናኣ ባኣሴ» ጋዓዛ፥ ፔርሴ ዓሳ ጋዓንቴ
«ዩይ ባካ ቢያ ዓኣኔ» ጌዒ ጉሙርቃኔ።

9 ዩያር ዴኤፒ ዣላ ዔቄኔ፤ ፔርሴ ፃጳፓ ማዔ ፔቴ" ፔቴ" ሙሴ
ዋጎ ዔርዛ ዓሳ ዔቃዖ:- «ኦኡኒ ሐያ ዓሢዳ ፔቴታፃ ፑርታ ባኣዚ"
ዴንቂባኣሴ፤ ዓያና ሐሢ ያኦሲኮ ኪኢታንቻ ዒዛም ኬኤዜያ ናንዳኔ
ኑ ዓይጎ ዔራንዳይ?» ጌዒ ማርማኔ።

10 ዣላሢ ዶዲ ዶዲ ዴንዴሢሮ ዓሳ ጳውሎስ ሾኦሊ
ላኣሉዋጉዲ ፖኦሊሶ ዓይሢሢ ዒጊጫዖ:- «ኬዲ" ዓሶ ባኣካ"ፓ
ጳውሎስ ጎቺ ኬሲ" ዔኪ ዩዒ፥ ፖኦሊሳ ዓኣ ቤዞ ዔኪ
ዓኣዲዋቴ!» ጌዒ ፖኦሊሶ ዓይሢ።

23:3 ማቴ. 23:27-28። 23:5 ኬሲ. ማፃ 22:28። 23:6 ዳኪ. ማድ" 26:5፤
ፒላጲ. 3:5። 23:8 ማቴ. 22:23፤ ማር. 12:18፤ ሉቃ. 20:27።

11 ዬዮ ዋንቴሎ ጎዳሢ ጳውሎስኮ ኮይሎ"ይዳ ዔቃዎ:-
«ዒጊጨገ! ዬሩሳላሜይዳ ታኣም ኔ ማርካዳሢጉዲ ሓሣ
ሮሜይዳኣ ኔ ታኣም ማርካዳንዳያ ኮይሳኔ» ጌዔኔ።

ጳውሎስ ዋዳኒ ዓሶኮ ዋላ" ዘርቴዎ

12 ሳዓ ካራዛ ዓይሁደ ዓሳ ቡኪንታዎ:- «ጳውሎስ ኑ ዋዳዎዎ
ሙኡዚ"ያ ሙዒ ዑሽኮ ባኣዚ"ያ ዑሽካዓ» ጌዒ ጫኣቄኔ።

13 ዬዮ ጌዒ ፑርቶ ማሊዎና ዋላ" ዘርቴ ዓሶኮ ፓይዳ"
ዖይዲታሚ"ፓ ዑሣኬ።

14 ዔያታ ቄኤሶኮ ሱኡጎና ጨሞና ኮራ ዓኣዳዎ:- « ጳውሎስ
ኑኡኒ ዋዳዎዎ ሙኡዚ" ሙዒንዲዋሴ» ጌዒ ጫኣቄኔ፤

15 ዬያሮ ዒንሣሢ ዋጎ ዋጋ ዓሶና ዋላ" ጌሰታዎ፡ ኮሺ" ዒንሣሢ
ዖኦጫንዳ ባኣዚ" ዓኣያ ማሊሲጋፓ፣ ጳውሎስ ዒንሣሢም ዒዚ ዔኪ
ዬዓንዳጉዲ ፖኦሊሶ ዓይሣሢ ዖኦጫዋቴ። ኑኡኒያ ዒዚ ሃካ
ዒንሣሢ ቤርቶ ሄላ"ንዳሢኮ ቤርታ ዒዛ ዋዳኒ ጊኣኔኔ» ጌዔኔ።

16 ጋዓንቴ ጳውሎስኮ ዔኤዚማቲ ማዓ፣ ናይሰኬያ ዬዮ ፑርቶ
ዘርቶና ማሊዔሎ ዋይዜሣሮ ፖኦሊሶ ዓኣ ቤዞ ዴንዲ ጌላዖ ሓይሶ
ጳውሎስም ኬኤዜኔ።

17 ጳውሎስያ ያኤቶ ያኤቶ ፖኦሊሶ ዓይሣዞንሢዳፓ ፑቴ"ሣ
ዔኤላ"ዎ:- «ሓይ ናዓሢ ሮሜ ዓጮ" ፖኦሊሶ ዓይሣሢም ኬኤዛ
ባኣዚ" ዓኣያታሣሮ ዒዛ ቤርቶ ሺኢሺ» ጌዔኔ።

18 ያኤቶ ፖኦሊሶ ዓይሣሢ ናዓሢ ዔኪ ሮሜ ዓጮ" ፖኦሊሶ
ዓይሣሢ ኮራ ጌላዎ:- «ቴኡዞ ዓሢ፣ ጳውሎስ፡ ሓይ ናዓሢ ኔኤም
ኬኤዛ ባኣዚ" ዓኣሣሮ ኔ ቤርቶ ዒዛ ሺኢሻንዳጉዲ ታና ሺኢቄኔ»
ጌዔኔ።

19 ሮሜ ዓጮ" ፖኦሊሶ ዓይሣሢ ናዓሢኮ ኩጮ ዓርቂ
ደጨሳዎ:- «ኔ ታኣም ኬኤዛ ባካ ዓይጎዳይ?» ጌዒ ዒዛ ዲማሲ
ዖኦጫኔ።

20 ናዓሢያ ዒዛም ኬኤዛዎ:- «ዓይሁደ ዓሳ ጳውሎስ ዛሎ"
ባኮ ደዲሺ ዖኦጫያ ማሊ ዚሮ ዋጎ ዋጋ ዓሶ ቤርቶ ኔ ዔያቶም
ሺኢሻንዳጉዲ ኔና ዖኦጫኒ ዋላ" ዘርቴኔ፤

21 ጋዓንቴ ኔ ዔያቶም ዔኤዒፖ፤ ዓይጎሮ ጌዔቶ ዔያታ <ዒዛ ኑ
ዋዳዎዎ ሙኡዚ"ያ ሙዓዓ፣ ዑሽኮ ባኣዚ"ያ ዑሽካዓ» ጌዒ ዋላ"
ዘርቴ ጫኣቄ ዖይዲታሚ"ፓ ባሼ ዓሲ ዒዛ ዋዳኒ ካቲ" ዓኣኔ፤ ሓሣ
ዔያታ ካፓሢ ኔ ዑኡዞ ሌሊኬ» ጌዔኔ።

22 ሮሜ ዓጮ" ፖኦሊሶ ዓይሣሢያ:- «ሓይ ኔ ታኣም ኬኤዜ ባኮ
ሜሌ" ዖኦማኣ ኬኤዚፖ» ጋዓዖ ናማሢ ዳኬኔ።

ጳውሎስኮ ቀሳሪያ ዳኪንቴኖ

23 ዬካፓ ሮሜ ዓጮ" ፖኦሊሶ ዓይሣሢ ጭቶ ጭቶ ፖኦሊሶ ዓይሣዞንሢኮ ለምግንሢ ዔኤላ"ዎ:- «ዲሞኮ ያኦሻ ዎዳ ማዓዛ ቀሳሪያ ዓጮ" ዴንዳንዳ ለምግ ጭታ ዲማ ዲማ ያልዚ ዓሲ፥ ለንካይታሚ" ፓሮና ያላ ዓሲ ሃሣ ለምግ ጭታ ዎርሢና ያላ ዓሲ ገኢጊሺ።

24 ገንሣ ጳውሎስማኦ ፓሮ ገኢጊሻዎ ዓጮ" ዎይሣ ፒልኪሴ ባንሢ ኮሺና ሄሊ"ሱዎቴ» ጌዔኔ፤

25 ቃሲ" ሐሣ ሂዚ ጋዓ ኪኢታ ዳኬኔ:-

26 «ቦንቸንታያና ዓጮ" ዎይሣያና ማዔ ፒልኪሴም፤ ሐይ ኪኢታ ዳኪንቴሢ:-

ቁለውዲዎሰ ሉሲያይዳፓኬ፤ ኔ ኮሺዳ?

27 ሐያ ዓሢ ዓይሁዴ ዓሳ ዓርቂ ዎዳኒ ጋዓንቴ ዒዚ ሮሜ ዓጪ ዓሲ ማዔሢ ታ ዔሬሢሮ ታኦኮ ፖኦሊሶና ዎላ" ታ ሙኪ ዒዛ ዳቂሼኔ።

28 ዓይጎ ዛላና ዓሳ ዒዛ ዎጎና ዓይሢሳኒ ኮዔቴያ ዔሬኒ ዔያቶኮ ዎጎ ዎጋ ዓሶ ቤርቶ ዒዛ ታ ሺኢሺኔ።

29 ጋዓንቴ ዔያታ ዓይሢሳኒ ኮዓሢ ፔ ዎጎ ዛሎ" ባኦዚ"ና ማዔሢ ታ ዔሬኔ፤ ሐሣ ሐያ ዓሢ ሃይቢና ቱኡሲናም ሄሊ"ሳ ባኦዚ" ባኦ።

30 ሐያ ዓሢ ዎዳሢሮ ዒዛይዳ ፑርታ ማላሢ ማላንቴሢ ታ ዎይዞዎ ኔጉዎዎ ኔ ባንሢ ታ ዳኬኔ፤ ዎጎና ዓይሢሳኒያ ኮዓ ዓሳኦ ፔኤኮ ሐይሶ ኔ ቤርታ ሺኢሻንዳጉዲ ታ ዔያቶም ኬኤዜኔ።»

31 ዬያሮ ያሎ ዓሳ ዓይሢንቴ ጎይዎና ጳውሎስ ዲማ ዔኪ፥ ባንቴጳጂሪሴ ጌይንታ ዓጮ" ሄሊ"ሴኔ፤

32 ዚሮ ጉቴ"ሎ ፓራሢና ዎላ" ዓኦ ዓሳ ጳውሎስና ዎላ" ዴንዳንዳጉዲ ማሃዎ፥ ዔያታ ገንሣ ፔ ቤዞ ማዔኔ።

33 ፓራሢና ዓኦ ዓሳ ቀሳሪያ ሄላ"ዎ ዳኪንቴ ኪኢቶ" ዓጮ" ዎይሣሢም ዒንገ፥ ጳውሎስ ዒዛ ቤርቶ ዔኪ ሺኢሺኔ።

34 ዓጮ" ዎይሣሢ ኪኢቶ" ዛጌሰካፓ ጳውሎስ ኮራ:- «ኔ ዓጮ"ኮ ዎኖ ቤዛፓዳይ?» ጌዒ ያኦጪ፥ ኪልቂያ ዓጪ ዓሲ ማዔሢ ዔሬሮ:-

35 «ኔና ዎጎና ዓይሢሳኒ ኮዓ ዓሳ ሙካዛ ታ ሐይሶ ዎይዞንዳኔ» ጌዒ፥ ካኦቲ ሃሮዲሴ ማኸሴ ማኦሮይዳ ዴይሢ ዒዛ ካፓንዳጉዲ ዓሶ ዓይሢኔ።

24

ጳውሎስ ፒልኪሴ ቤርቶ ሺኢኬሢ

1 ደንጎ ከሌ"ኮ ጊንፃፓ ቁኤሶኮ ሱኩጋህሂ ሐናኒያ ፔቴ" ፔቴ" ጨሚንታ ፃርፃሉሴ ጌይንታ ዎጌ ኮሺ" ዔራያ፣ ዓሲ ዛላ ጌሰታሰኬያንታ ፔኤና ዔኪ ቁሳሪያ ዓጮ" ዴንዴኔ፤ ዔያታ ዴንዲ ዓጮ" ዎይህ ፒልኪሴ ቤርቶ ሺኢኪ «ጳውሎሴ ዳሴኔ» ጋዓ ባኮ ዛሎ" ከኤዜኔ።

2 ዩካፓ ጳውሎሴ ዔኤሊ"ንቲ ሙካዛ፣ ፃርፃሉሴ ሂዚ ጌዒ ከኤዚያ ዓርቄ።-

«ቦንቸንታ ፒልኪሴ! ኔ ዛሎ"ና ኑኡኒ ሚርጌ ኮሹሞ ዴንቄኔ፤ ኔኤኮ ኮዦ ዎይህያና ኑ ዴሮ"ሞ ላኣሚንቲህያ ጴዳኔ፤

3 ዩኖ ኔኤኮ ኮዦ ማድ" ቢያ ቤዞና ቢያ ዎድ"ናይዳ ኑ ዔኬህሂ ዴኤፒ ቦንቸናኬ።

4 ሐህሂ ጋዓንቴ ኔኤኮ ዎድ" ታ ጉሪ ኩርሱሞዎና ሃህ ታ ኔና ጉሪ ላቢ"ሱሞዎ ቃሚህና ታ ኔኤሞ ከኤዛ ባኮ ሺሌዑሞና ኔ ዎይዛንዳጉዲ ታ ኔና ሺኢቃኔ፤

5 ሃይ ዓህ ኑኡኮ ፑርታ ዶርዎ ማዔኔ፤ ዓጮ" ቢያይዳ ዓኣ ዓይሁዶ ዓሶ ቢያህዲ ዣሎ ዔቁሳኔ፤ ናዝራ ዓሶ ጌይንታ፣ ዲሙሞ ማዣፍ ዓሶኮሞ ዒዚ ዔኪ ዓኣዳህኬ።

6 ሐህሂ ዒዚ ያኦሲኮ ጌኤዦ ማኣሮ ዒኢሳኒ ጋዓንቴ ኑኡኒ ዓርቄ፣ ኑ ዎጎ ጎይያና ዎጋኒ ማሌኔ፤

7 ጋዓንቴ ፖኦሊሶ ዓይህ ሉሲዮሴ ሙኪ ዴኤፒ ዎልቄና ኑ ኩጫፓ ዒዛ ቶሊ"ሲ ዔከ፣ ዒዛ ዎጎና ዓይህሳኒ ጋዓ ዓሶሞ ኔ ቤርቶ ሺኢኮንጎ ጌዒ ዓይህኔ፤

8 ሃይ ኑኡኒ ዒዛይዳ ሺኢሻ ጌኤዛ ቢያ ጎኔ ማዒያ ኔ ኔ ቶኦኪና ያኦጪ ዔራኒ ዳንዳዓኔ» ጋዓዛ፣

9 ዓይሁዶ ዳሳ፡- «ዩይ ባካ ቢያ ጎኔኬ» ጌዒ ጌዒ ሶኦሬ።

ጳውሎሴ ፒልኪሴ ቤርቶይዳ ጌሰቴ ጌኤዛ

10 ዓጮ" ዎይህ፣ ፒልኪሴ ኩቻ ዳዊ ጳውሎሴ ጌሰታንዳጉዲ ዓይህኔ፤ ጳውሎሴያ ሂዚ ጌዒ ማህኔ፡- «ሚርጌ ለዔ ሐያ ዓጮ"ኮ ኔ ዎይህያ ማዔህ ታ ዔራህሮ ታ ጊዳ" ሺኢኬ ጌኤዞኮ ማህያ ኔኤሞ ከኤዛህሂ ዎዛናኬ፤

11 ዩሩሳላሚይዳ ታ ያኦሲ ዘጊ ካኣሽካኒ ዓኣዴንቴ ታጶ ላሞዎ ከሌ"ዳፓ ባሺንዲሞኣህ ኔ ኔ ቶኦኪና ዔራኒ ዳንዳዓኔ፤

12 ጌኤዦ ማኣሮይዳ ማዎሞ ዓይሁዶ ዓሶኮ ቡኪንቶ ቤዘይዳ ሐህሂ ካታሞይዳ ማዔቶሞ ዓይጎ ዓሲናታዎ ታ ማርማንቴ፣ ዴሮ"ሞ ዣሎሞ ታ ዔቁሳንቴ ዔያታ ታና ዴንቁባኣሴ፤

13 ሐሣ ታ ጊዳ" ሺኢኬ ጌኤዘኮ ቢያ ጎናሲሣ ማዳንዳ ማርካ ፔቴ"ታዩ ዔያታ ኔኤም ሺኢሻኒ ዳንዳዑዋሴ።

14 ጋዓንቴ ዩያ ታ ኔኤም ፔጋሲ ኬኤዛኒ ኮዓኔ፤ ዔያታ <ዒዚ ሉኡቁ ካኦሽካኔ> ጋዓ ጎይዖ ታኣኒ ኑ ዓድንሣ ዖኦዛሣ ካኦሽካኔ፤ ጋዓንቴ ታኣኒ ሙሴ ዋጎና ዖኦሲ ማሊዖ ኬኤዛ ዓሶ ማፃኦጎናይዳ ፃኦፒንቴ ባኮ ቢያ ጉሙርቃኔ።

15 ዔያታ ሃጊ ማዳንዳ ዋዘ" ጌሣሣጉዲ ኮዥ ዓሶንታ ፑርቶ ዓሶንታ ሐይቢዳፓ ዔቃንዳሣ ታኣኒያ ዖኦሲና ጉሙርቃኔ።

16 ዩያሮ ዖኦሲና ዓሲና ቤርቲዳ ጌኤሺ ዒና ታኦኮ ዓኦያ ማዳንዳጉዲ ቢያ ኬሊ" ታ ኮዓኔ።

17 «ዩሩሳላሜይዳፓ ታ ኬሰኮንቴ ሚርጌ ሌዔ ዓኦይሣኮ ጊንፃ ማንቆ ማዔ ታ ዓሶም ማዳንዳያ፣ ማኦዶ ሚኢሾና ሐሣ ዖኦሲም ዒንጊንታ ዒንጎ ባኦዚ" ታኣኒ ዔኪ ሙኬኔ።

18 ጌኤዥ ማኦሮይዳ ታና ዔያታ ዳንቁሣ ታ ዩያ ማዳንቴኬ፤ ዩማና ዑዖ ጌኤሺዖ ካኦዥ ዋጎ ታኣኒ ኩንሣኔ፤ ሐሣ ዒኢካ ታኦና ዋላ" ሚርጌ ዳሬያ ባኦሴ፤ ዣላኦ ዔቁባኦሴ።

19 ጋዓንቴ ዒሲያ ዓጮ"ይዳፓ ሙኬ ፔቴ" ፔቴ" ዓይሁዳ ዓሲ ዒኢካ ዓኦኔ፤ ሂንዳ ዔያታ ታና ዋጎና ዓይሣሳኒ ጋዓ ካራ ዓኦቶ ኔ ቤርታ ሺኢኬ ኬኤዘንጎ።

20 ጊንሣ ሐሣ ዋጎ ዋጋ ዓሶ ቤርቶይዳ ታ ሺኢካዖ ማዴ ዳቢንቴ ዓኦቶ ሐሣ ሃይካ ዓኦዘንሣ ኬኤዘንጎ።

21 ጎኔና ታ ዔያቶ ባኦኮ"ይዳ ዔቁ <ሐይቁ ዓሲኮ ዔቁሣ ዓኦኔ> ጌይዖና ሐኖ" ታኣኒ ዋጌም ዒንሣ ቤርቶ ሺኢኬኔ ጌዒ ዴ"ግ ጌዔ ዑኡሲና ታ ኬኤዘኔ፤ ዩማፓ ዓታዛ ሜሌ" ታኣኒ ማዴ ባኦዚ" ባኦሴ» ጌዔኔ።

22 ፒልኪሴ ጋዓንቴ ጎዳሣ ጎይዖ ዛሎ" ሚርጌና ዔራያታሣሮ፡- «ፖኦሊሶ ዓይሣ፣ ሉሲዮሴ ሙካዛ ዒንሣ ጌኤዘ ጌሰቲ ታ ኩንሣንዳኔ» ጌዒ ዔያቶ ዳካዖ።

23 ጳውሎሴ ካፓ፣ ጂኤቶ ፖኦሊሶ ዓይሣሣም፡- «ፔቶዋ ዒዛ ቃዚ ሜታሱዋዖ ዛጊ ካፔ፤ ዒዛኮ ዒጊና ዒዛም ኮይሳ ባኮ ዔኪ ሙካኦና ላኦጊፖ» ጌዔኔ።

ጳውሎሴ ፒልኪሴና ዲሩሲላና ቤርቶ ሺኢኬሣ

24 ዳካ" ኬሊ"ኮ ጊንፃፓ ፒልኪሴ ዲሩሲላ ጌይንታ ዓይሁዳ ዓሲ ማዔያ ዒዛኮ ማቸሰኬናና ዋላ" ሙኪ፣ ጳውሎሴ

ዴኤሊ"ሴሰካፓ ዩሱስ ኪሪሰቶስ ጉሙርቂሢ ዛላ ዲዚ ኬኤዛሢ ዋይዜኔ።

25 ዲሉ"ሞና፡ ዓሲ ፔና ዋይሣንዳ ዛላና ሓሣ ያኦሲ ሃጊ ቢያሢዳ ዋጋንዳሢ ዛሎ" ጳውሎስ ኬኤዛዛ ፒልኪሴ ዲጊጫዎ፡- «ሓሢ ዴንዴ፤ ጊኢጌቴ ማሌ" ኬሊ"ና ታ ኔና ዴኤሊ"ሳንዳኔ» ጌዔኔ።

26 ፒልኪሴ ጳውሎስይዳፓ ሚኢሼ ዔካኒ ዋዛ ጌሢ፡ ማርጌ ኬሊ" ጳውሎስ ዴኤሊ"ሲ ዴኤሊ"ሲ ጌሰታኔ።

27 ላምዎ ለዔኮ ጊንፃፓ ጳርቂዮስ ፒሰፆሴ ጎዎሢ ፒልኪሴ ቤዘ ጌሌኔ፤ ፒልኪሴያ ዓይሁዶ ዓሶ ዋዛሳኒ ጳውሎስ ቱኪ"ንቴ ቤዛ ሓሼ"ኔ።

25

ጳውሎስኮ ጌኤዛ ሮሜ ካኣቲ ቤርቶ ሺኢኮም ያኦጪዎ

1 ፒሰፆሴ ፔኤኮ ዲ ዓጮ" ዋይሣ ቤዘ ጌሊ ሓይሣ ኬሊ" ዴዓዎ፡ ቂሳሪያይዳፓ ዩሩሳላሜ ዓኣዴኔ፤

2-3 ዲኢካ ቁኤሶኮ ሱኡጎና ፔቴ" ፔቴ" ዓይሁዶ ዓሶኮ ዴኤፖና ጳውሎስ ማዴ ባኮ ዛሎ" ኬኤዛዎ፡- «ጳውሎስ ሓካ ዩሩሳላሜ ዔኪ ኑም ዩዔቴራ» ጌዲ ዲዛ ኮራ ማርጌና ሺኢቁኔ፤ ዩያ ዔያታ ጋዒኒ ዳንዳዔሢ" ጎይፃ ካቲ" ጳውሎስ ዋዳኒ ኮዔሢሮኬ።

4 ፒሰፆሴ ጋዒንቴ፡- «ጳውሎስ ቂሳሪያይዳ ቱኤዘ ማኣራ ቱኤቲ ካፒንቲ ዓኣኔ፤ ታኣኒያ ሓሣ ዑኩና ማዲ ዲኢካ ዓኣዳንዳኔ፤

5 ዲንሢኮ ዋይሣ ዓሳ ታኣና ዋላ" ቂሳሪያ ዓኣዲ፡ ጳውሎስ ማዴ ዳቢንቲ ዓኣቴ ዲኢካ ዔያታ ዋጊሶንጎ» ጌዔኔ።

6 ፒሰፆሴ ሳሊ"ዳፓ ዴንዲ ታጾ ኬሊ" ሄላ"ንዳኣና ዴያቶና ዋላ" ዴዔሰካፓ ቂሳሪያ ዓጮ" ዓኣዴኔ፤ ዲኢካ ዲዚ ሄላ"ዎ ዚሮ ጉቴ"ሎ ዋጎ ዋጎ ቤዘይዳ ዴዲ ዓሳ ዲዛም ጳውሎስ ዔኪ ሺኢሻንዳጉዲ ዓይሣኔ።

7 ዩካፓ ጳውሎስ ሙካዛ ዩሩሳላሜይዳፓ ሙኬ ዓይሁዶ ዓሳ ዲዛኮ ዓጮ" ማንጊ ዔቃዎ ዲዛ ላሣንዳ ማርካ ዴንቃኑዋያ ማርጌ ዴኤሢ ሓይሴ ዲዛይዳ ሺኢሼኔ፤

8 ጳውሎስያ፡- «ታኣኒ ዓይሁዶ ዓሶኮ ዋጎይዳ ማዔቶዋ ጌኤኮ ማኣሮይዳ ሓሣ ሮሜ ዓጮ"ኮ ካኣቲ ዑዎይዳ ማዴ ዳቢንቲ ባኣሴ» ጌዲ ማሃ ኬኤዜኔ።

9 ፒሰፆሴ ጋዒንቴ ዓይሁዶ ዓሶ ዋዛሳኒ ኮዓዎ ጳውሎስ ኮራ፡- «ዩሩሳላሜ ዓኣዲ ሓያ ባኮ ዛሎ" ዲኢካ ታ ቤርታ ኔ ሞኦታኒ ዴንዳንዳዋይ?» ጌዔኔ።

10 ጳውሎስ ጋዓንቴ ሂዚ ጌዒ ማሄኔ፡- «ሐይሾ ታኣኒ ሞኦቲንታኒ ታና ኮይሳ፡ ሮሜ ዓጮ" ካኣቲኮ ዎጎ ቤዛ ዔቄኔ፤ ኔኤኒ ኮሺ" ዔራሢጉዲ ዓይሁዶ ዓሶይዳ ታኣኒ ፔቴ"ታዎ ማዳ ዳቢንቴ ባኣሴ፤

11 ታኣኒ ዳቤያ ማዔቶ ሐሣ ሃይቢሞ ታና ዎጊሳ ዳቢንቴ ታ ማዳቶ ሃይቢፓ ዳቆሞ ታ ጎዑዎሴ፤ ጋዓንቴ ዔያቶኮ ጌኤዛ ጉሪ ባኣዚ" ማዔቶ ያኣኒያ ታና ዔያቶሞ ዓኣሢ ዒንጋኒ ዳንዳዑዎሴ፤ ታኣኒ ሐሣ ጌኤዛ ሮሜ ዓጮ" ካኣቲ ቤርቶ ዓኣዳንዳጉዲ ኮዓኔ» ጌዔኔ።

12 ዒሞ"ና ፒሰያሴ ዒዛና ዎላ" ዘርቲ ማዳ ዓሶና ጌሰታዎ፡- « ሮሜ ዓጮ" ካኣቲ ቤርቶ ታና ዳኬ» ጌዒ ኔ ያኦጮሢር ካኣቲ ቤርቶ ኔ ዓኣዳንዳኔ» ጌዔኔ።

ጳውሎስ ዓጊሪጳና ቤርኒቄና ቤርቶ ሺኢኬሢሢ

13 ዳካ" ኬሊ" ኮ ጊንፃ ካኣቲ ዓጊሪጳና ቤርኒቄና ፒሰያሴ ዛጋኒ ቁሳሪያ ዓጮ" ሙኬኔ።

14 ዒኢካ ዔያታ ሚርጌ ኬሊ" ዳዔሢር ፒሰያሴ ጳውሎስ ዛሎ" ባኮ ሂዚ ጌዒ ካኣቲ ዓጊሪጳሞ ፔጋሲ ኬኤዜኔ፡- «ፒልኪሴ ቤርታ፡ ዎዳ ቱኪ" ሐሺ" ፔቴ" ዓሲ ዓኣኔ፤

15 ታኣኒ ዬሩሳላሚ ዓኣዲ ዒኢካ ዓኣንቴ ቄኤሶኮ ሱኡጎና ዓይሁዶ ዓሶኮ ጨሞና ዬያ ዓሢ ዛሎ" ታኣሞ ኬኤዜሰካፓ ታ ዎጋንዳጉዲ ዔያታ ያኦጮኔ።

16 ታኣኒ ጋዓንቴ ሐዎጌሞ ሺኢኬ ዓሲ ሺኢሺ ዓሶ ቤርታ ዔቄ ዎጊሳ ሐይሶ ዛሎ" ማሂ ኬኤዙዎንቴ ዎጊሳኒ ሺኢሺ ዓሶሞ ዓኣሢ ዒንጊሢ ሮሜ ዓጪ ዳሞቤቱዎሴ» ጌዒ ዔያቶሞ ማሄኔ።

17 ዬያር ዎጎሞ ሺኢሺ ዓሳ ቡኪንቴ ሃይካ ሙካዛ ኔጉዎዎ ዚሬሎ ዎጎ ዎጎ ቤዘይዳ ዳዒ፡ ጳውሎስ ዓሳ ዔኪ ዬዓንዳጉዲ ታ ዓይሢኔ።

18 ዬካፓ ዎጎሞ ሺኢሺ ዓሳ ዒ ዳቤ ባኮ ኬኤዛኒ ዔቃዛ፡- ሐርታ ባኣዚ" ዒዚ ማዳያናንዳኔ» ጌዒ ታ ማሌጎይያ ጉዳያ ዎጌሞ ሺኢሺንዳ ባኣዚ" ፔቴ"ታዎ ዔያታ ሺኢሺባኣሴ።

19 ጋዓንቴ ዒዛና ዎላ" ዔያታ ማርማሢ ፔኤኮ ካኣኩ ዛሎ"ና ሃሣ ሃይቄያታንቴ፡ ጳውሎስ ሐሽሞፔና ዓኣኔ» ጋዓ ዬሱሴና ዛሎ"ኬ።

20 ታኣኒያ ዬያጉዴ ባኣዚ" ያኦጪፃ ታኣሞ ዳኤፃሢር ጳውሎስ ኮራ፡- «ዬሩሳላሚ ዓኣዲ ዒኢካ ሐያ ባኮ ኔ ሞኦቲንታኒ ዳንዳንዳዎይ?» ጌዔኔ።

21 ዲዚ ጋባንቴ ጌኤዛ ሮሜ ካኣቲ ባንሢ ዓኣዳንዳጉዲ ኮዒ <ካኣቲ ባንሢ ታና ዳኩዋቴ> ጌዔሢሮ ታ ዲዛ ዳካንዳያ ሄለ"ንዳኣና ቱኡዘ ማኣራ ዳባንዳጉዲ ዓይሣኔ» ጌዔኔ።

22 ካኣታሢ ዓጊሪጳ ፒሰያሴ ኮራ፡- «ታኣኒያ ዩይ ዓሢ ጌሰታ ሓይሶ ዋይዛኒ ኮዓኔ» ጌዔኔ። ፒሰያሴያ ዲዛም፡- «ሂዳቶ ዚሮ ኔ ዋይዘንዳኔ» ጌዔኔ።

23 ዬያሮ ዚሮ ጉቴ"ሎ ዓጊሪጳና ቤርኒቄና ካኣቱም ዓፒሎ ማኣዒ፣ ዴኤፒ ዓጊቻ ቦንቱንቲና ፖኦሊሶኮ ሱኡጎና ሓሣ ካታምይዳ ዓኣ ዴኤፖ ዓሶና ዋላ" ዋጎ ዋጎ ዳልጎ ማኣሮ ጌላዛ ፒሰያሴ ጳውሎሴ ዲኣካ ዔኤሊ" ዔኪ ሺኢሻያ፡-

24 «ካኣታሢ ዓጊሪጳ! ሃሣ ዓንሢያ ቢያ ኑኡና ዋላ" ዓኣ ዓሳ፤ <ሓይ ዓሢ ሃካፓ ሴካ ሺምፔና ናንጋንዳያ ኮይሱዋሴ> ጌዒ ዒላቲ ዬሩሳላሜይዳ ሓሣ ሃይካ ናንጋ ዓይሁዶ ዓሳ ታ ዋጋንዳጉዲ ታና ዔያታ ጾጩ ዓሢ ሃይ ዓንሢ ዛጋሢኔ።

25 ታኣኒ ጋባንቴ ሃይቢም ዋጊሳንዳ ደቢንቲ ዒዛይዳ ፔቴ"ታዎ ዳንቁባኣሴ፤ ጋባንቴ ዒዚ ሮሜ ዓጮ" ካኣቲ ባንሢ ታና ዳኬ ጌዔሢሮ ዲኣካ ታ ዳካኒኔ።

26 ያዲ ማዔቶዋ ዓዚ ዛሎ" ሮሜ ዓጮ" ካኣቲም ታ ፃኣፒ ዳካንዳ ዔርቲ ባኣዚ" ባኣሴ፤ ዬያሮ ሓሢ ዒዚ ጾኦጪንቴሰካፓ ታ ፃኣፓንዳ ባኣዚ" ዳንቃንዳያናንዳኔ ጌዒ ዓንሢ ቤርቶ፣ ባሼና ሓሣ ካኣቲ ዓጊሪጳ! ኔ ቤርቶ ታ ሺኢሻኔ።

27 ዓይጎሮ ጌዔቶ ቱኡሲ ዓሲ ለካ ዴጌ ቤሲ ዳኪንታኣና ዒዛ ዓይሣ ባኮ ዛሎ" ፔጋሱዋዎ ሓሺ"ሢ ዓኤያቶ ታኣም ማሊ ጴዴኔ» ጌዔኔ።

26

ጳውሎሴ ካኣቲ ዓጊሪጳ ቤርታ ጌሰቴ ጌኤዛ

1 ዓጊሪጳ ጳውሎሴም፡- «ኔኤኒ ኔ ዛሎ" ኬኤዛኒ ዳንዳዓኔ» ጋባዛ፣ ጳውሎሴ ቶኦኮ" ሂርኪዳሰካፓ ዔቁ ሂዚ ጌዒ ጌኤዘ ማሂዎ ሓይሶ ኬኤዘኔ፤

2 «ካኣታሢ ዓጊሪጳ! ዓይሁዶ ዓሳ ታና ዋጎና ዓይሢሳ ባኮ ዛሎ" ቢያሮ ሃና" ታ ኔ ቤርቶይዳ ጌኤዘ ማሂዎ ሓይሶ ኬኤዛሢ ኮሺ" ዴኤፒ ዋዛናኔ።

3 ዓይጎሮ ጌዔቶ ኔኤኒ ዓይሁዶ ዓሶ ዳምቦና ዔያቶኮ ማርማሢና ፔጋሲ ዔራያታሢሮ፣ ሹሌዔ ዒናና ዳንዳዒ ታ ጌኤዘ ኔ ዋይዘንዳጉዲ ታ ኔና ሺኢቃኔ።

4 «ናኣቶይዳፓ ዓርቃዎ ዎይቲ ታ ናንጌቶዎ ዓይሁዶ ዓሳ ዔራኔ፤ ቤርታፓ ዓርቃዎ ታ ዓጮ"ና ዬሩሳላሚናይዳ ታ ናንጌ ናንጎ ታኦሲ" ዔይታ ዔራኔ።

5 ሐሣ ዔይታ ፔ ቶኦኪና ማርካዳኒ ኮዔቶ ኑ ካኣዮይዳ ዎጎ ኮሺ" ዶዲሺ ዓርቃዎ ማዔ፥ ፔርሴ ዓሶ ዛላ" ማዒ ታ ናንጌሣ ዓይፃፓ ዓርቃዎ ዔይታ ዔራኔ።

6 ሐሣ ታ ሐካ ዎጎም ሺኢኬሣ ያኦሲ ኑ ዓዶንሣም ጫኦቂ ዒንጌ፥ ሃጊ ማዓንዳ ዎዘ ጉሙርቃሣሮኬ።

7 ዬኖ ሃጊ ማዓንዳ ዎዘ" ሄላ"ኒ ታጶ ላምዎ ፃጶ ሮኦሪና ዎንቴና ያኦሲ ካኣሽኪ ካኣሽኪ ካፔኔ፤ ካኣቲዮ! ታና ሃሣ ዓይሁዶ ዓሳ ዎጎና ዓይሣሳሣ ዬኖ ታ ጉሙርቃሣሮኬ።

8 ሐይቄ ዓሶ ያኦሲ ዔቁሳንዳፓ ማዒፃ ዎይቲ ዒንሣ፥ ዓይሁዶ ዓሶም ጉሙርቁንቱዎፓ ማዔይ?

9 «ታኣኒ ታ ቶኦኪና ናዚሬቶ ዬሱሴኮ ሱ"ንፃ ዒዲ ማካንዳፓ ኮይሳኔ ጌዒ ሚርጌ ባኣዘ" ታ ማዳኔ።

10 ዬሩሳላሚይዳ ታ ማዳሣ ዬያኬ፤ ቄኤሶኮ ሱኡጎይዳፓ ታ ዔኬ ቤታንቶና ኪሪሰቶሴ ጉሙርቃ ዓሶይዳፓ ሚርጌሣ ታ ቱኡሴኔ፤ ዔይቶ ዎዶዎኣና ዎዳ ዓሶኮ ማዳ" ቃራኬ ታ ጌዔኔ።

11 ሚርጌ ዎዳ ዓይሁዶ ዓሶኮ ቡኪንቶ ቤዘይዳ ዔይታ ማታዳንዳጉዲና ጉሙርቁፃዎ ዔይታ ሐሻ"ንዳጉዲ ማሃኒ ታ ማሌኔ፤ ዔይቶ ዑፃይዳ ሚርጌና ዳጋዲ ሐሣ ማሌ" ማሌ" ካታዎይዳኣ ዓኣዲ ታ ዔይቶ ዳውሳኔ።

ጳውሎሴ ኪሪሰቶሴ ባንሣ ዎይቲ ማዔቴያ ኬኤዜሣ (ዳኪ. ማድ" 9፥1-19፤ 22፥6-16)

12 «ዬኖ ዛሎ"ና ቄኤሶኮ ሱኡጎይዳፓ ጉቤ ማዔ ቤታንቶና ዓይሥሣና ዔኪ ዴማሰቆ ታ ዴንዳንቴ፤

13 ካኣቲዮ! ጎይፃይዳ ዓባ" ሳዛ ጫርጋኣና ዓቢ ፖዒዳፓ ባሽ ፖዒ ታ ዛጌኔ፤ ዬይ ፖዒ ታናንታ ታኣና ዎላ" ዓኣዳ ዓሶናኮ ኮይላ" ጫሪንጫፓ ፖዔኔ።

14 ዬማና ኑኡኒ ቢያሣ ሳፃይዳ ሎኦሚ ዓኣንቴ ዓይሁዳ ዓጪ ሙኡቸና <ሳውሌ! ሳውሌ! ኔ ታና ዓይጎሮ ዳውሳይ? ጌማይ ጫጮ ሚያ * ማሃ ዓኪ ማኣሳናፓጉዲ ኔኤኒ ዬያ ዓጩፍ ሚያ ማሃ ዓኪያና ኔኤሮ ኔ ማኣሳናኔ» ጋዓ ዑኡሲ ታ ዎይዜኔ።

26:5 ዳኪ. ማድ" 23፥6፤ ፒላጲ. 3፥5። 26:9 ዳኪ. ማድ" 8፥3፤

22፥4-5። * 26:14 ጫጮ ሚያ ጌይንቴዛ፦ ዓይሁዶ ዓሳ ጌማይ ጎሽካ ዎዶ"ና ጌማታ ሐንታንዳጉዲ ጫርጋ፥ ፃዶሲ ቤርቶ ዓጪሶና ሚሣኬ።

15 ታኣኒ ማሃየ ሳዳሢዮ፡ ኔኤኒ ያናዳይጎ ጋባዛ፡ ጎዳሢያ ታኣሞ ሂዚ ጌዔኔ፡- ታኣኒ ኔ ታና ዳውሳ ዩሱሴሴ።

16 ጋባንቴ ሐሢ ዔቄ፤ ታ ኔኤሞ ሐሢ ፔገዲ ጴዳሢ' ታና ኔ ዛጌ ጎይያና፤ ሐሣ ሐጋ ሴካ ቤርታ ታ ኔኤሞ ዳሞንዳ ባኮንታሮ ቢያ ታኣሞ ኔ ማዳያና ማርካዳያ ማባንዳጉዲ ታ ኔና ዶኦራኒ ኮዔሢሮኬ።

17 ኔ ባሶ ዒሰራዔኤሌ ዴሮ"ንታ ታ ኔና ዳካ ዓይሁዴ ማዒባኣ ባሶንታ ኩጫጋ ታ ኔና ዳቂሻንዳኔ።

18 ኔ ዔያቶኮ ባኣፖ ቡላ"ንዳጉዲና ዲሞይዳፓ ፖፖ ኔ ዔያቶ ኬሳ"ንዳጉዲ ሐሣ ፃላሄ ዴማ"ፓ ጾኦሲ ባንሢ ኔ ዔያቶ ማሃንዳጉዲ ታ ኔና ማሃንዳኔ፤ ኔ ዩያይዴሢሮ ዔያታ ታና ጉሙርቂ ፔ ጎሞኮ ማኣሪንቲሢ ዴንቃንዳኔ፤ ጾኦሲ ዶኦራዞንሢ ባኣኮ"ይዳ ዒንገንቴ ቤዞሞ ዔያታ ዴንቃንዳኔ» ጌዔኔ።

ጳውሎሴ ፔኤኮ ማድ" ዛሎ" ኬኤዜሢ

19 ጳውሎሴ ቃሲ" ኬኤዞ፡- «ዩያሮ ካኣቲ ባጊሪጳ! ጫሪንጫጋ ታኣሞ ዒንገንቴ፡ ጴዳ ባኮሞ ታ ዓይሢንቴኔ።

20 ጋባንቴ ቤርታዲ ዴማሰቆይዳ ባኣ ባሶ፡ ሄሊ"ሲ ዩሩሳላሜና ዪሁዳ ዓጮ"ናይዳ ባኣ ባሶ ቢያሢና ሐሣ ዩያጉዲ ዓይሁዴ ማዒባኣ ባሶኣ ገዳ" ጎሞ ቡኡዲ ጾኦሲ ባንሢ ሙካንዳጉዲ ታ ዔርዜኔ፤ ጎሞ ቡኡዲ ዔርዞ ባኣዚ"ያ ዔያታ ማዳንዳጉዲ ዔያቶሞ ታ ኬኤዜኔ።

21 ዩያይዳፓ ዔቄያና ዓይሁዴ ባሳ ጌኤዦ ማኣሮይዳ ታ ባኣንቴ ታና ዓርቂ ዎዳኒ ኮዔኔ።

22 ታኣኒ ጾኦሲኮ ማኣዲ"ፃ ታ ገዳ"ፓ ዲማዲባኣሢሮ ባሲ ዲማሱሞ ቢያሢሞ ኬኤዚ ኬኤዚ ሐይማ ሄሊ"ኔ፤ ጾኦሲ ማሊፖ ኬኤዛ ባሶንታ ሙሴንታ ቤርታዲ ሃገ ሪዲ ማባንዳኔ» ጌዔ ባኮ ታ ኬኤዜማፓ ሜሌ" ፔቴ" ባኣዚ"ታፖ ታ ኬኤዚባኣሴ።

23 ዔያታ ኬኤዜሢ፡- «ሜሲሔ ሜቶ ዔካንዳኔ፤ ሐይቢፓ ዔቂሢና ቤርታሳያ ማዒ፡ ዒሰራዔኤሌ ዴሮ"ና ዓይሁዴ ማዒባኣ ባሶናሞ ዳቂንታኮ ፖዒ ዳሞንዳኔ ጌዒኬ» ጌዔኔ።»

24 ጳውሎሴ ዩኖ ኬኤዛ ጎይሣ ባኣንቴ ፒሰፖሴ፡- «ጳውሎሴ! ባካሪ ኔ ዣኣሽኬኔ፤ ሚርጌ ዔሪፃ ኔና ዣኣሹሞይዳ ጌልዜኔ!» ጌዒ ዴግዲ ኬኤዜኔ።

25 ጳውሎሴ ጋባንቴ ሂዚ ጌዒ ማሄኔ፡- «ቦንቺንታ ፒሰፖሴ! ጎኔና ፒዜ ማዔ ባኣዚ" ታ ኬኤዛፓዓቴሞ ታ ዣኣሽኪባኣሴ።

26 ታ ዒዛ ቤርቶይዳ ፔጋሲ ኬኤዜ፣ ካኣቲ ዓገሪጳ ዬያ ዔራንዳኔ። ዬይ፡- ዓኣሽንቲባኣ ባኣዚ" ማዔሚሮ ካኣታሚ ዔራንዳሚ ታ ጉሙርቃኔ።

27 ካኣቲዮ ዓገሪጳ! ኔኤኒ ያኦሲ ማሊያ ኬኤዛ ዓሶ ጉሙርቃያቱዋይ? ኔ ጉሙርቃሚያ ታ ዔራኔ» ጌዔኔ።

28 ዓገሪጳ ጳውሎሴ ኮይላ"- «ኔኤኒ ሃይሾ ታና ሃይማካ ኪሪሰቶሴ ጉሙርቃ ዓሲ ማሄኔ ጌይሚኬ!» ጌዔኔ።

29 ጳውሎሴ ገንሣ፡- «ዑኬ ዋዴያ ማገም ያደሲ ዋዴ፤ ኔና ሌሊቱዋንቴ ሐሮ" ሃያ ታኣኮ ጌኤዘ ዋይዛ ዓሳ ቢያ ሃይማ ታኣኮ ቱኡዘማገ ታታዛ ታጉዲ ማገም ያኦሲ ታ ሸኢቃኔ» ጌዔኔ።

30 ዬካፓ ካኣቲንታ ዓጮ" ዋይሣሚንታ ቤርኒቄንታ ዒዛና ዋላ" ዴዒ ዓኣ ዓሶንታ ቢያ ዔቄኔ።

31 ዒማ"ና ከሰኪ ዔያታ ዴንዲያይዳ ዓኣያ፡- «ሃይ ዓሚ ሃይቃንዳጉዲና ቱኡታንዳጉዲ ዒዚ ማዴ ባኣዚ" ፔቱ"ታያ ባኣሴ» ዋሊ ኮይላ" ጌዔኔ።

32 ሐሣ ዓገሪጳ ፒሰያሴም፡- «ሃይ ዓሚ ዋንዴ ርሜ ካኣቲ ባንሚ ታና ዳኬ» ጌዒባኣቶ ቡሊ"ንታንዳያታንቴኬ» ጌዔኔ።

27

ጳውሎሴኮ ርሜ ዓጮ" ዓኣዲያ

1 ዬካፓ ዋኣያ ካኣሚሎና ዒፃሊያ ዓጮ" ኑ ዓኣዳንዳጉዲ ጌይንታዛ ዔያታ ጳውሎሴንታ ሜሌ" ቱኡሲ ዓሲንታ «ርሜ ዓጮ" ካኣቲኮ ፖኦሊሶ» ጌይንቲ ፓቄንቲ ዓሶ ዓይሣ ዓሶፓ ፔቱ"ሚ ማዔ፣ ዩሊዮሴ ጌይንታ ጃኤቶ ዓሶ ዓይሣሚም ዔኪ ዓኣዳንዳጉዲ ዒንጌኔ።

2 ዬማና ዒሲያ ዓጮ"ኮ ባዘ" ዓጮይዳ ዓኣ ሳያ ባንሚ ዓዲራሚዲያ ነገ ዬዛፓ ዓኣዳ ዋኣያ ካኣሚሎና ኑ ዴንዴኔ፤ ቱሰሎንቄይዳ ናንጋ፣ ማቄዲያ ዓጮ" ዓሚ ዓሪሰዲሮኮሴያ ኑኡና ዋላ" ዓኣኔ።

3 ዚራሎ ኑኡኒ ሲዶና ሃሌ"ኔ፤ ዩሊዮሴ ጳውሎሴም ኮሽ ማዔሚሮ ጳውሎሴ ፔኤኮ ሳጎ ባንሚ ዴንዴም ዔያታ ዒዘም ኮይላ ማኣዶ ማኣዳ"ንዳጉዲ ዓይሣኔ።

4 ዬካፓ ኑ ዔቃኣና ዢባራ ኑኡኮ ቤርታ ዢባርሻያ ማዔሚሮ ቆጶሮሴ ጌይንታ ዋኣያ ሳዛ" ዓኣ ዓጮ"ሎና ካናዲ ኑ ዓኣዴኔ።

5 ኪልቄያና ጳንፒሊያ ዓጮ" ኮይሎ"ይዳ ዓኣ ባዘ"ና ፒንቄሰካፓ ሉቄያ ዓጮ"ይዳ ዓኣ ሙራ ጌይንታ ካታማ ኑ ሃሌ"ኔ።

6 ዒዛ ቤዘይዳ ያኤቶ ፖኦሊሶ ዓይሣሣ ዒፃሊያ ዓጪ ባንሣ
ዒሰከንዲሪያ ጎዖ ቤዛፓ ዓኣዳ ዋኣሣ ካኣሚሌ ዴንቃዖ ዒዛ ኑና
ቶጊሴኔ።

7 ሚርጌ ኬሊ" ታሣ ታሣ ኑ ዓኣዲ፥ ሚርጌ ሜቶና ቄኔዲዮሴ
ካታዎ ኮይሎ ሄሌ"ኔ፤ ዠባራ ጋዓንቴ ቤርቲዎ ኑ ዴንዲዋጉዲ ኑና
ላኣጌሣሮ ሲልዎና ጌይንታ ዋኣዖ ሳዘ" ሶርቶሚ ጌሌ ሳዓኮ
ኮይሊ"ና ጌዒ ዋኣዖ ሳዘ" ዓኣ፥ ቄርዳሴና ካናዲ ኑ ዓኣዳኔ።

8 ዬና ቤዘና ሚርጌ ሜታዲ፥ ባዘ"ኮ ዓጮማ ዓርቂ ኑ
ዓኣዳሰካፓ ላሲያ ካታዎ ኮይላ" ዓኣ «ዠባርና ጉዳሣና ዋኣዖ
ካኣሚሎ ፑርቲሱዋ ኮሺ ቤሲ» ጌይንታ ቤዘ ኑ ሄሌ"ኔ።

9 ኑኡኮ ሃንቲዖይዳ ሌሊ ሚርጌ ዎዴ ጋፔሣሮና ሙኡዚ"
ሙዑዎዖ ሸኢቆ ዎደ" ዓኣዳሣሮ ሐሣ ዬና ዎደ"ና ባዚ" ጊዳ"
ዓኣዲሣ ኮሺ" ፑርታሣሮ ዬማና ጳውሎሴ ዓሶዎ፡-

10 «ዓሲዮቴ! ሐካፓ ሴካ ዓኣ ኑኡኮ ጎይዖይዳ ፑርታ ባኣዚ"
ዓኣሣ ታኣዎ ጴዳኔ፤ ዬይያኣ፡- ዋኣዖ ካኣሚሎይዳ ጫኣኒንቴ ባኮና
ዋኣዖ ካኣሚሎናይዳ ሌሊቱዋንቴ ዓሲ ሸዎፖይዳኣ ዴኤፐ ፑርታ
ባኣዚ"ና ባይሲንታና ሄላ"ንዳኔ» ጌይ ላቲ ኬኤዜኔ።

11 ያኤቶ ፖኦሊሶ ዓይሣሣ ጋዓንቴ ጳውሎሴ ዘር"ይዳፓ ዋኣዖ
ካኣሚሎ ዒሻሣና ዋኣዖ ካኣሚሎኮ ዓዳሣና ጋዓ ባኮ ባሺ
ዎይዜኔ።

12 ዬና ባዘ" ዓጮይዳ ዓኣ ሳዔላ ባርጊ ዎደና ዒኢካ ዴዓኒ
ጊኢጉዎያ ማዔሣሮ ሚርጌ ዓሳ፡- «ኑኡኒ ዴንዲጋፓ፥ ዳንዳዒንቴቶ
ኬደ" ዘሎ"ኮ ዓባ" ጌላ ባንዖና ሐሣ ደኦሎ" ዘሎ"ኮዎ ዓባ" ጌላ
ባንዖይዳ ዓኣ ፒንቄ ጌይንታ ቄርዳሴ ዓጮ"ኮ ዋኣዖ ካኣሚሎ
ዔቂሶ ቤዘ ሄሊ" ዒኢካ ባርጎ ዎደ" ኑ ዓኣሣዎ» ጌዒ ማሊሣ
ሸኢሸኔ።

ባዘ" ጉዳሣ

13 ዓባ" ኬሰከ ጌላ ዘሎ"ኮ ደኦሎ" ዘሎ" ዠባራ ዳካ"
ዠባርሺዎ ዔያታ ዘጋዖ ዔያታ ማሌ ጎይዖ ማዔያ ዔያቶዎ ማላዘ
ዋኣዖ ካኣሚሎ ዓርቂ ዔቂሳ ዓንጎ ኮንጮ ቱጊ ዓኣዲያ ዔቄኔ፤
ዔያታ ዋኣዖ ካኣሚሎ ዔቂሶ ቤዛፓ ዔቄ ባዘ"ኮ ዓጮማ ዓርቂ
ቄርዳሴኮ ኮይሊ"ና ዓኣዳኔ።

14 ጋዓንቴ ኔጉዎዖ «ኬደ" ዘሎ"ኮ ዓባ" ኬሰካ ባንዖ ዓልጋሣ»
ጌይንታ ደዲ ዓልጋ ዋኣዖ ሳዘ" ዓኣ ሳዔሎይዳፓ ዔቄ ዔያቶይዳ
ሙከኔ።

15 ዋኣዖ ካኣሚላ ሃዒንቴሣሮ ሐሣ ዠባርዎ ቃዘኒ
ዳንዳዒባኣሣሮ ዠባራ ኑና ዒሺዎ ዚቲዮ ጌዒ ኑ ዓኣዳኔ።

16 ዩካፓ ቁዳ ጌይንታ ዋኦያ ሳዛ" ዓኣ ደካ" ዓጨሰከኖና ካናዲ ኑ ዳንዲቤቃ ዋኦያ ካኣሚሎይዳ ቱኪ"ንቲ ዓኣ ዋኦያና ፒንቆ ጎንጊሰከና * ቶላ"ኒ ዑኩም ማቶና ኑ ቃዛኒ ዳንዳዔኔ።

17 ዋኦያ ካኣሚሎይዳ ዓኣ ዓሳ ዋኦያና ፒንቆ ጎንጌሎ ጎቺ ዔኪ ዋኦያ ካኣሚሎ ጋሮ ጌልዜሰካፓ ሱሲና ደዲሺ ቱኩ"ኔ፤ ዋኦያ ካኣሚሎ ሓሣ ሱሪቲሴ ጌይንታ ዋኦያ ዳማ" ዓኣ፥ ኩሊንቴ ማኣሻላ" ዳንዲ ዲዒንቱዋጉዲ ሻራሣ ጌይንታ ዳልጎ ዓፒሎጉዳ ባኮ ከይሳዎ ኮዔ ጎይሣ ዓኣዳንዳጉዲ ሓሽ"ኔ።

18 ጋዓንቴ ዓልጋሣ ሓሾ" ዒፃሣሮ ዚሬሎ ዋኦያ ካኣሚሎ ዑያይዳ ጨኣኒንቴ ማሆ"ይዳፓ ዛሎ" ባዞ"ይዳ ዓሳ ከኤሪሣ ዓርቄኔ።

19 ሓይሣሳ ከሎ"ና ዋኦያ ካኣሚሎም ኮይሳ ባኮዋ ዔኪ ዔኪ ፔ ኩቻ ዔያታ ከኤሪኔ፤

20 ሚርጌ ከሌ" ዓቢንታ ዦኦጎንታ ኑ ዛጊባኣሣሮ ሓሣ ዓልጋሣ ዠባርሺያ ሃሾ" ዒፃሣሮ፡- «ኑ ዳቃኒ ዳንደዑዋሴ» ኑ ጌዔኔ።

21 ዓሳ ፔቱ"ታዎ ሙኡዚ" ሙዑዋዎ ሚርጌ ከሌ" ዳዔሣሮ፤ ጳውሎሴ ዔያቶ ባኣካ" ዔቃዎ፡- «ዓሲዮቲ! ዒንሣ ዋንዳ ታ ዒንሣም ጌዔ ባኮ ዋይዚ ቁርፃሴይዳፓ ዔቁባኣያታቶ ሓይ ዋኦያ ካኣሚሎይዳ ማዔ ባካ ቢያ ዒንሣ ሄሊ"ንዲዋያታንቴከ፤

22 ሓሣ ዋኦያ ካኣሚሎ ሌሊ ፑርታንዳኣፓዓቲም ዒንሣዳፓ ያይዳኣ ማዎም ባይሰንታ ሄሊ"ንዲዋሴ፤ ዩያሮ ደዲዋቲ፤ ዒጊጨፖቲ፤ ጌዒ ታ ዒንሣ ዘራኔ።

23 ታ ዒዛሮ ማዒ፥ ዒዛ ካኣሽካ ያኦዛሣ ዳኬ ከኢታንቻ ዋንቴ ታ ኮራ ዔቁ፡-

24 ጳውሎሴ ዒጊጨፖ! ኔኤኒ ሮማ ዓጮ" ካኣቲ ቤርታ ዔቃንዳያ ኮይሳኔ፤ ሓይሾ፥ ኔኤና ዋላ" ዓኣዳ ዓሶ ቢያ ኔ ጋይቴ ጌዒ ያኦሲ ሃይቢዳፓ ዳቁሻንዳኔ» ጌዒ ታኣም ከኤዜኔ።

25 ዩያሮ ዒንሣ ሓይ ዓሳ ደዲዋቲ፤ ያኦሲ ዩያ ታኣም ከኤዜ ባኮ ቢያ ኩንሣንዳሣ ታ ጉሙርቃኔ።

26 ማዔቶዋ ዠባራ ኑና ዔኪ ፔቲ" ዋኣሣ ሳዛይዳ ዓኣ ሳዓኮ ዓቺዳ ከኤራንዳኔ» ጌዔኔ።

27 ታጳ ያይዳሳ ዋንቶና ዓዲሪያ ባዞ"ይዳ ዠባሮና ሂዒንቴ ሴካ ሃንጋ ኑ ጌዒ ጌዒ ዓኣንቴ ሳዎኮ ጊዲሚሺ ማዓዛ ዋኦያ ካኣሚሎይዳ ማዳ ዓሶ ኮራ ሳዎ ባንሣ ዑኩያ ማሌኔ።

* 27:16 ዋኦያና ፒንቆ ጎንጊ፡- ዩኖጉዳ ጎንጋ ማኣዳ"ሣ ዋኦያ ካኣሚሎ ፑርቲያ ማዔቲ ጊዳ" ዓኣ ዓሳ ዒዛይዳ ጌሊ ባዞ"ፓ ከሰካኒ፤ ሓሣ ዋኦያ ካኣሚሎ ዓቁሶ ቤዛፓ ዳንዲ ዔኤቢ ዒዞና ዔኮያከ።

28 ዬያሮ ባዘ"ኮ ዔታዲያ ሚግ" ዛጎ ሱዞ ዔያታ ዓጋዛ፣ ባዘ"ኮ ዔታ" ሳሊ"ታሚ" ዋዳ ማዒ ጴዳጅ፤ ሐሣ ዳካ" ናጋጋ ዛጎ ሱዜሎ ዔያታ ዓገጭ ላሂ"ታሚ" ዋዳ ማዒ ጴዳጅ።

29 ዋአጾ ካአሚላ ባዘ" ዓጮይዳ ዓአ ሹጫ ዓአዲ ዲይንቴዎጉዲ ዔያታ ዒጊጨ፣ ዋአጾ ካአሚሎኮ ጊንጾ ዛሊ"ና ዋአጾ ካአሚሎ ቃዘንዳ ጋይዳ ዓንጎ ኮንጮ ሊካ ዓጊ፣ ዬካፓ ዲማ ካራንዳጉዲ ሸኢዲሢሣ ዓርቄ።

30 ዋአጾ ካአሚሎይዳ ማዳ ዓሳ ዋአጾ ካአሚሎይዳፓ ኬስኪ ዴንዳኒ ኮዔያታሢር ዋአጾ ካአሚሎኮ ቤርቶ ዛሎ"ና ዓንጎ ኮንጮ ሊካ ዓጋያ ማሊ ዋአጾ ካአሚሎይዳ ዓአ ዋአጾና ፒንቆ ጎንጌሎ ባዘ"ይዳ ኬኤሬ።

31 ዬማና ጳውሎሴ ጻኤቶ ፖኦሊሶ ዓይሣሢና ፖኦሊሶና ኮይላ"- «ሐአታ፣ ዋአጾ ካአሚሎይዳ ማዳ ዓሳ ዋአሊ"ንቁጾ ሃሺ" ዘቲ ጌዒ ዴዒባአቶ ዒንሣ ዳቃኒ ዳንዳዑዋሴ» ጌዔ።

32 ዬያሮ ፖኦሊሳ ዋአጾና ፒንቆ ጎንጌሎኮ ሱዞ ቲቃጾ ዋአጾይዳ ጉሪ ዒዛ ሴካ ሃንጋ ጋዓንዳጉዲ ሐሹ"ኔ።

33 ሳዓ ካራኒ ዑካዛ ቢያሢ ሙኡዚ" ሙዓንዳጉዲ ጳውሎሴ ዔያቶ ሸኢቃያ፡- «ፔቴ"ታጾ ሙኡዚ" ሙዑዋጾ ዒንሣ ካፓንቴ ሐና" ዒንሣኮ ታጾ ጋይዳ ኬሊ"ኔ።

34 ዬያሮ ዒንሣ ሙኡዚ" ሙዓንዳጉዲ ታ ሸኢቃ፤ ዬይያ፡- ዒንሣም ዎልቄ ደዲሻንዳ፤ ዓይጌንዳጉዴ ፑርታ ባአዚ" ፔቴ"ታጾ ዒንሣዳ ሄላ"ዓኔ» ጌዔ።

35 ዬያ ጌዔሰካፓ ካሣ ዔኪ ቢያሢኮ ቤርታ ጾኦሲ ጋላታ፡- ቡንጻ ሙዒሣ ዓርቄ።

36 ዬማና ቢያሢኮ ዒና" ማዔም ደዲ ሙጾ ሙዔ።

37 ዋአጾ ካአሚሎይዳ ኑኡኒ ዓአ ዓሳ ቢያ ላምጾ ጻኤታና ላንካይታሚ" ላሆ"ኔ።

38 ዬካፓ ቢያሢ ሙዒ ሚሸካጾ ዋአጾ ካአሚሎይዳ ጫአንጎቴ ዛርጋሢ ባዘ"ይዳ ኬኤሪ ዋአጾ ካአሚሎ ዴኤጾ ባኮ ሸሌዒሴ።

ዋአጾ ካአሚሎኮ ሜቁጾ

39 ዬማፓ ሳዓ ካራዛ ዔያታ ሄሌ" ቤዞ ዔያታ ዔሪባአሴ፤ ጋዓንቴ ማአሻላ ዓአ ባዘ" ዓቺ ዔያታ ዴንቄ፤ ዬያሮ ዔያቶም ዴንዳዒንቴቶ ዒዞ ባንሣ ደጨሳኒ ማላ፡

40 ዓርቄ ሱዞ ቲቄ ዓንጎ ኮንጮ ባዘ"ይዳ ሐሹ"ኔ፤ ዬማና ሐሣ ጊንጾ ዛላ" ዓአ፣ ዓጊሣ ዓጊሣ ዒሺ ዔኪ ዓአዳ ዳልጎ ጋይዳ ሚጾኮ

ሱዘ ቡሊ"፣ ቤርቶ ዛሎ"ና ዓኣ ዳልጎ ሻራሢ ዢባር ባንሢ ዴ'ጊዲ ባዘ" ዓጮ ባንሢ ኬሰካኒ ዔያታ ዓኣዴ።

41 ጋዓንቴ ዋኣያ ካኣሚላ ዋኣያ ዴማ" ዓኣ ኩሊንቴ ማኣሻሎይዳ ዲዒንቴ ቤርቶ ዛሎ"ና ሊካ ዶቁንቴ ዓጊጡዋያ ማዓዛ፣ ጊንፆ ዛሎ"ና ጋዓንቴ ጉዳሢዳፓ ዔቁያና ካኣሚላ ማቂሢ ዓርቁ።

42 ቱኡዞ ዓሳ ጡቢ ፒንቂ ቶሎ"ዋጉዲ ፒንቃኒ ጌዔቶ ዔያቶ ፖኦሊሳ ዋዳኒ ማሌ።

43 ጭኡቶ ፖኦሊሳ ዓይሣሢ ጋዓንቴ ጳውሎሴ ዓውሳኒ ኮዔሢር ዬኖ ፖኦሊሶኮ ማሊያ ዔኤዎ ዒዲ፣ ጡቢ ዔራ ዓሳ ቤርታዲ ዋኣያ ካኣሚሎይዳፓ ባዘ"ይዳ ኮኣሚ ጌሊ ጡቢ ጡቢ ፒንቃንዳጉዲ ዓይሢ።

44 ሐሣ ዓቴ" ዓሳ ዋኣያ ካኣሚሎኮ ዲማ ዲማ ማቂያንታ ዳልጎ ላሻሢ ሚያንታ ዓርቂ ዓርቂ ፒንቃንዳጉዲ ዓይሣዛ ዬያይዲ ቢያሢ ኮሺና ሳዎ ሄሌ"።

28

ጳውሎሴ ማልታ ጎዎ ዋኣያ ሳዛ" ዓኣ ዓጮ"ይዳ

1 ዬካፓ ኵኡኒ ሳዎ ኮሺ ሄላ"ዎ ኵ ሄሌ" ሳዔላ ማልታ ጌይንታያ፣ ዋኣሢ ሳዛይዳ ዓኣ ዓጪ ማዔሢ ዔሬ።

2 ዬኖ ዋኣያ ሳዛ" ዓኣ ዓጮ"ሎይዳ ናንጋ ዓሳ ሚርጌና ሄርሺሳ ኮሺ ማዶ ኵኡሞ ማዴ፤ ዬማና ዒርዚ ዋርቃያታሢር ጨኢዦር ጌዒ ታሚ ዔኤሢ ኵና ዔያታ ዔኬ።

3 ጳውሎሴ ዒማ"ና ሻርሻ ሃኣኪ ዔኪ ታሞይዳ ዓጋንቴ፣ ሉ ታሞኮ ያይዳይዳፓ ዔቁያና ፔቴ" ሾኦሺ ሻርሻፓ ኬሰካዎ ኩጮ ዳይ ዓርቁ።

4 ማልታ ዓጮ"ሎይዳ ዓኣ ዓሳ ጳውሎሴኮ ኩጮ ሾኦዣ ዳይ ዓርቁሢ ዴንቃዎ፡- «ሐይ ዓሢ ጎኔና ዓሲ ዎዴ ዓሲኬ ጌይሢኬ! ዓይጎር ጌዔቶ ባዘ" ጉዳሢዳፓ ኮሺና ቶሊ" ኬሰኬቶዎ ኵኡኒ ጸኦሲ» ጌዒ ካኣሽካ ፒዜ ዎጋ ያኦዛሢኮ ዎጊያይዳፓ ቶሊ"፣ ናንጋኒ ዳንዳዒባኣኤ» ዎሊ ኮራ ጌዔ።

5 ጳውሎሴ ጋዓንቴ ሾኦዣሢ ታሞይዳ ዉጡርቂ ዓጌ፤ ዒዛ ፔቴ"ታዎ ዎኦቴ ባኣዚ" ባኣሴ።

6 ዓሳ ጋዓንቴ፡- «ኔጉዎዎ ሐሢ ዑፃ ዒዛኮ ኪፃንዳ፤ ሐሣ ዒዚ ዔርቲባኣንቴ ሃይቃንዳ፤» ጌዒ ካፔ። ጋዓንቴ ሚርጌ ዎዴ ዔያታ ዬያይዲ ካፔሞ ፔቴ"ታዎ ዎኦቴ ባኣዚ" ባኣያ ማዔሢ ዛጋዎ ማሊያ ጊንፆ ላኣሚ፡- «ሐይ ዓሢ ያኦሲኬ!» ጌዔ።

7 ዬኖ ኩኒኒ ዓኣ ቤዘሎኮ ኮይሎይዳ ዋኣዎ ሳዛ" ዓኣ ዓጨ"ሎ ዋይሣያ ማዕፍ፣ ፑፒሊዮሴ ጎዎሢኮ ሳዓ ዓኣኔ፤ ዬይ ዓሢ ፔ ማኣራ ኑና ዔኪ ሓይሣ ኬሊ" ቃራሲ ሸኦቹንሣኔ።

8 ዬማ"ና ፑፒሊዮሴኮ ዓይ ቆሢና ዒርሲ ደርዖና ሓርጌም ላሂ ዓኣንቴ ጳውሎሴ ዒዛ ባንሢ ጌሊ ሺኢቁ ኩጮ ዑፃ ጌሢ ዓሢ ፖዒሴኔ።

9 ዬይ ያዲ ማዕሢኮ ጊንፃ ዋኣዎ ሳዛ" ዓኣ ዓጨ"ሎይዳ ናንጋ ሃርጊንቴ ዓሳኣ ሙኪ ፖዔኔ።

10 ዓሳ ሚርጌ ኩኡም ዒንጎ ባኣዚ" ዔኪ ሙኪ ኑና ቦንቻያ ማዒያ ዔርዘኔ፤ ጊንሣ ዋኣዎ ካኣሚሎና ኑ ዓኣዲኒ ዔቃኣና ኑም ኮይሳ ባኮ ቢያ ዋኣዎ ካኣሚሎይዳ ዔያታ ጫኣኔ።

ጳውሎሴኮ ሮሜ ዓጨ" ሄሊ"ዎ

11 ሓይሣ ዓጊኒ ማልታይዳ ኑ ዴዔሰካፓ ባርጎ ዎዶ" ዒዘ ቤዘይዳ ዴዒ ዓኣሣ፣ ዒሰኪንዲሪያ ዓጨር ማዕፍ ዋኣሢ ካኣሚሎ ቶጊ ዓኣዲያ ኑ ዔቅኔ፤ ዋኣዎ ካኣሚሎሎኮ ሱ"ንፃ «ሜንቴ ማዕፍ ያኦዘ"» ጌይንታያኬ።

12 ሲራኩሴ ጌይንታ ካታሞ ኑ ሄሊ"ዎ ዒኢካ ሓይሣ ኬሊ" ዴዔኔ።

13 ዬካፓ ባዘ" ጊዶ" ኑ ሓንቲ ሬጊዩሜ ካታሞ ሄሊ" ዒኢካ ፔቴ" ኬሊ" ኑ ዴዔሰካፓ፣ ደኦሎ" ዛሎ" ዠባራ ዠባርሼሢሂር ላምዓሳ ኬሎ"ና ፑቲዮላሴ ካታሞ ኑ ዓኣዴኔ።

14 ዒዘ ቤዘይዳ ኪሪሰቶሴ ጉሙርቃ ዓሶ ኑ ዴንቃዛ፣ ኑ ዔያቶና ዎላ" ላንካይ ኬሊ" ዴዓንዳጉዲ ዔያታ ሺኢቁም ዴዔሰካፓ ሮሜ ዓጨ" ኑ ዓኣዴኔ።

15 ሮሜ ዓጨ"ይዳ ዓኣ ኪሪሰቶሴ ጉሙርቃ ዓሳ ኑ ዛሎ" ዎይዘዎ ዓፒዮሴ ቦኦኮ" ካሮ"፤ ሓሣ «ዎርቆ ቤሲ ሃይሣ» ጌይንታ ቤዘ ኑና ዔካኒ ሙኬኔ፤ ጳውሎሴያ ዔያቶ ዴንቃዎ ያኦሲ ጋላቲ ደዴኔ።

ጳውሎሴ ሮሜ ዓጨ"ይዳ

16 ሮሜ ዓጨ" ኑ ጌላዛ ጳውሎሴም ፔቴ" ዒዛ ካፓንዳ ፖኦሊሴ ዒንጊንቴሰካፓ ዒዚ ፔኤኮ ናንጋንዳጉዲ ዓይሢንቴኔ።

17 ሓይሣ ኬሊ"ኮ ጊንፃ ጳውሎሴ ሮሜ ዓጨ"ይዳ ናንጋ ዓይሁዶኮ ዴኤፖ ዴኤፖ ዓሶ ዔኤሊ"ሴኔ፤ ዔያታ ሙኪ ቡኬሰካፓ ሂዚ ዔያቶም ጌዔኔ፡- «ዒሸንሢዮቴ! ዒሰራዔኤሌ ዴር"ና ዓዶንሢ ዎሳናይዶ ታ ማዴ ዳቢንቲ ባኣዚ" ፔቴ"ታዎ ባኣሴ፤ ጋዓንቴ ዬሩሳላሜይዳ ታኣኒ ቱኡቲ ሮሜ ዓጨ" ዓሶም ታ ዒንጊንቴኔ።

18 ሮሜ ዓጮ" ዓሳ ታና ያኦጮሰካፓ ሃይቢም ታና ዋጊሳንዳ ባአዚ" ዳንቁባአሢሮ ጉሪ ታና ሐሻ"ኒ ማሌንቴ።

19 ዓይሁድ ዓሳ ታኦኮ ጉሪ ሐሽ"ንቴፆ ዓይም ሜሌ" ታ ዋኦታንዳ ጎይሢ ባይቁሢሮ፡- <ሮሜ ካኦቴ ባንሢ ታና ዳኩዋቴ> ጌዒ ያኦጮኒ ታ ዳንዳዔኔ፤ ማዔቶዋ ዳሮ" ታኦኮ ታ፡- <ዋጌና ዓይሢሳንዳኔ> ጋዓ ባአዚ" ባአሴ።

20 ሃሢያ ታ ዒንሢሢ ዔኤሊ"ሴሢ" ታ ዒንሢሢ ዘጋኒና ዬያኦ ታ ዒንሢሢም ኬኤዘኒኬ፤ ታኦኒ ሃያ ካኖ ቢራቶና ቴኦቴሢሢ ዒሰራዔኤሌም ዒንገንቴ ሃጊ ማዓንዳ ዋዞ ዘሎ"ናኬ» ጌዔኔ።

21 ዔያታ ሂዚ ጌዒ ማሄኔ፡- «ዩሁዳ ዓጮ"ይዳፓ ኔ ዘሎ" ባአዚ" ዳኪንቴ ከኢታ ኦና ሄሊ"ባአሴ፤ ሐሣ ሐካ ሙኬ ዓሰይዳፓ ፔቴ" ዓሲታፆ ኔኤኮ ፑርቴዋ ሃይሳቴ ኬኤዚባአሴ።

22 ኔኤኒ ሃኖ" ካኦሽካ ካኦኤሎ ዲማ ዲማ ቤዞይዳ ዓሳ ማኪ ዓይያ ማዔሢ ኦ ዔራኔ፤ ዬያሮ ኔ ማሊፆ ሃሢ ዓይጎታቴያ ኦ ዔራኒ ኮዓኔ» ጌዔኔ።

23 ዬካፓ ዋይዞንዳ ኬሊ" ጌሣፆ ሚርጌ ዓሲ ዒዚ ናንጋ ማኦሮ ሙካዛ፤ ዒዚያ ጉቴ"ይዳፓ ዳንዲ ዒባኒ" ሄላ"ንዳኦና ያኦሲ ካኦቴዋ ዘሎ" ማርካዲ ማርካዲ ፔኤኮ ዓኦ ማሊፆ ዔያቶም ፔጋሴኔ፤ ሙሴ ዋጎና ያኦሲ ማሊፆ ኬኤዛ ዓሰ ማፃኦፖናይዳፓ ዔኪ ዔኪ ዬሱሴ ዘሎ" ዔያቶም ኮሺ" ዔርዚ ኬኤዜኔ።

24 ፔቴ" ፔቴ" ዓሳ ዒዚ ኬኤዛ ቃኦሎ" ጉሙርቄኔ፤ ሃንጎ ዓሳ ጋዓንቴ ጉሙርቁባአሴ።

25 ዔያታ ሐሣ ማሊፆ ዋላ" ፔቴ" ማሃ ገኢጉዋፆ ዲማዲ ዳንዴ። ጳውሎሴ ዒማ"ና ጋፒንሢ ሂዚ ጌዔኔ፤ ዓያኖ ጌኤዣ ያኦሲ ማሊፆ ኬኤዛ ዒሲያሴ ዘሎ"ና ዒንሢኮ ዓድንሢም ኬኤዜሢ ፒዜኬ፤

26 ዒዚያ ኬኤዜ ቃኦላ"፡-

«ሐያ ዳሮ" ባንሢ ዓኦዲጋፓ

«ዋይዚ ዒንሢሢ ዋይዛኔ፤ ጋዓንቴ ዒንሢሢ ጳቂሱዋሴ፤

ዘገ ዒንሢሢ ዘጋኔ፤ ጋዓንቴ ዒንሢሢ ዒና ዔኩዋሴ» ዔያቶም ጌዔ።

27 ዓይጎሮ ጌዔቶ ሐያ ዓሰኮ ዒና" ደጮኔ፤

ዋያኦ ባይቄኔ፤ ዓኦፓኦ ዔያቶኮ ዲኦሚንቴኔ፤

ያዲ ዔያታ ዋንዴ ማዒባኦያታቴ

ዓኦፖና ዔያታ ዘገ

ዋዮናኦ ዔያታ ዋይዚ

ዲኖናኣ ሐሣ ጳቂሲ
ታ ባንሢ ዔያታ ማዕም

ታ ዔያቶ ዓውሴያናንዳኔ፤ ሂዚ ጋዓሢኬ።

28 «ዬያሮ ጾኦሲኮ ዳቂንቶ ኪኢታ" ዓይሁዴ ማዒባኣ ዓሶሞ
ዳኪንቴሢ ዔሩዋቴ፤ ዔያታ ናሽኪ ዔካንዳኔ።»*

30 ጳውሎሴ ዲዚ ሚኢሾ ጨገ ጨገ ዋርቃ ማኣሬሎይዳ ላሞ?
ሌዔ ቢያ ዴዒ፥ ዲዛ ባንሢ ሙካ ዓሶ ቢያ ሾኦቹንሢ ዔካኔ፤

31 ጾኦሲኮ ካኣቱሞ ዛሎ"ዋ ኬኤዚ ኬኤዚ ሃሣ ጎዳ ዬሱሶ
ኪሪሶቶሴ ዛሎ" ዲዛ ላኣጋ ዓሲ ባኣያ ማዒ ጫርቂ ዔርዛኔ።

28:27 ዲሲ. 6፥9-10። * 28:28 ፔቴ" ፔቴ" ሚናኣ ማፃኣ፡- ፓይ. 29ይዳ
«ጳውሎሴ ዬያ ኬኤዚሰካፓ ዓይሁዴ ዓሳ ዲናፓ ማርሚ ማርሚ ዲኢካፓ ኬሰኪ ዴንዴኔ»
ሂዚ ጋዓያ ቃሲ" ፃኣፓኔ።

Maale New Testament
The New Testament in the Maale language of Ethiopia
copyright © 2007 Bible Society of Ethiopia

Language: (Male)

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

PDF generated using Haiola and XeLaTeX on 11 Jun 2026 from source files dated 13 May 2025

48f5fdf1-90d6-5bff-b666-a2b8b5d20de1